

KU KUTISEZWA KWA KOTA YA MUNYALIWA



Ni itumezi, Muzwale Orman. Mulimu aku fuyole.

Ki kakusasana, balikani. Mi ki lithonolo fa kukutela mwa tabernakele, mwa kakusasana wa Paseka wo, kulapela, zuho yetuna ya Mulena luna ni Mupulusi, Jesu Kreste.

² Ne ni ka tabela kubulela kuli Ne nili luli. . . Mwahala mañusa kaufela e Ni kile na utwa mulisana wa luna kutaza, lelinde ka kufitisisa neli la kakusasana kacenu. Ne ni ile kwandu ku yo bulelela musala ka. Se nili, “Mulatiwa, kakusasana wo u mbwinjize, ka ku sa zuha kapili.” Yani neli yende luli ku ze Ni utwile fateni ka za zuho, mwa bupilo bwaka kaufela. Nali kuba ni utwe fateni sika kaufela sesinde, ka zuho kufita mulisana wa luna ha lu file kakusasana cwana. Liñusa le li komokisa cwalo, ni lika kaufela libeilwe hande fa mayemo a zona. Seo si bonisa, kuli, tozo ha i swala mutu, mwabona, se—se si ezahala. Seo sieza nto yeñwi foo. Mi kacwalo lu tabile kuli—kuli Mulimu ulufile mulisana yomunde yoo.

Mi cwale Ni bata kuitumela ku mañi ni mañi wa mina.

³ Lubile mo cwale fa nako nyana, ka linako ze shutana, kwa mulaho ni kwa pata, kono Ni ya kwa masimu cwale, sina ha mu ziba. Sunda ye, Ni ya kwa ma Cree Indian, kwani kwa British Columbia. Mi cwale hape, kuzwa kwani, ni ya kwa Fort St. John. Mi cwale, mbumbi ye, haiba Mulena alata, kuba mwa. . . kaufela kwa Likamba la Wiko, kwani kwa Upa, ni—ni kwande kwa Likamba la Wiko, ni kupahama mwa Alaska, Anchorage, Alaska, ni kupunya kwani. Mi cwale, mwendi, kuzwa fani, Ni luma manaka akutatubela moya kwa Africa ni libaka zeñwi za lifasi, bakeñisa maliha atatama. Kacwalo ikaba nako yeñwi Ni si ka kuta kale kwanu kwa tabernakele hape. Mbweshwa, ikaba ka Muyana kamba linako zeñwi litabula le, Ni si ka kuta kale hape.

⁴ Mi Ni bata kuitumela ku mina kaufela ka swalisano ya mina yende, ni ze muezize kaufela. Mi lu swabile haluna sibaka sa kuli sicaba kwanu sikwane kakusasana cwana. Lu mwa nako ya kuyaha muyaho cwale, sina ha mu ziba, kuyaha keleke yetuna, mi. . . kwa lisebelezo ze. Mi kacwalo zeo li ka kalisa ona fa kapili cwale. Ba ka kalisa kuyaha fa keleke. Cwale mube. . .

⁵ Hape, ni bata kuitumela ku mañi ni mañi wa mina ka. . . limpo, kwa makadi a za kupepwa, makadi a Paseka, limpo ze mu file Billy, ni ze shutana, kakuli, za. . . ni zeñwi za ka; Muzwale Wood, ni buñata bwa bona. Na itumela ku bona kaufela.

⁶ Mi mutu ni mutu utaha ku to bulela kuli. . . Ha mu zibi mukatalo wateni mo uinezi. Yomuñwi ataha abula kuli, “Cwale lubata kubona Muzwale Branham. Lu bata kubona bo ndataho,” ni babañwi cwalo. Mi ali, “Shiti yateni itezi.” Mi, oh, ha mu zibi buino bwa ku utwisa maswabi bo si mi kenya ku bona, ha mu—mu—mu ka fita fela ku babañata hahulu. Kona fela ze mukona kueza.

⁷ Ni—Ni lakaza kuli kambe ne kukaba cwalo Ni ba fela ni nako yetelele ni mutu, ni ine fafasi. Mi Ni sepa kueza cwalo nako yeñwi. Kono ha ku konahali kuba cwalo, mwa lifasi le, kakuli kuna ni batu baba tahanga kwanu kuzwa mwa lifasi kaufela, mwabona, kuzwa mwa lifasi kaufela. Sunda ye, kubile sicaba se si zwelela kwa linaha zeshutana kutaha kwanu, mi ibile lipuzo ni kulapela, ona sunda ye, kuzwa mwahala linaha kupotoloha lifasi.

⁸ Mi haiba neli fela kopano yaluna yenyinyani, ya mwa Jeffersonville moo, Na kona kunga liholo zepeli kamba zetalu ka tabo ni ufi wabona kaufela, ni ku li potolosa kaufela kuba ni bona kwande. Kono, mwabona, ha ku sa na ni fela, kubulela kuli, lipizo ze ketalizoho kuzwa, kamba, mwendi, lipizo zepeli zezwa mwa silalanda sa luna sa mwa sibaka, kuna ni mwanda kamba mianda yemibeli baba zwelela mwa lifasi kaufela, ka nako yeswana bababeli ba ha ba taha. Kacwalo kubile likitikiti luli ze ni palezwi neba kuswala, hakuna mane, mwabona, ki sicaba. Mi ni lipizo za kuli “Taha *kwanu*, ni kuli zamaya *kwani*,” ze zwelela kwa lifasi kaufela, mi ki matikiti fela a lifulai a lumelezwa kai ni kai, ni zeñwi kaufela zetaha, “Utahe, u to lapelela bakuli,” kono hamukoni kueza cwalo.

⁹ Kacwalo, sicaba si swabile. Ni kaba cwalo, nina. Kono Ni tabela fela, ka la Zuho ye kakusasana, kuli ni bulele taba yaka, kubulela kuli—kuli ha Ni zibi sa kueza ka zona. Kuna ni fela babañata, mwa ziba, ku—ku ba ni bona, likiti ni likiti za batu kuzwa mwa lifasi. Ni ile musipili waka wa busebene, sina mo mu zibela. Mi Ni bile mwa swalisano ya batu kufitelela batu baba kuma fa teni milioni kuzwa mwahala lifasi.

¹⁰ Kacwalo mwakona ku nahanisiza fela kamo—kamo kuinezi, mufuta wa mukatala o si mi beya kuona. Mi linako zeñata lufitanga ku ze katalisa, mi Ni ziba kuli ni mina mwabanga cwalo, hape, ni kuswaba fokuñwi. Kono munahane ka zona Ni nani, kuswaba ko Ni nani, haiba bahame baba kula fa luwaile, ha bali, “O Mulimu. . . ’ Kihande, libelela fa muzuzu fela, Muzwale Branham. ‘Mulena Jesu, Ni—Ni—Ni lapela kuli U mu lume.’” Mi—mi Ni sa lula fela luwaile kuzwa ku kuyomuñwi, kipeto hape *kwanu*, ni *kwanu*, ni *kwanu*, ni kwa lifasi kaufela. Mwa ziba mo ku inezi. Mi sani—sani ha ki se si bunolo haiba yomuñwi kwa mafelelezo a luwaile, ni mbututu ya kula, kamba muuna ya kula, kamba musali ya bata kushwa, inza ku lapelela kuli utahe. Cwale, mwakona kunahana fela.

11 Ki kabakaleo Ni mutu ya iikutwa kulyangananga. Fela ki kuli. . . Zeo zakona kulyanganisa mutu mane. Kono Ni ezize nto iliñwi ye, mwa sibaka sa kuba ni kufeleleza. Ni likile kuswala ka tukufalelo, ka kutalimisa meto aka fa Kalvari ni kuzwelapili cwalo, kuya fela ka mwa Na ka ni batela kuli ni eze. Mi mafosisa amañata, Ni lapela kuli Mulimu ani swalele ka lika zeñwi, kuli mwendi Ni lukela kuya kwa sibaka silisiñwi mi ni si ka ya. Na ni mutu fela, mi nikona. . . kuba ni mafosisa.

12 Kuna ni nto yenyinyani, yende yenyinyani yene bulezwi kwanu kwa maandamino, kakusasana cwana, hane Ni zwa kwa sebelezo ya kupazula kwa lizazi.

13 Nina ni mulikani yomunde wa kale. Uteni mo kokuñwi hakulata. U zwelela kwa Chicago. Libizo la hae ki Stewart. Yena una. . . Ed Stewart, Ni sepa u mwahala lilimo za ma sebente cwalo, kamba kufitelela. Mi a ni katana fande fani. Mi wa bulukanga masheleñi a hae a sa bulishumi mwa miwayawaya. Mi a nifa likapa le litezi miwayawaya, le likona ku kuma fa *cuana*. Mi, oh, Ha ni zibi, Na. . . Eeni sha, ayanga kwa musebezi wa kwahule, wa bulumiwa.

14 Mi mulikana hae yomunde, ni waka, Muzwale Skaggs, Leonard Skaggs, ya zwelela kwa Lowell, Indiana, na yemi kwani. Mi Ne ni sa zibi sapili; neli Muyahi. Nana ni kunupo ya buyahi fa sapalo. Mi nelusweli kuambola ka za Buyahi.

15 Mi kacwalo muuna muhulu Muzwale Stewart naize kuna, ki hali, “Na ku lata, Muzwale Branham, mi Niabela kuambola ku wena.” Mu ni swalele ka mubulelelo woo. “Kono,” na ize, “wena u tata ku kufumana kufita kashandi ka bo nalutiyo ba si Turkish.”

16 Yomuñwi naize kuna, ha ki kale hahulu, ali, “Ni tabile kuli Mulena ha yo tata kufita kufita kuyena.” Kihande, Ha ni talusi kuba ya *cwalo*. Na lata sicaba. Kono Na. . . Munahane fela. . .

17 Na ya kwa ndu mi Na bulelela musala ka, mi lwa yo ina fa tafule ni kuseha, mo ne ku kabelala *tata* kufita kwa kasha ka bo nalutiyo ba ma Turkish, mwa ziba. Kacwalo—kacwalo Na. . .

18 Ni sepa kuli ha ki nto yetata *cwalo*, Muzwale Steward, haiba u sa li teni mo. Kono luli Ni nahanile kuli neli nto ye sehisa nyana nto yani ne i lu menyisize kaufela.

19 Kacwalo, Ni lakaza kuli kambe Ne ni ka bona mutu kaufela. Mi Na lata mañi ni mañi. Yeo ki niti. Kamba ki mulikani kamba sila, kinto yeswana fela.

20 Mi cwale Ni tokwa litapelo za mina, mwa mukopano otaha wo. Ni ya mwahala ma Indian. Mi mwa ziba, mina, hamuli mwa Rome, mu lukela kuba Muroma; mi ha uli ni ma Indian, ulukela kupila sina ma Indian.

21 Mulikana ka wa mubuleli, yali mulikana ka wa muzumi, kone Ni inzi, mwa nzila yekambama, ya Alaskan Highway.

Mucaha yomunde luli, ni musala hae, yazwa kwa lapa lelinde. Mi Na . . . Mazoho na cile, mwahali mwani, ni kwa mulaho wa lizebe za hae ni lika zeñwi. Mi Ne ni sa zibi sene sili butata ni yena, “Kikuli nabile ni sinyayi nji?” Ne litahile ka mabuba ni liñanya, kwa na i lo- . . . mwa na pilezi kwani. Mi kacwalo muna ni kupila hande ni sicaba, kuli mu ba winele ku Kreste. Ki buswa bwa Kreste. Ki sicaba sa Na shwezi, mi yomuñwi ulukela kuya ku bona.

²² Mi induna nali ku ulimuñwi wa mikopano yaka kwa neku la mutulo, ni Moya o Kenile mwa mukopano, kamba kwande kwa mafulo a mafulo, fa kuta ya (bo sibuhabuhi, Na lumela neli yona), na bizize libizo la hae, ni yo nali yena, ni sa na ezize. Mi, oh, mawi, ani neli mafelelezo fela, ni yena. Na ziba kuli batu ne ba si ka eza cwalo; sani si na ni kuzwa ku Yamata kaufela.

²³ Kacwalo, induna yani kona a sa zo kalisa fela sani mi neli ona kwa likamba lani kwani. Mi lukaba ni mikopano mwa mukolo nyana, lu ya kwa libaka zeñwi mane lu yo punya kwa, Portland, ni kutaha cwalo, ni kwa likamba, ni ku babañwi, kwa ma Cree Indian, bene ba keshebisa. Buñata bwa mizwale, babana ni lisebelezo zetuna, ba palezwi kuya ku zeo. Cwale, ma Indian . . .

²⁴ Hakuna kuba nahaiba pene iliñwi ya masheleñi . . . Sina ha mu ziba, Na hani bangi ni nubu mwa mikopano yaka. Mi ha Ni amuhelangi masheleñi. Kono keleke kwanu ki—ki yona yetusa mukopano wani kwa ma Indian. Amañwi ki masheleñi a za bulishumi zamina, ni lika zeñwi, ze ka itusiswa kulifa, kutisa Liñusa le la puluso ni tukuluho kwa ma Indian baba shebile bani, ma Indian baba sika ituta.

²⁵ Mi kasumulaho wa zeo kaufela, ki ma American, mwa ziba. Luna lu ba buenyi, mwa bona. Ne lutile ku to ba amuha zona. Mi lu bata . . . Hanikoni ku ba kutiseza naha ya bona, kono Na kona kubafa sepo ku Kreste, ye ka lu beya hamoho sina sizwale zazi leliñwi mwa Naha ko kusina kulwana ni kuhapa naha, ye ku yeñwi. Ikaba naha, sibaka sa batu kaufela. Ni ka itumela nako yeo ha itaha, haiba balatiwa baka kaufela ba ka piliswa ni ku itukiseza nako yeo.

²⁶ Cwale, Ni na ni balikani babañata bo Ni bona, babaliteni mo, sina mo ne Ni bulelela. Ni lumela kuli Ni bona Kezeli . . . Hani sa hupula libizo la hae. Na banga Lee. Kana ki cwalo? Nji ha ki wena Musala Bo. Lee? Mwana hao wa musizana fa, bana ba basizana, yena ya na folisizwe? Sani ki sesinde luli. Alimuñwi nali ku ba Good Shepherd’s Home, kamba isiñi . . . I bizwa cwani yani? “Kezeli wa . . .” (kopano yeñwi ya Katolika) “Lady of Peace,” ne sili cwalo. Ni banga ni mabizo a Sikatolika ani kaufela ku a lyanganisa. Mi kacwalo, kulo kwani, mi na li cwalo . . . nana ni mwa booko, na lyangani cwalo. Mi Mulena Jesu yomunde, hane lu sa inzi . . . Ne ni inzi kwa mahutu a mumbeta, mi bomahe babande ni bo ndatahe inge bayemi bukaufi. Mi

Mulena Jesu a bulela kuli ku felile, kukwaliwa. Ki yani fani. Ku felile. Mi, eeni sha, lu ziba kuli kezeli u itumezi hahulu kakusasana cwana, mi . . .

27 Ni talimela kwande kwani ni kubona sicaba sene si shwa, cwanoñu nyana, kwa kansa. Ba hohoba mwahali mo, fa lipula za mawili, milamu; mi ki ba fa, baiketile mi baiketile, kakusasana cwana. Lani ki lifasi koliya kolikuwa. Isiñi ka na; ka Yena, Mulena luna Ya zuhile kwa bafu, ya pila kuyakuile. Mi Mulena luna a lumbekwe kamita mi a fufuyolwe, kona tapelo yaka ye sepahala.

28 Kikuli mu ka ni lapelela kwateni? [Kopano ili, “Amen.”—Mu.] Kaufela mina mu ni lapelele kwateni. Cwale, Ni—Ni itingile ku seo. Mi ha Ni ka yo fita kwani, mwabona, kwanu kwa lapa, hakuna zemaswe hahulu kwanu; kono cwale ha ufita kwani fo se ubile mwa mafulo a ndwa. Kwa ki kuituta.

29 Ne ni sweli kuteeleza, maabani, kekeke yaluna hane i bile ni—ni koloi yenca ya mali, mi Na . . . ku zamaya. Mi yeñwi ya zona ibata kutakuha. Mi kacwalo Na—Na tukisa silimba kuli ni teezele kwa makande. Mi cwale ne basweli kutaha cwalo, maabani busihu, kuzwa koo Joseph ni Na neluile ku yo lapela. Mi luna, ha luzwa kwa Green’s Mill, ba . . . Na tukisa silimba. Neli makande ana bihiwa, ni kubulelwa, kulatelela, *Muzamaisi* yo nasweli kulatelela mulikani wa mwanana mwa lituto za hae. Ni mwa na yemezi fani ni lipokoto za hae zetezi lishabati ni lika kaufela, kwa na inamisize toho ya hae fafasi, yona tobolo tuna yani ne i lila fahalimwa toho ya hae ana sweli kuhohoba mwatasi a mawaya a tabaka ani ni lika zeñwi, inge aya ka kulutiwa ko kutata.

Kihande, sani kona se lueza fa.

30 Kono cwale kwa shutana hahulu fa ndwa. Mwabona? Tobolo yetuna yani ina ni nako, i lutilwe hande fa siyemo sesiñwi. Kono, mwa mafulo a ndwa, ya kona kupahama kamba kuwa. Mwabona? Kacwalo—kacwalo yeo ki shutano nyana foo, mwa bona, kufita—kufita mo kuinezi. Kacwalo luna ni . . .

31 Kihande, kwa ki kuituta, fa. Kono kwande kwani mu kwa mafulo a ndwa, kacwalo lu ka talimana ni sila cwale. Kacwalo ne lu lwananga . . . kuopela pina nyana fa, *Ndwa Isweli Yakolota*. Mutu kaufela u sa hupula pina yeo?

Ndwa ikalile, O masole ba Sikreste,
Mi pata ni pata ka mubonahalelo o buhali,
Ni lilwaniso ze benya, ni mibala ye fata,
Ba bande ni baba maswe ba kopana kacenu.

Yeo ki niti. Mwabona?

Ndwa ikalile, kono musike mwa katala,
 Mutiyele mwa mata a Hae muitiise ka
 tundamo;
 Haiba Mulimu ki wa luna, ndembela ya Hae
 fahalimwa luna,
 Lu ka opela pina ya tulo kwa mafelelezo.

³² Yeo ki niti. Cwale, nekuna ni lika zeñata zene Ni bulezi, kakusasana cwana, kono Ne ni li pumezi, ko ne ku yemezi sicaba sa luna inge si longani. Mi bana ni masipika amanyinyani fande, ni mpwito nyana ye zibahaza makande, Na sepa, yeo mutu ni mutu ukona ku. . . Mulao wa kubapaza litaba fa silimba wa lu lukulula kuzwela fande fa sibaka nyana kuzwa kwa tabernakele, ni yona. Mi kacwalo, luna, lu lika kuitumela kwa poto ya mutu kaufela yali hamoho ni luna kakusasana cwana.

³³ Cwale, kusikaba kale zeo, ha lu buleleni kuli. . . Cwale, kapili kasamulaho wa se, Na sepa, ki sebelezo ya kolobezo. Pili, kona mukoloko wa litapelo. Lu ka lapelela bakuli, kakusasana cwana. Na sepa, Mulimu wa taha mwa sibaka ki bupaki bwa se lu bulela ka sona, zuho ya Hae. Kana Wa pila, kamba Ha pili nji? Kana *Le* ki likande fela la buhata, kamba Ki Niti nji? Haiba Wa pila, Na file sepiso, “Ni kaba ni mina kamita, mane kuisa kwa mafelelezo a lifasi.” Cwale, haiba U—haiba U taha mwahala luna mo ni kubonisa kuli Uteni mo, konakuli hakusana kunuha sika hape ka zona. Mwabona?

³⁴ Mu hupule, bulapeli kaufela mwa lifasi, bana ni mazazi a kenile a bona ni mazazi a pumulo, ni zeñwi cwalo. Kono hakuna ni bobukana bwa bona bobukona kubonisa kuli mukalisi wa bona. . . Kuli, lifu ne li mu ngile, mi ani neli mafelelezo. Kono, bwa luna, bulapeli bwa Sikreste, Mukalisi wa luna na shwile ni kuzuha hape.

³⁵ Mwa Mexico, cwanoñu nyana, hane Ni buzizwe ki sicaba sa bañoli, ka za zuho ya mbututu yomunyinyani yana shwile kakusasana wani ka naini kiloko. Mi ka teni-seti busihu bwani, teni-seti kamba ilebene kiloko, na zusizwe kwa bafu, ona kwani mwa mazoho a bo mahe kwa katala, fapila likiti ze mashumi a sicaba. Likiti ze mashumi amalalu za taha ku Kreste busihu bwani. Mwabona? Kacwalo, he, mwakona ku nahana sene sili teni.

³⁶ Mi mushimani yomunyinyani yani, Na boni pono fapila ka; mi a bulela libizo la hae, ni lika kaufela. Mi bomahe nebali kwa mulaho kwani, ne ba sa koni kuba ni kadi ya tapelo, neba palelwa kukena mwahali. Kono na palezwi kunanuha, mwa mukoloko wani. Kacwalo ha to tisa mbututu yani; ya nela, kusuluha.

³⁷ Lu nahana ka luna baba yemi; lu nahane ka bona. Ne ba kaba kwani ka naini kiloko kakusasana, kwa lisebelezo kuli likalise ka naini busihu bwani. Ne ba yemi mwa lizazi le li cisa, inge ba yendamezi ku yomuñwi ni yomuñwi, kuli babe ni muluti. Inge ba

yemi, isiñi kuina; inge ba yemi. Mi cwalo kona mo ba ezezangta, Africa na libaka ze shutana, mwa India, koo licika la milioni ba kopanelanga, ka nako.

³⁸ Cwale, musali nyana yo mane na sa koni nihaiba kuba ni kadi ya tapelo. Fabuse, ki balibeleli baba kuma fa mianda yemilalu, kuli ba mu swale, kuli asike akena mwa mukoloko wa litapelo. Ni kuyema fani inge ni lapelela mbututu yomunyinyani yani; musali nyana, wa Katolika. Mi Moya o Kenile wa biza mi wali, “Mu bulelele kuli atahe kwanu.”

³⁹ Mi mbututu yomunyinyani, mwatasa kubo yekolobile; na yemi fani kuzwa kakusasana wani. Dokota a bulela kuli na shwile. Cwale, luna ni manzwi a piho ya dokota ka zona, ana bulezi kuli na shwile, kakusasana wani ka naini kiloko. Mi cwale bo neli busihu bwani, bukaufi ni fahala busihu. Mi Na, kuya fela ka mo ne ibulelezi pono, Na ya, na beya mazoho ku mbututu yomunyinyani. Ki yani fani, mi a pila. Dokota na file bupaki.

⁴⁰ Ne ni buzizwe ki sicaba sa bañoli ni babihi ba makande. Mi kacwalo, kakuba kuli ha ni lwanisi tumelo ya mutu kaufela, haibile fela ki Bibe, ku lukile. Kono muuna yana ni buza neli wa Katolika, mi ki hali kuna, “Kana wa lumela kuli balumeli ba luna bakona kueza cwalo?”

⁴¹ Se nili, “Haiba ba pila.” Kakuli, Ni ziba kuli keleke ya Katolika ilumela kuli u na ni kushwa, kuli ube mulumeli. Kacwalo he se Nili, “Haiba ba pila, eeni.”

 Mi ki hali, “Oh, haukoni kuba mulumeli konji ha u shwile.”

⁴² Se nili, “Kana Paulusi neli mulumeli asika shwa kale kamba kasumulaho wa kushwa? Ki bomañi ba na ñolela, kwa sicaba se si shwile, ha na bulezi kuli, ‘Kwa balumeli babali mwa Efese,’ ni balumeli babali mwa sibaka *sesiñwi*? Na si ka ñolela kwa sicaba se si shwile, mwa ziba.”

⁴³ Kacwalo ki hali, “Cwale ulike ku atula taba ya hao ka Bibe. Luna lu keleke.”

 Se nili, “Ku lukile, sha. Kihona.”

 Mi ki hali, “Luna lu keleke.”

⁴⁴ Se nili, “Konakuli ha lu boneni keleke i eze cwalo.” Mwabona? Mi, kacwalo, ki Krete fela yakona kueza cwalo. Mwa ziba cwalo.

 Ki hali, “Una ni mubonelo mañi wa keleke ya Katolika?”

 Se nili, “Ni lakaza kuli usike wa ni buza cwalo.” Mwabona?

 Ki hali, “Kihande, Ni tabela ku li utwa.”

 Mi se Nili, “Siyemo se si pahami hahulu sa bulapeli bwa mioya ku ze liteni.”

 Mi ki hali, “Bulapeli bwa milimu?”

 Se nili, “Eeni, sha.”

Ali, “U nahana cwani zeo?”

45 Se nili, “Sika kaufela se si lapela ni bafu; kuambola ni bafu, mwabona.”

Mi ki hali, “Kihande, mu lapela Kreste, kono Na shwile.”

Se nili, “Kono, Na zuhile hape, mwabona.”

46 Kacwalo, yeo ki nto yende ye lu ziba, U zuhile hape. Ha lu itumeli nji?

47 Halu inamiseñi litoho za luna ni ku itumela ku Yena kakuli Na zuhile mwa libita ka kuluka kwa luna.

48 Ndate yakwa Lihalimu, lu itumezi kakusasana cwana ka Jesu; mi kacenu, ka kupuzo ya zuho ya Hae yetuna, kakusasana wani ha Na zuhile kwa bafu, ku koma lifu, lihele, ni libita. Ha Na li fa lifasi, A bonisa kuli Na komile matuku, makulano, ni—ni mifuta kaufela ya mioya ni mata. Mi lifu la ba fapila Hae, sona sila sesituna ni sa mafelelezo. Mi la Zuho kakusasana A bonisa kuli Nali yena Mulimu. Na zuhile mane nihaiba sila sa mafelelezo, na si si ka Mu swala. Libita la Mu palelwa; lihele ne li Mu palezwi; Lihalimu la Mu amuhela.

49 O Mulimu, lipilu za luna li Mu amuhele kacenu, mwa mata a Moya o Kenile, kuli lukone kuba baika ba Hae, mitala ya—ya Hae, ya batanga ba Hae mwa lifasi mo, halunze lu pota pota. Lumeleza cwalo.

50 Fuyola kaufela babali mo. Mulimu, sicaba sesinde se si yemi se, babañwi babona batitihani mwahali mo kuzwa musihali tuna. Na lapela, Ndate yakwa Lihalimu, kuli U sulule “hahulu kufitelela zeo kaufela lukona kueza kamba kunahana,” fahalimwa bona kacenu, ni kubafa litakazo ze tungile za lipilu zabona. Kaufela sa tezi mutu, kakusasana cwana, ha ba kute, inge ba ikutwa kulikana. U bulezi kuli Hauna ku mu lelekela kusili ni kamuta, kono U ka mutaza ka lika zende, ni ku mu luma kusili inza nyakalala. Lumeleza cwalo, Mulena.

51 Mi mata a Hao asapalelwi, lumeleza Moya o Kenile wa Hao, mwa mata a zuho, kacwalo talimana ni ufi wa luna kaufela kufitela sepo yaluna itokwa kutomiwa kai kaufela kwanda fa Mali a Jesu ni kuluka. Lumeleza cwalo, Ndate.

Fuyola Manzwi cwale e lu bala.

52 Lwa itumela ku Wena ka liñusa le li ishuwile lani kakusasana cwana, halunze lutaha ka kuitahanela kwa kekeke. Ni ku Kubona ha unga muzwale wa luna, ni cincho ye cwalo ku yena mwa nako nyana, ni ku shaela liñusa kwa lusika lo lushwa lwa sicaba seo cwale lu siemba sateni, mo lu itumela ku Wena ka seo, Mulena! O Mulimu, lipilu zaluna za tulaka ka tabo halunze lu nahana lika zeo. Cwale, mu buluke ya tozizwe, Mulena, mwahala mazazi a kwa pili a hae, Mulena.

53 Mi ufuyole keleke nyana ye. Mi uni tuse, Mulena, hanze Ni ya kwa kutisa Liñusa kwa sicaba sesiñwi. Mi cwale, hamoho, sina mutu alimuñwi, lubasi lu lu luñwi, lu kopane hamoho, ni kulapela hamoho, ni kupila hamoho mwa buñwi bo bu kenile bwa Moya o Kenile kufitela Jesu a lu amuhela mwa Mubuso. Kakuli lu li kupa ka Libizo la Hae ni kwa kanya ya Hae. Amen.

54 [Muzwale Neville uli, “Muzwale Branham, Ni be ni nako ya ku ku lyanganisa?”—Mu.]

Luli wa kona, muzwale.

[“Ka kuba ni mpo ya buitumelo mi luna ni ka—ka musebezi wa mucaha yali mwahala luna, lu tisa siswaniso se ku wena, Muzwale Branham, ka ponahazo yetezi ya lilato la luna ni buitumelo.”]

Ni itumezi, Muzwale Neville, ni tabernakele.

[“Mucaha yo ki Jerry Steffy, ya na swanizize siswaniso seo.”]

55 Muzwale Jerry Steffy na swanizize siswaniso sani. Mulimu afuyole mushimani yani. Sani ki sesinde luli, Jerry, haiba uteni mo kakusasana cwana. Ki nto yemaswe hahulu, Ni lakaza kuli kambe Ne ni kaba mukwa wa kuisa mushimani yani kwa sikolo sa buswanisi. Ni lumela kuli Mulimu uteni mwa litalenta za buswanisi. Kana ha mu lumeli cwalo? Mulimu u mwa lipina. Mulimu u mwa litalenta za bukwala. Mulimu u ku se. Mi kinto yemaswe hahulu kubona talenta, sina cwalo, ye si ke yahula. Ka buñata mwa ezeza, kona mwa ka bela ka butuna. Mi Ni—Ni lapela kuli Mulimu ami fuyole, Jerry.

56 Mi ni itumezi ku wena, Muzwale Neville, ni kwa keleke ye, kwa siswaniso sesinde se ni timana ye beilwe mwatasa. Ni ka ibala kasamulaho nyana. [Muzwale Neville uli, “U bata kuli ni ibale?”—Mu.] Ku lukile, sha. Muzwale Neville uka bala timana. Ni bile ni mulelo wa se ibulela. . . [Muzwale Neville ubala *Likute Ku Ya Swanelwa Ki Likute*.]

[Ha ki mutu wa siyemo se si telele, mi ha ki yo mukima ka liyemo,]

[Ha i kumuhusi ka mubulelelo hanza zamaya zazi ni zazi.]

[Ha na takazo ya bufumu kamba libubo, kono hakuna sibaka sa hae se ne si ka tala;]

[Yena kona fela mo lu mu batela, Muzwale wa luna yomunde Bill.]

[U lu luta ka busepahali Linzwi le li si ka zwakiwa,]

[Hana linzila za butanya, hana lilato la buitumbaeti, u latelela fela Mulena.]

[Mubulelelo wa hae ki o bunolo mi o musa, ha nanulangi linzwi la hae,]
 [Konji ha huwa kunyaza sibi, mi cwale haana keto.]
 [Ha si ka ituta hahulu kuya fahule kuzwa kwa likoleji ni sikolo,]
 [Kono u ziba sesili sa butokwa mi yena luli ha ki sikuba sa mutu.]
 [Kakuli zibo ya filwe ki ya Kuyakuile kuzwa kwa Lihalimu,]
 [Haana tuto ya tumelo, konji Kreste waluna, hana mulao kwanda Lilato le li Ipitezi.]
 [Nekusina zibiso yetuna kwa kupepwa kwa hae, ko kuishuwile,]
 [Kono ku luna ki yena muuna yomutuna hahulu ku baba pila mwa lifasi.]
 [Lu bala kuli luna ni lithonolo lelituna hahulu nikufita kufita ku mu ziba kakuba mulikani,]
 [Lu lata hahulu kaufela za yemela, mi lu ka ba cwalo kuisa kwa mafelelezo.]
 [Ubulela kuli ha ki mukutazi, ki ya ishuwile ka mwa kona kubela,]
 [Kono mu muisse fa katala mi ha ku konahali kubona,]
 [Na lukiselizwe kale kuba mupolofita, mutuhele batu ba bulele mo ba latela,]
 [Mulimu u lu file sishemo sesiñata ha Na lufile Muzwale Bill.]

[“Ku nyatezwi, ‘Mutapi omunyinyani.’”]

⁵⁷ Ni itumezi, Muzwale Neville. Ni itumezi ka mihupulo ya hao. Ki mañi ya na hupuzi sani? [Muzwale Neville uli, “Ni sepa ki bo mahe.”—Mu.] Sani ki . . .

⁵⁸ Ha ni swaneli lika zeo, ka kubulela cwalo, kono zeo ki zetuna hahulu kuna kufita masheleñi kaufela mwa lifasi. Mwabona? Munahane fela, mutu yomuñwi a kubale kuba mutanga Hae, mwabona, kakuba—kakuba mutanga wa Mulimu. Ni kone kupila ka niti kulikana fela ona cwalo, kona tapelo yaka. Mulimu ami fuyole kamita. Mihupulo yaka ikaba ku mina kamita. Mi Na mi lata luli, nina.

⁵⁹ Cwale, oh, luna ni fela lika zeñata hahulu, ne lu ka nga fela lizazi mutumbi mi ne lu si ke lwa ya mwa Linzwi, mwa bona, lika zeñata hahulu zende.

⁶⁰ Nina ni—ni pono yezwa ku Mulena Ne ni ka bulela nto yeñwi ka zona, mi—mi yomuñwi na lolile tolo, kuli, oh, Ne ni hupula kuli neli ye ipitezi luli, ka za Kutaha kwa Mulena. Mi Na . . .

⁶¹ Rebekah yomunyinyani, mwana ke wa musizana kwa mulaho kwani. Ni . . . Niha ne Ni mueza lishaha fa nako nyana yefitile. Na

zwile, atinile iliñwi ya likuwani zetuna zani—zani cwalo. Mi se Nili, “Cwale, mulatiwa, ki bonahala inge siyaletu sa nyunywani,” Se nili, “twandilala kaufela, ni lika kaufela, ona cwalo.” Se nili, “Zamaya, u i tubule.”

⁶² Mi, ki ha ni kutela. Mwa mizuzu yelikani akuta; mwa ziba, mwa na kutezi kuna, nele ka kukuta mwa mulaho. Ataha ni buka ya mwa pokoto yetuna, inza i nanuzi. Se nili, “Sika seo si zwile kai?”

⁶³ Ki hali, “Tate,” ki hali, “Ni na ni mahutu amatuna, kacwalo Ni sepa kuli Ni ka lwala fela pokoto yetuna kuli ni li likanyise.” Kacwalo, oh, ze!

⁶⁴ Kono abulela kuli na lolile habeli kuli yena ni Na ne lu kwezi mota, kuti ne ni mu bulelela za kubonahala kwa Mulena kokusutelezi; tolo yeswana, ka nako yabubeli. Ni libelezi ya bulalu; mwendi Mulena, kona, a ka ni fa se si taluswa.

⁶⁵ Cwale, kuna ni lika zeñata hahulu ze lukela ku bulelwa, kono ha lu fiteleni hande kwa Linzwi cwale.

⁶⁶ Mutu kaufela muikutwa hande, Na sepa. Mi haiba ha mu cwalo, Ni lapela kuli Mulimu ami eze kuikutwa hande sebelezo ye isika fela kale, kuli kutokwe kuba mutu ya fokola mwahala luna kakusasana cwana, sebelezo ye ha se ifelile.

⁶⁷ Cwale, lu lukela kuhupula kuli Kreste na shwezi baba sa zibi za bumulimu, mi bani neli luna. Mwabona? Yani ki luna. Mi Na lu shwezi, kuli Akone ku lu pilisa.

⁶⁸ Cwale, kana mwa utwa kaufela, hande? Kwa mulaho kafoo, kana mwa utwa hande kwa mulaho kafoo? Kana za taha kwa mulaho kafoo hande? Kihande. Ku lukile.

⁶⁹ Cwale Ni bata kubala amañwi a Linzwi la Hae. Pili, ha lu apuleñi cwale mwa Buka ya Joele, mi Ni bata kubala timana ya 1, timana ya 1 kuisa fa timana ya 4. Mi cwale ya 2, kuisa fa . . . kauhanyo ya 2 ni timana ya 25. Mi Genese 20:7. Cwale, Na itumela . . .

⁷⁰ Cwale, haiba mu katala mi mubata kuzwela fande, muzwelepili cwalo. Mwabona? Kono, le ikaba Liñusa laka la mafelelezo kwa Keleke, kwa, siemba se sa Keleke, fa nako nyana. Mi lu kulubela sebelezo ya foliso kakusasana cwana. Mi Ni—Ni bata Liñusa le, haiba Mulimu uka Li fuyola, kuli—kuli linwele mwa lipilu zaluna, kuli lube ni taluso ya se Li talusa.

⁷¹ Cwale, luteni mo ku to bonahalisa, ku—ku bulela lika ze lu lumela, ni ku lipaka ka Mañolo, kuli Mañolo abulela cwalo; mi cwale Mulimu afetuhe a lipake, kuli ki niti, luli, alieze hande. Inge fela kaufela . . .

⁷² Mu li, “Ye ki peu ya sani fulawa.” Mu i cale mi mubone seo sili sona. Mi, kumela palisa yebizwa sani fulawa, ao kona mafelelezo. Ne li sanifulawa. Mwabona? Ku felile.

⁷³ Cwale, mi haiba babañwi ba bona ba cincanga lipula, fa ni fa; yomuñwi aina fafasi, babañwi ba nanuha ni kulibelega fa nako nyana. Mi Ni ka kusufaza fela ka mo Ni konela.

⁷⁴ Cwale, muhupule, mu ni lapelele kwateni. Mi mube fela ka likute kwa keleke cwale; muine fela ona mwa keleke mo, ni Muzwale Neville. Ni mina sicaba babatilo pota, kihande, cwale, mukute kwa mulaho.

⁷⁵ Mi cwale Ni mwa mikopano ye, ni ya ku yona kusina ya lumile pizo mane. Kono, ha Ni koni fela kuina fafasi; lifasi inge li shwa. Mwabona? Mi Paulusi nabile ni kutwisiso yani nako yeñwi. Mi na ya kwa naha yeñwi, mi cwale nana ni pizo yezwelela kwa Masedonia, mwa musipili. Cwale, Mulimu ha fa pizo ya Masedonia, ka nako kaufela. Na kansulanga lika kaufela, Mulimu ha tisa pizo.

⁷⁶ Ni eza fela zende ze Ni kona, kuya kwa lilulu *le*, ni cala lipeu; mi *fa*, ni cala lipeu ze likani; mi neku *le*, kuyumba, kucala lipeu nyana. Na ziba, linyunywani za lihalimu li ka kubukana mwa buñata bwa zona; mi zeñwi za zona li ka kamiwa ni zeñwi cwalo. Kono kwa kona kuba baba likani, mwahali mwani, ba tahe, ni bona, mwa ziba, fa mubu omunde. Kacwalo ha lu caleni fela peu, kona nto ya butokwa.

⁷⁷ Palo yenca luli, kwa—kwa liñusa la Paseka, Joele, kauhanyo ya 1.

Kilona linzwi la MULENA le ne litile ku Joele mwana Petuele.

Amu utwe taba ye, mina baana bahulu, mi muteeleze, . . . mina kamukana baba yahile mwa lifasi. Kana taba ye cwalo i kile ya ba teñi mwa linako za mina, kamba mwa linako za bo kuku a mina?

Mu i bulelele . . . bana ba mina, bana ba mina ba ibulelele bana ba bona, ni bana ba bona ba i bulelele lusika lo lutatama.

Se si silwe ki sishenyi si cilwe ki nziye; se si siilwe ki nziye si cilwe ki nziye yefubelu; se si siilwe ki nziye yefubelu si cilwe ki sishenyi.

⁷⁸ Cwale timana ya 25 ya kauhanyo ya 2.

Ni ka mi kutiseza myaha myaha ye ne cilwe ki nziye, nziye yekima ni nziye yefubelu, ni sishenyi, yona mpi ya ka . . . ye tuna ye ne ni lumezi mwahala mina.

Mu ka ca, mane mukule, mi mu ka lumba libizo la MULENA Mulimu wa mina, ya mi ezelize ze komokisa: mi sicaba sa ka hasina kuswabiswa.

⁷⁹ Mwa Genese, ki 20, ki Genese. Kauhanyo ya 20 ya Genese, ni timana ya 7. Ni bata kubala se, kuli ni latelele . . . kwa tuto

ye Ni—ni bata kunga. Ni ka kala ka timana ya 6, kuli ni be ni makalelo a se.

Mulimu ali ku yena ka tolo, Eehe, Ni na naziba kuli ezize cwalo ka pilu yekenile; kakuli Ni—kakuli kona ha Ni kutibezi kuli usike wa ni joseza: ki kabakaleo Ni si ka ku tuhela kuli u muswale.

Cwale u kutiseze musali ku muuna hae; kakuli ki mupolofita, mi u ka kulapelela, uka ku lapelela, mi uka pila: kono ha u sa mukutisi, u zibe . . . kuli u ka shwa luli, ni wena, ni batu ba hao kamukana.

⁸⁰ Cwale, Ni nga palo ye, kamba kuzwa mwa palo ya Liñolo le, ngambolo ya taba, yebizwa kuli, “kukutiseza.”

⁸¹ Cwale, kasamulaho Muzwale Neville amano kutaza kakusasana cwana, liñusa le li ipitezi lani, kwa nto ya mafelelezo ya na bulezi kwa mafelelezo a mihupulo ya hae, neli, “Ku kutiseza.” Mi kacwalo seo sa ni fa mulelo, ona foo, kuli “kukutiseza.”

⁸² Cwale, Na matela kwa ndu ni kunga buka ya litaluso za manzwi, ni zeñwi cwalo, ni litaba zeñwi za Mañolo, ni kukala ku likanyisa lika zeñwi. Mi cwale se Ni nga buka ya litaluso za manzwi a Webster, kuli ni fumane tukuluho ya *kukutisa*. Ku *kutiseza*, kotalusa kuli, “ku kutisa ku muña sika wa kale, kamba ku kutisa kwa buino bwa makalelo.” Mi lwa kona ku beya mwateni likupo, kuli li kutiswe.

⁸³ Cwale, seo kona sa bulela Webster ka seo linzwi la *kukutiseza* litalusa, “Ku kutela ku muña sika wa kale, kamba ku kutiseza kwa buino bwa kale.” Mi haiba pulelo i fiwa fa taba yeñwi, kuli kube ku kutisezwa kwani, wakona ku ibeya, kuli itahe mwa sibaka sa yona se si swanela.

Mi cwale Mulimu afuyole manzwi a fokola cwale.

⁸⁴ Ku *kutisa*, kotalusa, “ku kutisa.” Kamba, ku kutisa, ta—ta taba ya kona kuezahala, cwale, kutisa sika kaufela ku muña sona, ko si swanela. Kabakaleo, ka nzila yeñwi, ne si zwile ku muña sona luli, mi sakona kuyambaela fela kai ni kai. Kono, ku kutiseza, ki ku si kutisa mwa sibaka sa muña sona, kamba ku sikutisa kwa buino bwa sona bwa pili kone sibanga ka nako yapili, ku sikutisa mwa buino bwa sona bwa pili. Mi fa kukona kueza se, luna ni tukelo ya kueza ka mulao, haiba kuna ni mulao, fa kutisa sibaka se mwa ku kutisezwa kokuswanela, ku kutisa.

⁸⁵ Inge mutu ha ka uzwa sibyana, mi ubulukile sibyana seo a sa si kutisi. Konakuli wakona kunga mulao ni kuya ku mutu yo, ni mata a mulao, ku hapeleza kuli mutu yo akutise sibyana se ku muña sona wa pili, mwa siyemo sa hae sa pili.

⁸⁶ Kapelezo! Oh, ha ki palo ni yeo! Mo Ni lakaleza kuba ni mazazi amabeli fa taba yeo, kapelezo!

⁸⁷ Cwale, Muzwale Neville u lu kutalize. Ni ka ambola fela ku mina, kuluta tuto ya sikolo sa la Sunda kacwalo sika—sika li lwala kuzwelapili, Na sepa, ka sa na nani.

⁸⁸ Kapelezo! Mi, luna lu bo . . . luna ni lithonolo la kubeya ka kapelezo, ku Satani, litaba zeo Mulimu alufa. Kakuli, Mulimu una ni mulao, mi Linzwi la Hae ki mulao, mi Mulimu mwa Linzwi le ufile litaba zeñwi za buipuleli bwa Keleke. Kabakaleo, luna ni tukelo ya ku hapeleza buipuleli bo ku Satani, ni kubulela kuli, “Aku li fe,” mi una ni kueza ona cwalo. Kakuli, lwa kona kunga Muyemeli wa Mulimu, ona Moya o Kenile, kuya ka mañwele a luna, ni kubulela kuli, “Kakuli SA BULELA MULENA KISONA.” Una ni ku itoboha zona, ku felile, kakuli Moya o Kenile uteni kuli u hapeleze kuli aeze cwalo.

Mulao wa naha ki kuhapeleza. Ki wa mwa naha, kwa naha.

⁸⁹ Kono mulao wa Moya wa Mulimu ki ku hapeleza Satani ku itoboha zona sa luwile isi ka mulao, sona sa ngile ku Mulimu ka bupumi. Mioyo ya baana, ya zwisize ku Mulimu; mioyo ya basali, bana. Matuku a mubili, na beile fa sicaba. Bao, Mulimu na bupile mwa sibupeho sa Hae, kuba inge Yena, mi Keleke ifiwa liswanelo ze swanela, ka Bibeke, kuli ilwale Moya o Kenile ni ku mufa zeo ka kapelezo.

⁹⁰ Ni lumela kuli kona Ni sa zo bulela fela, mukopano wa mafelelezo kwanu. Ha ni zibi hande. Kono muzwale ataha kwa Louisville, kuzwa kwani kwa Georgia, ni kusiya mota ya hae inge inzi fani, mi yomuñwi a i uzwa. Mi nana ni liapalo za hae, liapalo za musala hae, liapalo za bana ba hae. Neli Muzwale Evans mo. Kamita bateni mo. A zamaisa limaili ze mianda ye lishumi ka ze ketalizoho, zazi ni zazi, ha luna ni sebelezo kwanu, kutaha kwanu ku to ba ni sebelezo. Mi mutu wateni na sina sika kaufela, ni limaili ze mianda ye supa ni zeñwi cwalo kuzwa kwa lapa. Mi na sa zibi sa kueza.

⁹¹ A si isa kwa polisi. Kono ne ba na ni mukwa wa busholi kwa Louisville; ne ba uzwanga limota, ni ku yo li penta sinca. Mi mwa kona . . . ha mu lukeli kuba ni pampili ye paka sika, foo, kuli mu i lekise. Mi bakona ku kufa pampili yeñozi, mwa mizuzu yelikani, fa nombolo kaufela yo tabela kubeya fateni. Mi kacwalo nebana ni nako yetata.

⁹² Kacwalo lwa kubama ka mañwele. Mwabona? Cwale, Jesu na sa lukeli kueza cwalo, kakuli Nali yena Linzwi. Cwale, ha lu Linzwi. “Linzwi la Mulena ne li tile kwa bapolofita.” Ne ba si Linzwi, kono Linzwi ne li taha ku bona. Kono Jesu nali Linzwi. Mwabona? Na sa lukeli kulapela. Na li Mulimu, Kasibili. Mwabona? Kono luna—luna lu bapolofita ba Hae, batanga ba Hae, bao Linzwi la Mulena litahanga ku bona. Mi, mupolofita u pakiwa ka lona, kamba ki Linzwi la Mulena kamba nee, ka sa bulela si to ezahala.

93 Kacwalo he ne luna ni Liñolo fa, la na bulezi Jesu kuli, “Kaufela ko ku kopanezi bababeli kamba kufitelela mwa Libizo la Ka, mi haiba ba lumelelana, Ni kaba mwahala bona. Mi haiba ba lumelelana ka kuswala taba ifi kaufela ni kukupa, kusina ku kakanya, ba kaba ni se ba kupile. Si ka fiwa ku bona.”

94 Cwale, kuna ni—woo kona mulao. Cwale, Yena yaliteni mo kuli a fetulele mulao wani ki Moya o Kenile. Kucwani he ka batu baba sa lumeli mwa Moya o Kenile, bene ba Mu hana? Mwabona? Ku- . . . Musweli kuhana kozo ya mina ni sishemo. Mwabona?

95 Cwale, lwa wa ka mañwele, mwendi baana ba ketalizoho, ni Muzwale Fred Sothmann ni—ni babañwi babañata nebaliteni kwani, baana babane kamba baketalizoho. Mi lwa kubama fafasi, mi Na kupa taba ye fapila Mulimu. Mi cwale Na nga Linzwi, kamba sepiso, ni ku I luma. Moya o Kenile omutuna, sina ha Na ngile Linzwi, ku sebeleza lipizo zani, pono ya taha mi Na bona muuna yaya kwa Bowling Green, Kentucky, inza tinile hembe ya mubala wa yelo, inza zamaisa mota ya hae. Moya o Kenile wa taha ku yena, wa mu nyaza, mi ki ha sikuluha, mwendi licika fela cwalo. Ne ni mubona ha kuta ni ku to pakica mota yani mwa mukwakwa omuñwi, fabuse bwa nuka kwanu. Na nanuha ni kubulelela mizwale, “SA BULELELA MULENA KISONA.”

96 Mi ha ba kalisa kuya cwalo, ba ya mwa nzila. Mi ki yani mota ne i beilwe fani, ina ni mafula a licika mwateni, koo mu—mu mungomo wa mafula no li licika, kakuli ne itezi, neli amañata fela, ku muisa kwa Bowling Green ni ku mu kutisa. Cwale, baana bani bateni ona mo kakusasana cwana, kakuba lipaki.

97 Ki sikamañi seo? Kapelezo. “Aku i fe.” Mwabona? Kona cwalo. Kona mo i ambolela zeo. “Ku ikutisa. Ku ikutisa ku muña yona.”

98 Mi haiba Satani u ku uzwelize fa lithonolo la kuba mwana mushimani kamba wa musizana wa Mulimu, luna ni tukelo kakusasana cwana, ka Moya o Kenile, kuli lu ekeleze mata a Mulimu. “A ku kutise.”

99 Haiba u ku nyandisize, ni ku ku kulisa, luna ni tukelo fapila Mulimu kuli a eze milao ya Mulimu. “Ka miupa ya Hae lu folisizwe.” Amen. “Mu kutise. Aku mu tamulule. U mu isa kwahule, kwa lifu, mi lwa mu nga. Mu kutise cwale.”

100 Yeo kona kapelezo; ku i kutiseza kwa buino bwayona bwa makalelo hape. Muuna wa kula; mbututu wa kula; musali wa kula. Mwabona? Ba zwile mwa buino bwa bona bwa nama. Konakuli luna ni tukelo ya ku fa mata ka kapelezo. Isiñi buipuleli bwa luna. Ki buipuleli bwa luna kakuli Mulimu u lufile bona. “Ka miupa ya Hae lu folisizwe. Na holofalezi bumaswe bwa luna. Ka miupa ya Hae lu folisizwe.” Cwale luna ni tukelo ya kuhapeleza mulao wani. Mi yena—yena Mufani wa Mulao, Moya o Kenile, Kasibili, uteni mo, yena Muyemeli wa Mulimu, ka kubona kuli liezwa ka nzila yeo. Amen.

¹⁰¹ Cwale, nzila fela Ya kona kubeleka ka yona, ki ha mu Mu lumeleza kubeleka. Mwabona? Muna ni ku li lumela. Kuna ni mulao. Oh, haiba Ni kona kufita fa tuto yaka. Kuna ni mulao. Kuna ni mulao o filwe mwahala lika kaufela.

¹⁰² Mwa ziba, tapi ina ni mulao. Mi tapi yani yakona kuyema fa mwa mezi, mi ina ni mulao mwahala yona. Haiba ikona fela kutuhela kuya ka mulao oli ku yona, yakona kunwela ni kufita kwatasi a liwate. Halina ku i kataza ni hanyinyani. Halina ku sinyu selu ya yona ni yekana. Wena lika kueza cwalo. Mulao wani ha u yo ku wena. Haukoni kueza cwalo, kono tapi ya kona. Ya i pompolola ili yona ka moya wani, ka nzila ya kuli haikoni, hakuna se sili kuyona kuli i pance i kwaluhe. Mi i ezizwe ona cwalo. Ya ziba cwalo. Mi yakona ku belekisa mulao wani, wa ku i isa kwatasi a liwate, mi ni ku i nanula hape. Oh!

¹⁰³ Nekuna ni mulao ku Krete. Mulao wani u mwa batu. Mwakona ku mu pumbeka mwa libita le li tibile hahulu, kamba liwate le li tibile hahulu, kamba ki—ki lihele le li mwatasi hahulu. Kuna ni mulao, wa Moya wa Mulimu, o ka mu zusa hape. Mwabona?

¹⁰⁴ Nyunywani ina ni mulao. Cwale, mubili wa yona wa swaliwa. I pila mwa lifasi, ilulanga fa lifasi faa. Kono ina ni mulao mwahala yona, kuli, mo i otololela mafufa a yona, yakona kufufela kwahule ni meto. Zeo li lwanisa sayansi. Ba bulela kuli ki—ki ze swalisani ni mubu; mata a bukiti ana ni ku li swala fa. Kono yakona kuhanela mata a kutisa fafasi, ku inanula ili yona ni kuya mane kulenda, kakuli sina ni kubeya mulao oli ku ona kuli u beleke. Mi ibupilwe kuba ni mulao wani.

¹⁰⁵ Cwale Ni kala kuikutwa bulapeli. Cwale, luna ni mulao, mulao wa Bupilo ku luna. Ha lu . . . Nto fela yemuna ni kueza . . . U bupilwe, ni kupepwa, ni kubeiwa fa mwa Mubili wa Krete, sina bana ba bashimani ni basizana ba Mulimu. Ha mu lukeli ku itwaeza diabulosi. Luna ni mulao. Wani kona mulao wa Moya o Kenile. Taba fela ye muziba . . . ye mu na ni kueza, ki kuziba mwa ku tuhelela lika liikele ni kulumeleza Mulimu. U tundamena kutundana ni zona, mwabona, mi halina kubeleka. Mi, ha u itoboha sika, si siyele kuli Mulimu, kihona. Mwabona?

¹⁰⁶ Haiba tapi ibulela kuli, “Libelela, Ni ka swala moya waka hande luli. Ni ka pumata moya wa okisijini, mi Ni ka bona haiba Ni ka kona kunwela.” Batili. Ha i eza cwalo, ika panca. Mwabona?

¹⁰⁷ Nyunywani ibulela kuli, “Ni ka bona kapili mo Ni kona ku matela kwanu, mi mwendi Ni ka nanuha.” Batili. Haina kueza cwalo. Ika wela fafasi. Mwabona? Ina ni kuziba mwa ku zamaiseza, mulao wani mo ukona ku i zamaiseza.

¹⁰⁸ Mi ki nto yeswana ni ku luna. Ha ki se lu lwanisa, ni kuhoha, ni—ni kuakufa, ni—ni, “Oh, haiba Ni sa utwisisi se, haiba Ni sa utwisisi *sani*.” Zeo ha ki zona. Ki kuziba kuli mulao wa Bupilo u

ku wena, mi utuhela fela kuya u lumeleze Mulimu. Mi Wa ku isa kwa foliso ya hao, ku kuisa kwa kolobezo ya Moya, kamba sika kaufela Sa sepisize. Buipuleli bufi kaufela bwa Na file ki bwa hao, mi ka kutuhela kuya ku yo tuhela Mulimu. Cwale, haiba una ni. . .

¹⁰⁹ Haiba mupolisa naya kwa—naya kwa kunga mutu ya na uzwize sibyana sa hao, na ka muisa kwa kuta, mi muzwelepili ku mu hohela kwa mulaho, “Kihande, Ha ni zibi fela kuli uka eza sa kuli kamba nee,” haana ku muisa kwani. U ka mu tuhela fela kuli azamaye.

¹¹⁰ Cwalo kona mo mu ezeza. Mutuhele fela Satani azwele fande, kukakanya kaufela ni lika kaufela lizwe mwa munahano wa hao, mi Mulimu uka ku zusa. Kihande.

¹¹¹ Cwale, ki nako ya Paseka. Oh, Na lata Paseka. Eeni, sha. Kono kuna ni zeñata hahulu ka za Paseka, kacenu, ka za tushakame, ni lipato, ni likuhu za mubala wa pinki, ni likuwani zende, ni lindelesi ze nca; mi yeo ha ki Paseka. Paseka ki zuho, ya kutiseza, ku kutiseza. Ki nako ya Mulimu ya kutiseza. Mu talime mwa lifasi; Mulimu wa kutiseza. Ku kutiseza sikamañi? Zebupilwe. Yeo ki niti. U sweli kutisa lipalisa. U sweli kutisa matali. U sweli kutisa miselo ya mwa simu. Ki sikamañi seo? Mulimu u sweli wa kutiseza. Ki Paseka; italusa ku “li kutisa.”

¹¹² Ki sikamañi seo? Se kubile ni—ni mubamba, mubulelelo. Zuho ya bulela, kamba ki—ki—ki mubulelelo wa palisa, wa kuli ina ni tukelo ya kuzuha hape. Mwabona? Mi mulao wa Mulimu wa ze bupilwe u hoha lifasi ni kueza mulao wa Mulimu wani, mwa pupo, kutisa Paseka, yona zuho. Ki nto yende. Kukuta kwa lizazi, ku to kutiseza se si bulailwe ki maliha, hane si inzi mwa lifasi. Mulimu ulumanga lifasi ku potoloha lizazi, sina ha lu bulelezwi, kuzwa kwa mulaho *kwanu*.

¹¹³ Lifasi, lifasi la zwa kwa lizazi, la kutela *kwanu*. Cwalo kona mwa ezezanga muezalibi, kuba kwahule ni M-w-a-n-a. Kihande, yo ki l-i-z-a-z-i. Kono cwale lifasi le ha li kala kukuta. . . Mi cwale ha se lili kwande kwani, lifu la li bulaya, ona maliha. A bulaya kaufela se si pila, kwande *kwani*.

¹¹⁴ Mi, cwale, lifasi ha li kuta mwa mulaho. Lipeu ze i inzi mwa mubu. Ki lico ze kangezi. Mezi azwile ku zona. Mane. . . Lika kaufela se li zwile mwateni; kono kuna ni bupilo nyana bo bu sa bukelelizwe. Mi lizazi li sa kuta fela mwa sibaka ni lifasi hape, kipeto kuna ni Paseka, ki kukutiswa. Kipeto kutaha lipalisa hape. Fahalimu kwataha lika kaufela. Kaufela ze ne bulailwe ki maliha, lizazi la kutiseza. Ona lifu la maliha lani kaufela li bulaya, lizazi la bupilo la kutiseza.

¹¹⁵ Mi kona mo kuinezi ni cwale kwa sicaba. Ona kubata kaufela kwa maliha kwani, bulapeli bwa sihalihali bo bu bulailwe kwande kwani, bukaufi ni Mwana Mulimu mwa mazazi a maungulo aa, inza taha kwa Keleke ya Hae, ku I kutiseza kwa

Bupilo hape. “Ni ka kutiseza, kubulela Mulena.” Mwabona? Mulimu u kutisa lipalisa za Hae, matali a Hae, sibupeho sa Hae, peu ya Hae ya lifasi, mi kabakaleo lwa ziba, cwale, kuli Mulimu uka kutiseza hape maino a Hae. U ka kutiseza Edeni ya Hae. U ka kutiseza lika kaufela ze bulailwe ki lifu. Yeo ki niti. Cwale, mukwa fela o ikona kusiyala inge ishwile, ki ku inelelela mwa sibaka se si maswe. Kono haiba iwela mwa sibaka se si lukile, ina ni ku kutela kwa Bupilo hape. Kacwalo, Mulimu, lu lumeleze kuwela mwa sibaka se si swanela, yeo ki niti, kwa kukutisezwa.

¹¹⁶ Kaufela ze bulailwe ka nako ya maliha, kipeto lizazi la kutiseza. Kukuta kwa lizazi, ki sikamañi se si eza zeo? Li hapeleza. Muteeleze. La hapeleza lifu. Mi lizazi, lizazi la pula ha li kuta mwa mulaho mwa mundandwe wa lifasi hape, li ka hapeleza lifu kutisa bafu baba kulona, kutaha mwa zuho, kwa (sikamañi?) kwa kukutisezwa, ki “kukutisezwa hape.” Ki sikamañi se si eza cwalo? Ki lizazi, le litaha. Wani ki mulao wa Mulimu.

¹¹⁷ Mulimu na beile lifasi mwa mulao, mulao o zamaisa bukiti. Lika kaufela mwa pupo libeleka ka mulao wa Mulimu. Mi palisa isebelize nako ya yona. Peu isebelize nako ya yona; ne i shwezi mwa mubu. Mi cwale kuba ni ku kutisezwa.

¹¹⁸ Mi cwale ilobezi mwani, ishwile. Hakuna nihaiba sika. . . Lwakona kunga iliñwi ya maseli a sina *cwana*, ni ku atukisa, mi mane haana kumonyeha zangana. Hakuna mukwa wa kuli lueze cwalo. Kono Mulimu una ni mulao, kuli lizazi lani ha litaha kwa peu, li hapeleza bupilo bwani kuzwa mwa peu. Lifu halikoni ku i swala ni hanyinyani.

¹¹⁹ Mulimu utomile milao ya Hae kaufela kuli i Mu sebeleze, sibeli sa za butu ni za moya, kubeleka kuya ka Linzwi la Hae, hakuna taba ka buino. Na lata sani. Ni bile ni Liñolo fa ka sani. Eeni, sha. Mulimu utomile milao ya Hae kaufela ka ku zamaelela. Munahane ka zona. Ha li nwele hande cwale, kakuli lutaha kwa sebelezo ya foliso mwa mizuzu yelikani. Mwabona? Mulimu u tomile milao ya Hae kaufela ka swanela, kuli lina ni kubeleka kuya ka Linzwi la Hae Tota. Kana mwa utwa nji? Mwabona? Linzwi la Hae! Milao ya hae ina ni kubeleka kuya ka Linzwi la Hae. A laela lizazi. A laela kweli. A laela lifasi. A laela pupo. Mi kaufela zona za wela mwa sikuka, mi milao kaufela ibeleka mwa kutwano ni Linzwi la bulezi Mulimu. Mi mulao wa Bupilo oli ku luna uka lu tisa hape kwa zuho. Ina ni kuba cwalo. Ha ku konahali kuli kupale.

¹²⁰ Leo kona libaka, mulao wa Bupilo onoli ku Krete. Mi Linzwi ha li bulelwa, ni kubulela kuli, “Hanina kutuhelela Ya Kenile wa Ka kubona kubola, kamba nihaiba kuli Ni siye moyo wa Hae mwa lihele,” nekusina nako yeñata, nekusina mioya yeñata, nekusina sika sesituna, sa kubuluka Krete mwa libita lani kufitela (Yena) mubili wa Hae kuli ukale kubola, kakuli

mulao wa Mulimu uka tisa Linzwi ku to ezahala. Mi mulao wa Mulimu, ka Moya o Kenile, utisa sepiso ifi kaufela kuli iezahale (mwa utwa nji?), hakuna taba ka buino.

¹²¹ Jobo ali, “Kamba likokwani za mubili lika sinya mubili waka, ibo ona mwa mubili waka wo Ni ka bona Mulimu.”

¹²² Hakuna taba kamba lu ba banyinyani cwani, mo lubezi baba totobezi cwani, mo lubezi baba masila, mo lubezi baba si ka kena, mo lubezi baba kula, mo lubezi baba ziyelehile; mulao wa Moya wa Mulimu, ka Linzwi la Hae, u li eza kuli li Mu utwe, uhapeleza taba, mi uli, “Aku i fe!” Amen. Oh, kambe ne lu ka nahana cwalo fa muzuzu fela. Ku u hapeleza, hakuna taba ka buino. Hakuna taba kamba buino ki bufi, mulao wa Linzwi la Mulimu u hapeleza buino bwa ku zamaelela ni Linzwi la Hae. Mwabona? Li na ni kuba cwalo.

¹²³ Cwale, haiba palisa i beilwe foo, mi i shwile, lipeu li bolile, liile, litalo li felile, Seo hasina nihaiba nto ye kana ya kueza ka Sona. Ya hula hape, kakuli Mulimu na tomile mulao, kuli u zuhe hape.

¹²⁴ Fani Jobo hana inzi mwa mubu (Mwendi, hana boni Jesu inza taha, neli myaha ye likiti zene Jesu asika fita kale fa.), mwakona ku nahana mubili wa butu mo no bonahalela, mwa myaha ye likiti zene, mane hakuna neba mufuse omuñata o siyezi o tala fa luswana. Kono Jobo ali, “Ibo mwa mubili waka Ni ka bona Mulimu: Yo Ni ka iponela ili na.”

¹²⁵ Mi Bibeles ya lu bulelela, mwa Mateu 27, kuli kasamulaho wa lifu la Hae, ni kupumbekwa, ni zuho, kuli, “Buñata bwa baba kenile bene ba lobezi mwa liluli la lifasi, ba zuha kuzwa mwa liluli.” Kiñi? Neli mupolofita yani, yana bulela ka Linzwi la Mulimu, mi Linzwi ne li bulezwi. Mi mulao wa Mulimu, ka Moya, wa ba zusa. Bibeles ibulezi kuli, “Ba taha mwa munzi, mi ba bonahala ku babañata.” Isiñi fela kuli Jesu na zuhile, kono balumeli ne ba zuhile ni Yena.

¹²⁶ Kiñi? Mwani mwa Lisamu, i bulezi kuli, “Amu nanuhe, mina minyako ya kamita, mi amu nanuhe. Mulena wa Kanya atahe.” Kihande, ha Na komile lifu, lihele, libita, matuku, a zuha ka lizazi la bulalu, “A kambamela kwa Lihalimu, mi a yo isa lihapwa ku yo ba luwa.”

¹²⁷ Neli sikamañi sani? Bani bene bali mwa butanga ne ba libelela sepiso ye lunani cwale. Oh, muzwale! Mane nekusina nihaiba Moya o Kenile. “Kono, ne ba lumela, ni kufa bupaki bobunde. Mi ka yona ba tuhelisa milomo ya litau, ba tima mata a mulilo, ba bandukile kwa buhali bwa lilumo, basali ba amuhela bafu babona haba zuhela kwa bupilo hape: kusina sepiso.” Oh, kono ne ba talimela kwapili! Mwatasa sitabelo sa lingu sene si sa koni ku takula sibi, ne si apesa fela sibi. Kono ne ba lumela kuli ne ku taha Alimuñwi. Mi ka tumelo ya bona, kwahule ni muluti, amen, ne ba ipapata zona. “Mi ka kutiya, ne ba yambaela mwa

mahalaupa, ni mwa matalo a lingu ni lipuli; ne ba nyandile, mi bayambaeli, ni ku nyandiswa.” Oh!

¹²⁸ Sicaba sani, si libelezi zuho yani, mi, ka sani, ba shwa mwa tumelo, ka bupaki bwa bona. Mi ka la Zuho yani kakusasana, ona mulao wa Mulimu wani, lene li bulezi Linzwi ka Jobo ni bapolofita babañwi bani, ne ba zuhile kwa bafu. Oh, mawi! Ki fo he cwale. Hakuna taba ka buino!

¹²⁹ Batu babañwi bana ni mulatu hahulu, o ba sa lati kotalimana ni katulo ifi kaufela. Oh, batu babañata! Ha ki nto yetata kushwa. Mutu kaufela ulatehelwa ki ngana ya hae, nto yeñwi, ni kueza sesiñwi se si buhali. Babañwi ba bona bana ni mibili ya bona ye cisiwa, ku li isa fa liwate ni ku nepela mufuse kwa maneku amane a se, mioya yemine ya liwate. Sani ha si palelisiwi katulo. Mu tahe ona cwalo, ka kuswana fela. Eeni, sha. Mwabona? Hakuna taba, hakuna taba ka buino, u ka kopana ni Mulimu, kokuñwi. U lukela kutaha ku Yena. U lukela ku Mu katanyeza. Mwabona?

¹³⁰ Kakuli (Kiñi?) U bulezi Linzwi, ni kubeya mulao kwa Linzwi lani. Mi mulao ki mulao wa Hae Tota, Bupilo bwa Hae Tota, kwa mulaho wa Ona. Kona libaka ha Na konkile ka Yena anosi; hakuna yomutuna. Mwabona? Na bile ni, buitamo, kakuli hakuna bulikani bo bu lukela kubateni kusina buitamo. Mi nzila fela ya Na ka eza zeo, Asika ba kale, na i kungile Yena kasibili, mi Yena kasibili aba Buitamo bwani. Oh, muzwale! Fani, Mulimu hana tiloba mutu mi nali Buitamo, a I kezeza bona ka Luci.

¹³¹ Mi ka lifu la Hae Tota, kupumbekwa, ni zuho, A bonisa kuli milao ya Hae ne i lukile. Ali, “Musinye muyaho wo, Ni ka u zusa hape mwa mazazi a malalu.” “Na,” tulokandina twa mutu, “Ni ka u zusa hape mwa mazazi a malalu. Ni ka i tisa. Mu i bulaye fela, mi mubone se si ka ezahala.” Kakuli, Na zibile mulao wa Mulimu. Na zibile sene sili sona. Na zibile kuli ne sina ni kubeleka kuya ka Linzwi. Na ziba kuli Linzwi la Mulimu ne li bulezwi ka mupolofita, mi ali, “Hanina kutuhelela Ya Kenile wa Ka kubona kubola.” Ani neli mafelelezo. Ani neli mafelelezo.

¹³² Mi, mulao wa Mulimu una ni kubeleka ka Linzwi lani. Lu taha fa sika sesituna fa muzuzu fela. Mwabona? Mwabona? Kikai, mulao wa Linzwi la Mulimu, ona Mulao wa Mulimu, uina ni Linzwi la Hae.

¹³³ Cwale, haiba kuta iñola linzwi, “Ki nto ya *kuli-kuli*, ki koto, ya kueza sa *kuli-ni-kuli*.” Ku lukile. Cwale, leo ki linzwi la kuta, mi mulao wa ba kuta uhapeleza linzwi la kuta.

¹³⁴ Mi Mulimu ubulela nto yeñwi, mi wani ki mulao. Mi Moya o Kenile uteni mo kuli ueze mulao wani kubeleka, amen, ku mulumeli. U na ni ku supwiwa ka kueza cwalo, mi si lwala mulumeli. U lukela kuba ni situpa sa “mulumeli.” Yomuñwi uli, “Una ni mata?” Batili. Kono luna ni bulena. Kona cwalo. Isiñi mata; kono bundume. Haluna mata amañata akueza sika.

135 Sina hane Ni bulezi nako yeñwi yefitile, mupokola yomunyinyani wakwa Louisville, inza yemi fani. Neli yomunyinyani kufita mo ne Nibezi; mutu yomusisani fela. Kuwani ya hae ne ihohezwi kwa lizebe za hae. Mi mota . . . Oh, yunifomu ya hae ne i cepeta kunyendaela. Na zamaya cwalo mwa mukwakwa. Tobolo nyana ni kuwani, isikamezi, kwa neku leliñwi ni mulamu mwa lizoho la hae, ni pindo yenyinyani. Azamaya cwalo fani, atinile masila amasweu kwa mazoho. Ni zona—zona limota zani, zeñwi za bona lina ni bukiti bo bulikana lipelasa ze mashumi aketalizoho, inze lipikuluha mwa mukwakwa wani, inge—inge lumonyi lwa pula, neli zoom, zoom. Kihande, mucaha yomusisani yani akoni ku li yemisa . . . Nasike a yemisa neba mwana mbongolo, ka mata a hae. Batili hakoni. Kono sa ya fela fa mukwakwa, ni situpa tuna sani inge si benya, aliza pindo yani, ni kunanulela lizoho mwa halimu. Muzwale, simbayambaya se situna, sa bukiti bo bulikana lipelasa mianda yemilali, sa swala mambuleki, ni zeñwi kaufela. Ne si mata a mutu. Neli bulena bwana nani. Kona cwalo.

136 Yeo kona Keleke. Kwakona kuba sikwata sa “bapikuluhi babakenile,” mo ba bizezwa cwalo, kamba kaufela mo mubata ku libizeza, kono ki bundume. Uh-huh, uh-huh. Ki bulena mwa mulaho wa zona. Sani kona se si eza lika. Hakuna taba ka buino, mulao wa Mulimu u nzo beleka ni Linzwi la Hae. Cwale, halina kubeleka ni tuto ya tumelo ya mina. Li ka beleka ni Linzwi. Eehe. Li beleka fela ka Linzwi, ku felile, cwale, hakuna taba ka buino.

137 Abrahamama, sina ha lu balile nako nyana yefitile mwa palo yaluna, musala Abrahamama na kutisizwe. Kiñi? Mulimu na file sepiso ku Abrahamama, mi fa mulena na mu isize, ku yo nyalwa, kuba musala hae.

138 Kihande, ki sikamañi sa na ka eza? Na bulaile Abrahamama mwa lifu, fa muzuzu fela. Sani kona sa na bulezi Abrahamama. “Na ku lapela, ubulele cwalo . . .” Kasamulaho abona kuli—kuli Abimeleki na sa mu sweli, mulena wa Mufilisita yo kwani. Ki hali, “Cwale, mina—mina, Na mi lapela, mubulele kuli Ni muzwale wa mina. Kakuli haiba . . . u musali yomunde.” Mi ali, “Cwale, haiba u bona kuli u yomunde, mi Nika—Nika—Nika—Nika bulaiwa, kakuli uka kunga ni kuku nyala.” Mi kacwalo Abimeleki amu swala, mi muuna hae amu tisa mwahali.

139 Nali musali yomunde. Mi, ni bulele cwana, nali fela wa myaha ye mwanda ya kupepwa. Mi musali—musali . . . Mulimu na bonisize fela Sa ka eza ku luna kaufela, ka bona. Mwa ziba, Ni se ni fitile ku zeo kaufela, mwa tuto yaka ni fa matepu, ni zeñwi cwalo, kubonisa kuli ka Linzwi la Mulimu. Yeo ki niti. A bulela, ka Abrahamama ni Sarah, sa Na ka eza kwa lusika kaufela. Yeo ki niti.

140 Cwale, ki yani fani, mi kacwalo Abimeleki amu nga kuli abe musala hae. Abimeleke, mi kacwalo a itukisa kaufela cwale,

kuli amunge abe musala hae. Mi (sikamañi?) Mulimu na bulelezi kale Abrahamama kuli, “Ka Sarah ukaba ni mbututu yoo,” mi fa nekuna ni mutangana yana mu nanula. Fa nekuna ni Abrahamama, mwendi- . . . neli wa myaha ye mwanda ya kupepwa cwale, hape, kulo kwani.

¹⁴¹ Kono, ka sani, mu lemuhe sa na bulezi Mulimu kwani. “Ee, Ni ziba busepahali bwa pilu ya hao. Kona libaka ha Ni ku hanisize ku Ni foseza. Kono u kutise musali yoo; kakuli muuna hae ki mupolofita. A ku lapelele. Haiba u sa ezi cwalo, Ni ka mi yundisa fela fa lifasi.” Ki fo he cwale.

¹⁴² Sikamañi? Linzwi la Mulimu lina ni kuyema. Hakuna mutu yana kona kuswala Sarah. Mulimu na file sepiso.

¹⁴³ Sarah, mufuta wa Keleke, Keleke ya niti, Keleke ye lukuluhile, musali ya lukuluhile hamoho ni Mwana ya lukuluhile, mufuta wa Keleke ye pepilwe sinca ni sepiso. Ha ba bulele kaufela ze ba bata; ba li bize kuli “mupikuluhi ya kenile, kufiteleza tumelo.” Ba likile ku Li paleliswa kuzwa kwa Pentekota, mi habana kueza cwalo. Batili, sha. Kakuli mutone . . . Mu tuhele fela mazoho amina ku Lona. Ku felile. Mulimu uka nga sani ni kueza sesiñwi ka Sona, ka niti fela sina ha Ni yemi fa. Lu taha mwahala lusika lwa yona, cwale, mwa mizuzu yelikani. Mulimu ani tuse, Ni ka mi bonisa zona, fo luinzi. Kiniti. Muna . . . Habana ku li sinya. Halikoni ku sinyeha. Yeo ki niti.

¹⁴⁴ “Zwisa mazoho a hao ku yena.” Kiñi? Ki ko kuna ni kutaha peu ya nama. Peu ya nama neitile. Kambe nei kaba ni . . . Kambe Sarah na ka nyalwa ku muuna usili yo, peu ya nama ne i si ke ya pepwa.

¹⁴⁵ Kacwalo haiba Mulimu u tokomela hahulu za mo imelela peu ya nama, kucwani he ka ya moya, Peu ya Moya ya Bulena, u ibabalela kufita kai!

¹⁴⁶ Satani, aku bafe zona. Aku li tuhele. Ha ku ba tamulule kwani mwa likopano zani ni lika zeñwi. Ki sicaba se si lukuluhile. Ba tuhele fela ona cwalo. Eehe. Ba tamulule, yona Peu ya Silena.

¹⁴⁷ Cwale, Mulimu ubulela ka za ku kutisa, cwale, mo mwa Joele, U bulela ka za . . . Ne ni kutalize fa taba ye, nako yeñwi, ni kuitalimisa mwa mufuta usili. Kaza . . . Ne ni si ka kena ku zona ka swanelo, sina mo Ni batela kuezeza kacenu, mi hanina kuba ni nako ya kueza zeo mo li lukela ku ezahalela.

¹⁴⁸ Kono Mulimu usweli kubulela fa, mwa Joele, wa . . . Mulimu u ambola ka Kota ya Hae ya Na cezi. Mulimu na cezi Kota ya miselo. Na I cezi ka Lizazi la Pentekota, mi A tisa Kota yani kwani ka mulelo. Na bata kuli Libeye Linzwi la Hae la Muselo, Linzwi la Mulimu. Na bata Keleke yene ka buluka Linzwi la Hae. Mwahala lusika kaufela, Eva na palezwi ku Li buluka, Majuda

ne ba palezwi ku Li buluka, mulao no palezwi, kaufela ne li palezwi, kacwalo Mulimu a Mu cala kuba Kota. Kota!

¹⁴⁹ Cwale muhupule, nekuna ni likota zepeli mwa simu ya Edeni. Lwa ziba cwalo. Mu li bize kaufela mo mubatela. Nina ni muhupulo waka. Kono, nihakuli cwalo, iliñwi ya zona ne li kota ye silafaza; ne i silafalize. Mi Yeñwi ne si ka silafala; Kota ya Bupilo yani neizwa ku Mulimu, kwa Lihalimu. Mi ali, “Bo kuku a mina ba cile manna, mi ba shwile. Kono Kota ye, ha muica, mi mu pila kuyakuile.” Mi Lingeloi la sileleza Kota ya Bupilo yani, kuzwa kwa simu ya Edeni, la I buluka mwa Edeni. Kota ya Bupilo yani i mwa Edeni, cwale, kubulela ka moya cwale. Mulemuhe.

¹⁵⁰ Cwale, Kota ye ya na cezi Mulimu, Ne ilukela kubeya miselo mifuta ye naini ye shutana, naini ye shutana; ili kutalusa kuli, limpo za moya ze naini, miselo ye naini ya Moya kuli luye ni limpo za moya ze naini. Yani neli Kota ya Mulimu. Na I cezi mwa lifasi ka Lizazi la Pentekota.

¹⁵¹ Cwale ha lu tuheleñi. Kamita ha lubangi ni nako yetuna. Ni ka tula Mañolo nyana fa, ni kushetumuka fa mwa Lisamu, ya 1. Davida na boni Kota ye, kale kafoo. Ni ka miñolo ya hae ya lipina za taba yeñwi ya tabo, yani neli yona taba yapili yana ñozi ka yona. Na boni Kota ye, mi Ne i “calilwe kwa tuko ni Mezi.” Kota ye! Yena!

Mi u swana sina kota, kota ya Mulimu, u cezwi (kai?) kwa linuka, linuka (buñata), linuka za mezi (nto iliñwi) . . .

¹⁵² Isiñi wa Methodist, Baptist, Presbyterian, Lutheran, ni babañwi cwalo. Batili, batili. Uh-uh. Ki linuka fela za Mezi alimañwi; limpo ze naini za moya ka Moya o swana. Miselo ye naini ya Moya izwa ka nzila yeswana.

. . . u kaba sina kota ye calilwe kwa tuko linuka za mezi.

¹⁵³ Sina Davida mwa na li bonezi, mi a bulela. Ki hali, “Ufilwe mbuyoti mutu yoo.” Mi mulemuhe, abulela kuli na si ke kushwa. “Matali a hae na sa letuki.” Batili, batili. Hakuna taba ka se ba eza, haana kubulaya Kota yani. Kiñi? Ki ko a cezwi. Sani kona se si eza lika. Ki ko a cezwi. “U calilwe kwa tuko ni Mezi.” Cwale mulemuhe. Davida ali, “Haili—haili mibisi ya hae haina kushwa.”

¹⁵⁴ Mwa ziba, hamunga kota, kota yetuna ya kale. Na, hane Ni li mushimani, Ne ni zwelanga fande, mi ne lu, luna bashimani, ne lu yanga kusili, mi nekuna ni kota yetuna mo ne luinanga mwatasi, neli sikota sesituna sa mwande. Mi moya no fuka. Mi Na komona, ne kubonahala inge kuli nto yani, nekuna ni zeñata hahulu kwahalimu, ne kubonahala inge kuli ne—ne kuna ni si ka fahalimwa yona. Kono, mwa ziba, nako kaufela moya ha ufukela

fa kota, u nyunga kota, mi u cepetisa mibisi, ili kuli i kate fela kuya mwatasi ni kuli iswale hande.

¹⁵⁵ Mi yani kona nzila, lisheha ka lisheha, kuseha, kubona bukuba Mukreste. Se si ezahala, ki kuli, manyando a nyanganyisa Mukreste, kuli akone kulapela hahulu, kukata hahulu, kuli akone kuswala hande, kuli akone kuswala hande.

¹⁵⁶ Cwale, ku cwani haiba mutu u calilwe mwa sika sakuli “kwa nuka,” koo maabwa, linuka zeshutana a naini afumaneha kuyena? Oh, mawi! Ha ki—ha ki bufumu ni boo anani. Mi mutu ya cezwi kwa nuka, linuka za Mezi; Mezi alimañwi, Moya ulimuñwi, “Kuna ni limpo za kufolisa, Moya o swana; limpo za sipolofita, Moya o swana; ona Moya o swana, kono limpo zeñata.” Mufani Alimuñwi.

¹⁵⁷ Cwale, Davida a mu bona, mi na calilwe kwa Kota yee. Cwale, na si ka shwa. Cwale mulemuhe libaka. Nana ni Bupilo mwa mibisi. Ikai mibisi, kamba, bupilo bwa kota? Bu ina mwa mibisi. Kaniti. Utaha ku to beya miselo ya ona. Ku lukile.

¹⁵⁸ Mutalime. Mibisi ya hae neina ni Bupilo ku yona, kuli ibeye miselo ya Hae mwa mwaha wateni. Cwale muhupule, Kota ye haina kubeya muselo wa Yona.

¹⁵⁹ Cwale, munge kota ni kuizusa mwa mezi. Taba yapili mwa ziba, muna ni ma apule amanyinyani. Kaufela libolile mi licilwe ki mabuku. Kono i ka beya lico—lico—lico za yona.

¹⁶⁰ Boo kona butata bobuli ni likeleke kacenu. Mu se muzwile mwa Nuka yani, mwa zwa kwa limpo za Moya zani. Bana ni fela keleke ya nama. Mi ba zwa kwa limpo za moya ni lika za moya, mi ba beya miselo ya bona. Ki sikamañi se ba eza? Balumeli ba—ba bona ba pila ni lifasi, baeza sina lifasi, kuuzwa, kupuma, kuzuba, kunwa, kulaula, kuba ni mikiti ya bunco mwa keleke, kuli balife mukutazi, ni lika zeñwi kaufela, mikiti ya malyalya, kubina. Mwabona? Ba beya miselo ya bona. Kuswana fela sina lifasi.

¹⁶¹ Mi ya sa lumeli ha talima ni kubulela kuli, “Hakuna shutano ku mutu yoo ni na.”

¹⁶² Kona ze ne tisize kuli swalisano ihule mwa Russia. Kona ha ne ba cisize keleke ya Katolika mwateni. . . .

¹⁶³ Kwani kwa Mexico, hane Ni li kwani mi na bona misima ya lilungwe, koo lika zani, ni libaka zani ko ne ba cisaka limbututu zani, kone kuna ni ba babaleli bene bana ni limbututu zani. Neba mibili ya batu, mubili wa mutu ya hulile no lobezi fani, liluli la misima ya macwe. Ki sikamañi se ne ba ezize? Za wisa miselo ya zona, mwabona, mi Mulimu a i nyunga kuzwa kwa kota. Ani neli mafelelezo. Mwabona?

¹⁶⁴ Kono mutu ya cezwi, isiñi ya suñilwe fela, kono ya calilwe fa kaufi ni linuka za Mezi, uka beya muselo wa Hae (mutalime) mwa . . . muselo wa Hae mwa mwaha wa hae. Kana mwa bala nji? Lisamu 1.

U filwe mbuyoti mutu ya sa...ini mwa siango sa basomi, ya sa yemi mwa nzila ya baezalibi.

...u kaba sina kota ye calilwe kwa tuko ni mezi, u ka beya miselo ya hae mwa mwaha wa hae;...mi kaufela sa eza si ka fuma.

165 Mwabona? Mulemuhe, “Baezalibi ha ba cwalo; mi haana kuyema ni yena mwa katulo.” Mwabona?

166 Cwale, “U ka beya muselo wa Hae mwa mwaha wa hae.” Mutalime ufi ni ufi “wa hae,” ki tulokandina twa mutu foo. Ki muselo wa Hae, muselo wa Mulimu, mwa mwaha o—o mupolofita atisa. Ikaba mwa mwaha wa mupolofita. Muselo wa Mulimu, mwa nako ya Mulimu, ka mwaha wa mupolofita. Mwabona? “U ka beya muselo wa Hae mwa mwaha wa hae.” Mubone haiba hakuna zepeli za “hae” foo. “Abeye za Hae, muselo wa Mulimu, mwabona, mwa mwaha wa na tomezwi mulumiwa kutaha ka ona.” U ka tisa ona zeo. Cwale muhupule cwalo. Mulumiwa ya tisa muselo wa Mulimu, uka u tisa mwa mwaha wa Mulimu, mwa mwaha wa kutisa. Mwabona? “U ka beya muselo wa Hae mwa mwaha wa hae.” Mi ha U koni kuoma. Kiñi? Una ni muselo o lukisizwe mwateni. Haukoni ku U sinya, kakuli U lemuhilwe kale.

167 Cwale, Maefese :5, 1:5, nitaluse. I ize kuli, “Lu inzi hamoho mwa libaka za Mahalimu ku Kreste Jesu.” Ki sikamañi sene si ezahalile? Na ize, “Mulimu, ka kuziba kwa Hae kwa makalelo, na lu lemuhezi kutaha kwa kuba bana ba Mulimu, ka Jesu Kreste.” Mulimu, ka kuziba kwa Hae kwa makalelo, na tomile kale lika kaufela ze ne ka ezahala mwahala nako. Ka zibo ya Hae ya makalelo, Na li boni kale. Kabakaleo, kuzwa kwa simuluho, Na kona kubulela ni za mafelelezo.

168 Kabakaleo, ne li muselo o lukisizwe kale mwa—mwa mubisi wa Kota ye. Mi Kota ye ne sa leki, kakuli Ne isweli miselo ye lukisizwe. Cwale, yani kona Kota yana bulezi Joele fa. Mwabona? Haikoni kushwa. Likokwani ne li Icile, kono Ne i sa shwi. Mwa mubisi wa Yona, Neina ni Niti ye lemuhilwe pili. Neina ni Linzwi la Mulimu, Kota ye neili cwalo. Mi Kota ye ki—ki yona Kota yani, nzila fela inosi, Ne—Ne i beilwe mwa simu ya Edeni.

169 Likota kaufela, ka musali, za shwa. Kaufela luna lwa shwa, ka musali. Ka kupepwa, kaufela luna lwa shwa. Kono ka musali kwataha lifu, kakuli kupepwa kwa kutahile ka musali. Ku lukile. Mi, se sina ni kushwa, bakeñisa sibi.

170 Kono haili Kupepwa, Kupepwa sinca ko ku tahile ka Kreste, halikoni kushwa. Yeo ki Kota iliñwi, ni kota yeñwi. Mwabona? Mi Kota ye, ni ha I nyandiswa, ku sehiwa, kuzwa kwa makalelo luli a simu ya Edeni, Haikoni kushwa. I lemuhilwe kale. Se i kumulezwi ni ku natiwa, mi, mawi, lika kaufela li ezahalile ku Yona. Mi ki sikamañi sene si ezahalile? Haikoni kushwa. Za hae...haana kushwa. Ha ikoni, kakuli i swalelezi ku yena lona

Linzwi leli lemuhilwe la Mulimu. Ina ni kutaha cwalo, kakuli muselo wa Hae u mwa mwaha wa hae, mwaha o lukisizwe. Kuli, hakuna taba . . .

¹⁷¹ Joele na boni mañi ni mañi wa zona, li ciwa kuisa kwatasi. Kono Yena ali, “Ni ka kutiseza, kubulela Mulena,” kakuli kuzibiwa kwa Mulimu ku inzi mwa mibisi ya Kota. I na ni kutaha cwalo, kakuli I sweli Linzwi la Mulimu leli lemuhilwe kale. Hmm! Oh, ha ki Kota ni yeo! Mawi!

¹⁷² Kota Yani, Ne i kalile kumela mwa Edeni mwani. Ki sikamañi sene si ezahalile? Nekuna ni sikwata sene sitile, sa bana ba Kaine, liñanya zeñwi ne li tile ku to Li ca kwa lutaka. Mi Mulimu anga lushaba lwa Teni, ni ku Lu beya mwa areka ni ku Li lwala. Kiniti. Kutaha ka kushetumuka cwalo, ibile nto yeswana, kutaha cwalo mwa mikoloko ya katulo; Isilaele, kutaha cwalo fafasi.

¹⁷³ Mi cwale kwa Pentekota, koo Keleke ya Kota ya Munyaliwa, Na—Na tomile hande ka swanelo, la Pentekota, Kota yene lukisizwe ili kutisa muselo wa Hae mwa mwaha wateni. Cwale, kuya ka bunde, miselo isweli fela ku petahala. Ne ishoshezi fa Lizazi la Pentekota. Halu boneñi sene si ezahalile ka Lizazi la Pentekota. Jesu naize, “Misebezi ye Ni eza mu ka i eza ni mina.” Ne ba folisa bakuli. Cwale, ka Lizazi . . . halu boneñi mo ne li kalezi. Ka Lizazi la Pentekota, mazazi nyana kasamulaho wa zuho, kwa taha mo—kwa taha mo—mo Moya omutuna wa liñungwa, kuzwa kwa Lihalimu.

¹⁷⁴ Cwale, kacenu, lu li eza ka kushutana. Mukutazi wa yema ni kunga, uli, “Ni ka ñola libizo la hao mwa buka.” Mwabona? Kamba bachelor yomuñwi ni kola ya hae inge iwile kwa matuko, ali, “Taha kwanu u to ca sinkwa se si sina mumela. Sani, kanti, uba membala wa keleke.” Kana seo ha ki sesinca? Mukutazi uli, “Taha u ikopanye kwa sikwata sa luna.” Kiñi, sibeli sa bona ba latehile.

¹⁷⁵ “Ka Lizazi la Pentekota, kwa taha kuzwa kwa Lihalimu,” (isiñi kuzwa fa katala, ya na taha mwa musipili) “kuzwa kwa Lihalimu,” (Sikamañi? Muprisita? Batili. Mukutazi? Batili. Neli sikamañi sani?) “ki mulumo inge Moya wa liñungwa, mi Wa tala ndu kaufela mo ne bainzi. Malimi a kauhani a lula fahalimwa bona.” Sikukuma, ne ba sa koni kubulela, ne ba tezi hahulu kanya. Moya o Kenile wa ba taza. Mwa mikwakwa ba ya, inge ba yabana. Fela, ni kueza inge . . .

¹⁷⁶ Mane nahaiba kopano ye zibahala hahulu ya yema fani ni kubulela kuli, “Kihande, baana ba ba kusi veine yenca. Kaufela bona ba kozwi. Mutalime baana bani ni basali, mo ba tantalika ni kuzwelapili cwalo.”

¹⁷⁷ Cwale, seo kikuli SA BULELA MOYA KISONA. Ani kona Mañolo. Cwalo kona Keleke mo ne i ongaongezwi; isiñi ku

ongaonga, kono ku tomiwa. Kuna ni shutano yetuna mwa manzwi amabeli ao. Mulemuhe. Nebali fani.

178 Cwale, mi mwa ziba kuli, mina sicaba sa Katolika? Mwalanjo ya fuyozwi Maria nali ni bona. Eehe. Cwale, haiba Mulimu na si ka lumeleza Maria kutaha kwa Lihalimu kusina kuamuhela Moya o Kenile, wena u ka fita cwani Kwani, sika kaufela kusina Ona? Cwale munahane fela ka zona. Yeo ki niti. Maria nali mwahala bona. Mi nana ni kulibelela kwani kufitela alatehelwa ki likute la hae kaufela ni muikuhumuso, kutala Moya.

179 Mi ki bao ba taha, baeza sina batu baba kozwi. Bibebe ibulezi kuli ne ba ezize cwalo. Se bali, “Baana ba ba kusi veine yenca.”

180 Kono, Pitrosi, mubuleli wa mwa sikwata, ayema mi ali, “Ba ha ba si ka kolwa veine yenca, sina mo mu nahanela, kakuli ki hola ya bulalu mwa musihali. Kono se kona sene si bulezwi ki mupolofita Joele.” Yena ye Ni bala kuzwa kacenu. “Mi ku ka ezahala cwana mwa mazazi a maungulo, ku bulela Mulimu, kuli Ni ka sulula kwa Moya wa Ka fahalimwa nama kaufela; mi bana ba mina ba bashimani ni basizana ba ka polofita. Mi Ni ka bonisa limakazo mwa lihalimu, ni mwa lifasi, lisupo. Mi ku ka ezahala kuli, kaufela ya ka biza fa Libizo la Mulena uka piliswa.”

181 Cwale, Pitrosi na kutalize ka za Pentekota, kasamulaho wa mupolofita ya swana yo Ni kutaza kacenu ka za: kucala Kota ye. Mi kwani kona kwa Na I cezi. Oh, Ne i ezize hande. Ne ba zwezi kwande mi baba ni limpo za moya. Ne ba folisa bakuli. Ne ba kutaza. Ne ba nepelwa mwa tolongo. Ne ba itakaleza ku nyanda bakeñisa Linzwi.

182 Ha ne ukaya kwa naha isili uli fela mukeshibisi, haukoni kuba mu American waluli, haiba no kaya kwani. Haiba no ka kena cwale kwa Japan, wa yo fita kwa mulaho wa mukoloko, uli, “Muteeleze, balikani. Na mi yemela. Mwa ziba kana? Ni yemela mina, kono Ni inzi kwa neku leliñwi.” Wena, mubeteki, u lukela ku kunupiwa. Yeo ki niti. U mutabile. Luli.

183 Mi cwale kona mo kuinezi ona cwalo, mutu ya ziba Linzwi la Mulimu, mi u ka keshebisa ka Lona kakuli kopano yeñwi i mu bulelela kuli una ni kueza ona cwalo. Yani ki mubeteki. Kiniti.

184 Kono baana ba ne ba si ba beteki. Ne ba sina taba ka buñata, kihande, mo ne ba ezeza, ka mo mikwa ya keleke ya bona neinezi: inge ba huwa, ni kulila, ni kuhuwa, ni—ni kuyabana mwa mishobo yene bonahala inge kuli ne ba ambola ku yomuñwi ni yomuñwi mi ne ba sa utwisisi. Baana bani kwande kwani mwahala sicaba sa linaha zeñwi ni malimi asili akala ku utwa ze ne ba bulela. Ne ba sa zibi se ne ba bulela; ne ba sweli ku yabana. Kono batu babañwi fande fani ne ba utwa. Mi se bali, “Batu ba luli ba kozwi.”

185 Kono Pitrosi ali, “Ha ba si ka kolwa, kono ba talizwe ka Moya.”

¹⁸⁶ Kacwalo, kuli, mañi ni mañi wa bona na ya kwa ku bulaiwa, kwanda Joani, mi na cisizwe, liholo ze twenti-foo mwa mungomo wa mafula, mi mane ne ba sa cisi Moya ku yena. Mi cwale a shwa lifu la butu fela, yena fela anosi, Joani musinuli. Cwale, yeo ki niti.

¹⁸⁷ Mulemuhe cwale sene si ezahalile. Ku se, Mulimu na cezi Kota, kuli ibeye limpo za moya ze ketalizoho ka zene, limpo za Moya wa Hae. Moya o swana onoli ku Kreste notile fahalimwa Keleke, no nani Bupilo Bobusafeli. Cwale, limpo za Moya nelili mwa Keleke, mi ne I sweli kuhula, inze ibeya miselo, kai ni kai. Ne ba si ka hupula za bona bañi. Ne ba si ka ongaonga sika. Ne ba zwezipili fela mi nebali mizwale. Ne ba sina . . .

¹⁸⁸ Ni tabile kuli nto yenyinyani yani neili fani, “Hakuna tuto ya tumelo kwanda Kreste, hakuna mulao kwanda lilato, hakuna buka kwanda Bibe.” Sani kona se Ni lumela. Mwabona? Mi cwalo kona mo ne ba ezelize. Lifasi ki sibaka sa luna, mwabona, kai ni kai.

¹⁸⁹ Kacwalo, mulemuhe, balikani ba hane basweli kueza cwalo, ha ki kanya ni yeo mo ne ibezi keleke. Mi Mulimu nali ni bona, Bibe ibulezi ona cwalo. Mi Jesu a ba katana fapila kukambama kwa Hae. Mi ali, “Muye mwa lifasi kaufela, mu kutaze Evangeli kwa libupiwa kaufela. Lisupo ze li ka latelela baba lumela; ka Libizo la Ka . . .” Cwale, “Lisupo ze.”

¹⁹⁰ Cwale, kacenu, ki sisupo sa mufuta mañi se lu biza kuli mulumeli? U swalana mwa mazoho ni mulisana. Ki wa keleke. Una ni libizo la hae mwa buka kakuli bo mahe nebana ni libizo, kamba bo ndatahe nebana ni libizo mwa buka. Kono sani ne si sona sana bulezi Jesu. Jesu naize, “Lisupo ze.” Yani ki keleke, ya nama.

¹⁹¹ Lu bulela ka za Keleke, ka moya. Lu bulela ka za Kota ya moya, isiñi kota ya nama. Lu ya kwa likota zepeli zani fa, kasumulaho nyana. Mwabona? Kota ya moya! Jesu naize, “Lisupo ze li ka latelela baba nyendaela fa Kota yee. Lisupo ze li ka latelela baba sweli kuzwisa Bupilo bwa bona mwa Kota yee. Ka Libizo la Ka ba ka leleka mioya; ba ka bulela ka lipuo ze nca. Haiba ba lukela kuswala noha, kamba kunwa lifanu, halina ku batiseza kozi. Ha ba ka beya mazoho a bona fa bakuli, bao ba ka foliswa.”

¹⁹² Ki zeo lisupo za mufuta wa Na bulezi kuli li ka latelela mulumeli. Li kai kacenu? Na file lifasi mutala wa sene sikaba sisupo sa—sa mulumeli. Mi ki Hali, “Ne kukaba hande kuli licwe li tamelelwe mwa mulala wa hao, ni ku nepelwa mwa buliba bwa liwate, kufita nihaiba kufoseza alimuñwi wa bona, kakuli Mangeloi abona kamita abuha pata ya Ndate ya mwa Lihalimu.” Ki Mangeloi!

¹⁹³ Mulemuhe cwale. Ki bani fani. Mi Kota yani ne i cezwi. Ne i eza musebezi omutuna. Lu ziba kuli ne ba zwezipili, kai ni kai.

Mulena . . . Kiñi, ka Lizazi la Pentekota, mioyo ye likiti zetalu ne i ekelizwe, ku kolobezwa, ni kukena mwa Keleke. Ni ka mo ne ba bezi ni kutwano yetuna! Mi, mañi ni mañi, nekusina mutu yana tokwa sika. Mañi ni mañi nali ya sishemo, wa pilu yende. Mi, yomuñwi ni yomuñwi, ne bali fela lubasi loluñwi lo lutuna. Kihande!

¹⁹⁴ Mi ki ha kutaha, sesiñwi, sikokwani inge kambombo cwalo se si maswe, sa meto a maswe se si pila mwa likalulo zene ze shutana, sina Joele hana si boni. Ona kokwani ya likalulo zene ye, ya businyi, ya taha kuli i to sinya Kota yende ya Mulimu yee. Munahane ka zona. Cwale Ni ka bala zeñwi za Joele, sa na bulezi. Joele, kauhanyo ya 1. Nto yapili . . . Cwale, kuna ni tumbombo totune to tu shutana foo cwale, kono foo, ki kambombo fela kalikañwi. Ki kambombo kalikañwi mwa likalulo zene zeshutana. Cwale mutalime. Kona kanto ka, kambombo ka se ka taha, kwa Kelek- . . . kwa Kota ya Mulimu yende yetuna mi yetuna yee. Lu ka ibiza kuli ki Kota, yeneli Keleke.

¹⁹⁵ Sapili ne li sishenyi. Yeo ki nto yenyinyani, ki kokwani nyana fela ya libuku. Ki sikamañi sa ne i ezize, nziye yani? A taha ku to sinya muselo wa Kota. Yeo kona nto yapili.

¹⁹⁶ Cwale ha lu kuteleñi mwa litaba za kale ni kubona kuli nto yapili neli sikamañi: neli sikwata se—se si zibahala hahulu sene sili mwahala sicaba se si swana. Mi se bali, “Kihande, se ki sesinde kuli ukona kufolisa bakuli, mi wakona kueza lika ze. Zeo ki zende. Kacwalo, mwa ziba se lu lukela kueza? Lu lukela ku si utwisisa kuli sikwata sesituna sa batu si utwisise, sikwata sesinde: mubusisi wa tolopo, ba—ba baatuli, ni babañwi cwalo, mi ni—ni—ni baokameli ba muleneñi. Mi ibile fela kaufela mina mueza ka mukwa o muli ka ona, habana ku mi potoloha. Mwabona? Ba mi saba.”

¹⁹⁷ [Muzwale uli, “U sa li cwalo.”—Mu.] Yomuñwi ubulezi kuli, “U sa li cwalo.” Ni sepa kuli yeo ki niti. Kacwalo, yeo ki niti. Ba saba Moya o Kenile. Mu ni swalele.

¹⁹⁸ Ne ni opelanga pina nyana kuli:

Ki za kale . . .

Mukile mwa utwa fateni *Bulapeli Bwa Kale*? Kuna ni yakile autwa pina yani?

Ki bulapeli bwa kale . . .

Ne ni opelanga pina nyana sina ye, myaha ya kwa mulaho, Na li:

Ki Moya o Kenile wa kale,
Mi diabolosi haana ku sutelela bukaufi ni Ona;
Leo kona libaka sicaba ha si U saba,
Kono Ki nto yende luli kuna.

Ki omunde luli mane ha Ni lati usili,
 Kakuli U ni latisa muzwale waka;
 Mi U tisa patulula lika zepatilwe,
 Kacwalo Ki nto yende luli kuna. (Yeo ki niti.)

U ka ku tuhelisa buhata bwa hao;
 U ka ku pilisa ha u ni ha shwa;
 U ka lelekisa diabulosi mane asabe,
 Mi Ki nto yende luli kuna.

¹⁹⁹ Yeo ki niti. Leo kona libaka sicaba ha si sa U lati. Cwale—
 cwale, Ki Mulimu.

²⁰⁰ Ne ba sa lati Jesu. Se bali, “Muuna yo?” Keleke, keleke
 yetuna ye kutekeha, iize, “U taha ku to lu bulelela yo luli yena?
 Lu ka mi fa kuli mu utwisise, luna lu Dr. Ph.D., L.L., Q.U.S., mi,”
 mawi, “ze kaufela.” Kamba, “Kiñi, Na ni muprisita yomutuna.
 Ni wa se, *sani*, kamba *sesiñwi*. Mi mwa ni bulelela? Kiñi, no
 pepezwi mwa sibi. Ha u sesiñwi kwanda kuba mwana wa mwa
 bunyazi. Bo maho ne ba lukela kuba cwalo, nji cwani, fapila hao
 ni bo ndataho . . . bo ndataho ba si ka nyalana kale.”

²⁰¹ Ki hali, “Ki mañi yakona ku Ni tameleza sibi?” Mwabona?
 “Ki mañi yakona ku Ni tameleza litaba?” Ku lukile. *Sibi* ki “ku
 sa lumela Linzwi la Mulimu.” Ka manzwi amañwi, Na ize, “Mu
 Ni bonise ko Ni sa itahi Linzwi, kwa—kwa—kwa sibi, ona fo
 Li lukela kuba. Mu Ni bonise mwa Mañolo, ko kuinzi lizazi la
 Ka. Ha Ni sa ezi misebezi Ya Ndate, konakuli musike mwa Ni
 lumela.” Ali, “Cwale, u ipapata kuba cwalo. Cwale ha lu ku bone
 uli eze.” Oh, mawi!

²⁰² “Kuzwa cwale kuya kwapili ha ba Mu buza sika.” Mwabona?
 Ba Mu tuhela fela ona cwalo. Sina, diabulosi mwa na fufezi ku
 Yena. Ne ni bulezi kuli, na nahana kuli mwendi uka tula fela,
 kipeto. Kono, afumana kuli, sani ne si na ni mata a eza ma milioni
 mwa Muhala wani. A tula kuzwa ku Yani, kapili luli, mwa bona,
 kakuli na sa koni kulemuha Sani. Mi yani neli nto ilinwi ya niti.

²⁰³ Kacwalo nziye nyana ye ya taha, ku to ca kwateni miselo. Ni
 na ni makepe amabeli a “miselo.” Ni bata fela kubala amañwi
 a ona. Taba yapili, muselo wapili wa na kayuzi, neli lilato la
 sizwale. Yeo ki niti. Yeo ki ilinwi ya lika ze bulaya keleke ona
 foo, foo lilato la sizwale. . . Eeni, sha. Mi, muselo otatama wa na
 kayuzi kwa Kota. . . Mwa hupula, lilato kona muselo wapili fa
 Kota. “Lilato, tabo, kozo, pilutelele, bunde, kuishuwa, tumelo,
 tibeledo,” yeo ki niti, “mwa Moya o Kenile.” Cwale, limpo za moya
 ze naini, ka miselo ye naini ya Kota, ni zeñwi cwalo. Ku lukile.
 Cwale, sa pili, akala kuca kwa muselo wa Kota.

²⁰⁴ Cwale ha lu talimeñi Kota yetuna, ya Kota ya Mulimu. Isweli
 kutisa limpo za moya ze naini. Ba folisa bakuli. Ba bulela ka
 malimi. Ba leleka mioya ye maswe. Ba eza misebezi yemituna, ni
 kukutaza Linzwi la Mulimu le li si ka zwakiwa. Hakuna kopano

ye ka li tamahanya hamoho; ba lukuluhile, kueza musebezi omutuna.

205 Kacwalo, kwa taha diabulosi yenyinyani yee, ataha ni manaka amabeli inge a supile kwapili cwalo, inge mbimba, mwa ziba, ni meto a yona amaswe amizeleza. Yeo kona ya pili, nziye, ataha ku to ca lilato la sizwale. Ki hali, “Mwa ziba, wa *Kuli-ni-kuli* uezize sa *kuli-ni-kuli*, kwa keleke ya *Kuli-ni-kuli*. Ne ni sa lumeli sikwata sa batu sani.” Mwabona? Ki yani fani, taba yapili.

206 Se sitatama, na bata kuca fa muselo wa tumelo, tumelo mwa Linzwi. “Cwale mutalime. Kana muziba cwani kuli lani ki Linzwi? Li tolakilwe ka linako zeñata!” Diabulosi yomunyinyani yani u sa ca. Kiniti. “Linzwi lani li tolakilwe linako zeñata! Ki *yo, yani*, kamba *yani*. Oh, ki yo kaufela.” Mwabona?

207 Cwale, wani kona muselo usili o ca ku ona: tabo ya puluso. “Shhh! Mina sicaba mueza lilata hahulu. Oh, mawi! Mawi!”

208 “Oh, ukona ku kutaza cwani, Muzwale Branham?” musali naize kuna, nako yeñwi. Batili, ne si cwalo. Ne li mutu. Ni lumela kuli una . . . Na sepa uteni mo. Ki wa keleke yeñwi. Kono ki hali ku na, ali, “Ne ni i lo ku utwa, zazi leliñwi, mi mane Ne ni si ka ku utwa, sicaba sani ha si lila.”

Se nili, “Haiba baka . . .”

Ali, “Ukona ku kutaza cwani mwa lifasi?”

209 Se nili, “Kambe ne ba si ka ikola zona, Ne ni si ke na kutaza kwani.” Yeo ki niti. Ne ni banga ni . . . mina . . .

210 Mulikana ka, Jim Poole, ni Na, ne lu banga ni nja ya kale. Ne lu i bizanga kuli Fritz. Mi kacwalo nja ye, ne ikena mwa—mwa sibaka kaufela kone ipahami, kono neli kangamba. Ne i saba kangamba kani, kakuli ne ka nunka hahulu. Kacwalo, Ne ni i ngela kangamba mwatasi a libunda la kale, nto fela yene Ni na ni kueza neli kuinata nata, ni kubulela kuli, “Swala! Swala, mushimani!” Ki yeo ya ya iyo swala kangamba, mwabona, kakuli ne Ni iswakeza, ka kubulela kuli, “Swala!”

211 Kihande, kona fela mo kuinezi ha lu . . . Fo kikuli, kuna ni munko o maswe o Ni ziba, ki diabulosi. Kacwalo, ha Ni tisa Linzwi le hande, mi yomuñwi uli, “Amen,” fo kikuli, “Ki foo, swala mushimani!” Mi luna—luna luka—lwa i matiseza kwa kota.

212 Kacwalo, lu fumana kuli na ngile tabo. Mwa ziba, Davida, nako yeñwi, na latehisize tabo ya kupili swa kwa hae. Na si ka latehelwa ki puluso ya hae, kono na latehisize tabo ya yona. Na huwile fela kuli, “Mulena, ni kutiseze tabo ya kupili swa kwaka.” Mwabona? Ki tabo!

213 Kacwalo nziye nyana ye ya kala kuca muselo wa tabo wani. “Cwale, mutalime kwanu. Mina sicaba mu tazanga hahulu lilata. Na mi bulelela, ona kulila kwa kaufela, ka kubulela kuli ‘amen,’

ni kuhuwa kwa, boo ki bukuba. Hakuna sika ku zeo.” Mwabona? Taba yapili mwa ziba, muinzi mwa ndu yetuna ya mocari, mwa ziba, kuina fani, kaufela bona ba shwile. Zeñwi za mafula a kuomisa a moba *a bizeza* kuli Tuto, yetezi lituto za litumelo ze se keni ni mwa misinga kaufela koo Moya wa Mulimu uswanela kububa, koo tuto ya kale ya tumelo iselilwe mwani. Ki kabakaleo se ba omelezi ki sikoto se si kangezi ni kushwa. Sipimiso sa moya sa mufutumala, sibonisa kuli ki mwatasa noto ka nainte. Eehe. Yomuñwi uli, “amen,” mutu kaufela wa otolola milala ya hae sina mufuta wa licikwi cwalo, u bata kuziba sene si bulezi cwalo. Ki maswabisa. Mi, Moya wa Mulimu ulukela kuba tabo, kozo, lilato. Kono kokwani ye yakallisa kuca fateni. Ya ca tabo kaufela kufeza.

²¹⁴ Mi, he, muselo o tatama kwa Kota ki kozo, kozo ya munahano, ka kuziba kuli u pilisizwe.

²¹⁵ Ba ku bulelela kuli, “Kihande, cwale, haiba u kona kupeta tuto ya tumelo *yaluna*, u pilisizwe. Haiba u ikopanya kwa keleke *yaka*, u pilisizwe.” “Kihande, cwale,” yo uli, “ha u si ka piliswa haiba uya *kwani*. U lukela kuikopanya kwa keleke *yaluna*, kuli upiliswe. U ni kubulela kuli, ‘Lumela Maria.’ Muna ni kuba ni libizo la mina mwa buka *ye*. Muna ni kuba ni. . .” Oh, mawi! Zeo likona kuzwisa tabo kaufela mwateni. Kono yeo ha ki Kota ya Mulimu; mwa ziba fo muinzi. Yeo ki mazwake, kamita.

²¹⁶ Mwa ziba likande laka ka za mule. Ki ya mazwake. Ha i zibi kuli ndata yona, maa yona, iliñwi ya zona, neli mañi. Mwabona? Ki ya mazwake. Kono, oh, ki mbongolo ya mali sakata, ya ziba ndata yona ni maa yona kuli neli mañi, mwahala masika.

²¹⁷ Mi cwale, Mukreste wa niti luli, ni yena, yana ni Moya o Kenile, wa ziba kuli No wile ka Lizazi la Pentekota. Wa ziba kwa inzi. Wa kona ku latelela masika a hae kukuta, masika a hae, kwa makalelo a ona. Pitrosi nana ni Ona. Kutaha cwalo mwahala naha, kamba masika, ba bile ni Ona, cwalo kushetumuka. Mukreste wa niti wa ziba ko I zwelela.

²¹⁸ Muli, “Kihande, Ni wa Lutheran.” “Huh! Ni wa Presbyterian.” Oh, wena mazwake tuwe! “Kiñi ha u si cwalo? Kiñi ha u si cwalo?”

²¹⁹ “Kihande,” mu li, “ki sikamañi—ki sikamañi seo?” Kupepwa sinca. “Kupepwa sinca, kwa sikamañi?” Ki Moya wa Mulimu.

²²⁰ Kona ha mu si ba mazwake. Mupepilwe ka swanelo. Isiñi ka tuto yeñwi ya keleke, kono ka Moya wa Mulimu. Mulimu upila ku mina.

²²¹ Cwale mulemuhe. Kokwani nyana ye ne ikalile kuca. Kacwalo, a ca kozo kaufela ya ngana, oh, ni kuzwelapili cwalo, ni cwalo, ni cwalo, ni oh, ona cwalo. Ni na ni likepe la yona fa, miselo kaufela, sa na ezize.

222 Mi cwale mutangana nyana yo ato shwa, mi aba nziye. Fani neli kalulo yetatama, neli nziye. Cwale, kana nziye ieza sikamañi? Nziye yecanga matali. Yeo ki niti. Nziye i lwala matali. Se si siilwe ki nziye, ne i siile matali; na cile muselo kaufela kwa Kota. Mi ki sikamañi sene si ezahalile? Nziye ya taha ku to ca, kuca se si siilwe ki nziye. Cwale, ki sikamañi sa na ezize? Ki sikamañi sene iezize nziye ye? Ya sinya matali. Ki afi matali aña? Kusinya kopano ya Bumulumu. Yeo ki niti.

223 “Cwale, ki—ki—ki wa Presbyterian. Haluna kuba ni sa kueza ni yena. Ki wa Nazarene. Ki wa Pentekota. Ki wa *se, sani*, kamba *sesiñwi*. Haluna kuba ni sa kueza ni yena, kakuli ha ki wa sikwata sa luna. Ni na ni mukopano kwanu, wa foliso ya bakuli? Huh! Keleke ya luna mane ha ilumeli mwateni.” Mwabona? Ki fo he cwale. Yena, ki sikamañi sene si ezize nziye yani? A shabaka kwateni kopano kaufela, yeo ki niti, azwisa kopano kaufela.

224 Kopano ki sikamañi? Matali ieza sikamañi? Li utwahala kubatelwa, koo linyunywani li fufanga mwatasa matali, “huh-huh,” za batelwa. Ki yeo kota ya mina hape. “Mi ukaba sina Kota ye calilwe.” Mwabona? Ku lukile. Ko batu bakona kutaha ni kutoina mwatasa kutwano ya Moya o Kenile, ku batile nyana. Mu filikani, mi ha mu zibi se si ezahalile; mi kamba mwa shwa, kamba mu pilisizwe kamba nee. Mi ha mu zibi haiba keleke *ye* ilukile, kamba *yeo* ki niti. Taha fela mwatasa a Kota yena ni matali ku Yona. Ina fafasi fani. U tuhele Moya o zwa kwa Lihalimu u zamaye unzo fuka, sina Moya omutuna wa liñungwa, mwahala matali, mwa ziba, ku zwelapili. Kukala ku . . . Mi ukala kubatelwa hanyinyani.

225 Muli, “Oh, Ni ya ni yo bulelela sikwata sa bapikuluhi baba kenile bani se Ni nahana.”

226 Muine fela fafasi fa nako nyana mi mwa bata. Yeo ki niti. Hamukoni kueza cwalo ku za mina. Kakuli, ki butata mañi? Nziye i li cile kaufela, luli, ica matali kaufela a yona. Cwale, zeo kikuli, zakona fela kuina fande fani mwa lizazi. Kacwalo, mina, hakuna—hakuna kubatelwa mwateni. Ku lukile. Cwale, kacwalo kuna ni . . .

227 Kono mwa ziba se lu lukela kueza. Biblele ibulezi, kuli, “Keleke ye lemuhilwe kale, bana baba lemuhilwe kale ku Mulimu,” (ki sikamañi se ba eza?) “kuina mwa libaka za Mahalimu.” Ki sikamañi seo? Kubatelwa, mbombolelwa, maikuto akuba fa lapa. Amen.

228 Koo mutu kaufela utinile suti ya tuxedo, ni—ni mutu yatatama neku *le*, ni—ni babañwi babona, ba li, “Humph! Talima. Na si ka fumana milili yeinelela. Ku cwalo, hanili u bonahala bumaswe? Mane hana neba mukanjo wakutina fa Paseka wa mañonde.” Cwale, he, zeo, kamba kinto mañi kaufela, kuzwelapili, mwa ziba. Cwani kaufela, mane . . . Eehe. “Liñonde la paseka,” zeo ki za niti, mwabona. Ina kwa mulaho kwani,

ni kuya, “Humph!” Mwabona? “Mane hana nihaiba Paseka. . . Kiñi, kihande, amu mutalime, yona suti ya kale yani na tinanga ñohola! Kihande, ki sikamañi so ziba ka zeo?” Ha u ikutwi hande, foo.

²²⁹ Na bulelela musali yomunyinyani, zazi leliñwi. Musali wa mubotana yani, neli wa keleke yetuna, ye kutekeha kwani. . . Mi ali. . . Wa shwa, ni kansa. Na ilo mu lapelela. Muzwale Roy Roberson fa, alimuñwi wa basepahali, bani lumezi kwani. Mi mutu wateni ali kuina fani, inza shwa kwa kansa. Mi ki hali. . .

Se nili, “Kana wa. . . Kana u Mukreste nji?”

²³⁰ Musali ali, “Muñaka, Ha—Ha ni zibi sa kubulela.” Ali, “Ne niile kwa keleke *yeñwi*.” Mi ali. . . Mi akala kulila.

Se nili, “Ki butata mañi?”

²³¹ Ali, “Ne ni palezwi fela ku tinanga hande.” Ali, “Ne ba ni talima.” Huh! Oh, ki fo he cwale. Mwabona? Mina—mina mu libupiwa ze si ka lukuluha. Mwabona?

²³² Kono Bibeles ibulezi kuli lu lukela ku “kopana hamoho mwa libaka za Mahalimu.” Oh, mawi! Sikamañi? Kaufela za swana. Kiñi, Ni ka mi bulelela se si ka eza. Si ka eza. . . Si ka tisa kuli ya tibile ma obolosi ni ya tinile suti ya tuxedo ba kumbatelane mazoho ni kuipiza kuli muzwale. Luli kukaba cwalo. Ku ka eza kuli wa ndelesi ya kale ya calico akumbatelane mazoho ni ya apezi ya siliki, ya satini ni kubulela kuli, “Kezeli, u cwani kakusasana cwana? Kulumbwe Mulimu!” Yeo ki niti. Ika eza cwalo. Ki tabo, kozo, lilato, tumelo mwa Linzwi, pilutelele, musa, tibebele. Ina mwa libaka za Mahalimu ku Krete Jesu, ubatelwe fa nako nyana. Mwabona? Sani kona sene iezize matali.

²³³ Kono kana nziye ya kale neika eza sikamañi, ki ha taha bukaufi, kuca matali ani, ali, “U wa siemba sa luna kamba ha u wa siemba sa mutu kaufela.” Kacwalo a zwisa ku batelwa kaufela kwa Moya. Mwabona? A itoma ka tuto ya tumelo. Ku lukile. Cwale lu lukela kuzwelapili. Lwakona kuina nako yetelele fa nziye ya kale yani.

²³⁴ Kono kakuli ya bulalu ya sona neli sishenyi. Hmm! Leo ki libizo lelimaswe, ka kukala, sishenyi. Kana sishenyi sieza sikamañi? Si kena mwa likwati. Bwani kona bupilo bwa yona, mwani. Eni, sha. Si kena mwa makwati mi si sinyanya siapalo sa kota. Ki sapalo!

Bulapeli ki sikamañi? Kutina. Sani kona seo linzwi lelili *bulapeli* litalusa, “sapalo.”

²³⁵ Kacwalo, ona sishenyi nyana se, ha se si keni mwahala kopano, ni ku ba beya kaufela mwa litulo zetuna; mi ki hanga kopano kaufela ku bona, mwa mufuta wa nziye; mi cwale si taha ku to nga bulapeli bwabona luli ni kubupa lituto za bulapeli kuzona, luli, kutoma manzwi a sa swaneli a buicemeli. U ikeza

bulapeli bwa hae, ni kunga sikwata sa baana hamoho ni kubeya tuto ya tumelo mwateni. U nga bulapeli luli, ku bu tubula kuzwa kwa Kota ya Mulimu, ona sikwati luli se si na ni mezi ani ku Sona, sa a zwise mwateni. Sishenyi! Kikuli mwabona sikokwani seo naa? Yeo luli ki niti. Zeo zakona ku filikanya, yani neli Rome mwa keleke yapili yani.

²³⁶ Nto yapili, sikwata sa Mapentekota; isiñi likopano za Pentekota. Batili, sha. Sika kaufela se si i kopanyize si shwile. Ni ka si bonisa fela fa muzuzu, ka Mañolo. Mwabona? Kono haiba ki. . .Kono, kutwisiso ya Pentekota, ki ya mañi? Ki ya ba Katolika. Ni bafi hape? Ba Methodist, ba Baptist, ba Presbyterian, mutu kaufela ya bata cwalo. Kono mwa bata, muna ni kubata cwalo. Ha mu ikopanyi ku Lona.

²³⁷ Se ni bile mwa lubasi lwa ba ha Branham ka myaha ye mashumi aketalizoho ni zetalu, mi Nali kuba ni ikopanye kwa lubasi. Kiñi? Ni mu Branham, ka kukala. Ne ni pepilwe nili mu Branham.

²³⁸ Cwalo kona mo lu bezi Bakreste. Isiñi kuli lu tamahani ku sesiñwi; yeo ki kopano. Lu pepilwe, Bakreste, ka kubupiwa sinca ka Moya o Kenile. Mulemuhe cwale.

²³⁹ Cwale, ona sishenyi se sa kalela kupunya kukena mwa sikwati. Ki sikamañi sa na ezize? Akala kunga bulapeli bwa hae, sapalo sa bona, Tuto ya bona kuzwa ku zona. Bulapeli ki tuto, sapalo se si apesa sika kaufela. Ki kabakaleo bulapeli bwa luna bu inzi ka Mali, ona Mali. Bupilo bu mwa Mali kona bo bu apesa Linzwi. Mi Bupilo ki. . .Bu mwa Mali. Mali ki bulapeli, mi Bupilo bo bu mwa Mali kona bo butisa linepo. Kiñi, mwa bona nji? Mwabona?

²⁴⁰ Ha li si ka apeswa ka matali a feiga. Adama ni Eva na likile cwalo nako yeñwi. Kaine na ezize nto yeswana. Kana mu lemuhile cwalo? Kaine atisa bupilo bwa limela, ni yena. Mwabona? Kono ne bu si ka beleka. Ne li si ka beleka ni Adama ni Eva. Mi halina kubeleka kacenu. Mi Mulimu hana li hanile kwa simuluho, li hanilwe kuisa Kuyakuile. Lituto za ipangezi mutu ni mihupulo halina ku linga.

²⁴¹ Ki Linzwi la Mulimu, lina ni kueza cwalo. Mi Linzwi ki ka Mali, sitabelo sa Kreste. Yeo ki niti.

²⁴² “Sicaba,” sina muzwale ha bulezi kakusasana cwana kuli, “kuhoha mezi.” Kihande, mwa ziba, kuna ni limapo ze naintini ze shutana mwa naha kacenu, likopano ze shutana zeo lisweli, mi nakona kubulela kuli, “Ki mapo ya makalelo, yanali mwa mazoho a Hae.” Ki sikamañi seo, kambe ki sona? Ne ni sike na tabela kueza sika ka sona. Luli.

²⁴³ Mulimu na si ka siya sika kaufela sa kulki batu bakate mwa mubu ka lituto ni lisupo zeñwi. Na lumile Moya o Kenile, Sesiñwi sesipila, se si sa koni ku sinyiwa. Kana mapo ikona kunitusa sikamañi? Kana sifapano sapili fa Na pahekilwe neli sikamañi,

ne si ka ni eza bunde mañi? Hakuna neba hanyinyani. Isiñi kuziba mapo, kuziba sifapahano, kono, “Ku Mu ziba yena kona Bupilo.” Mwabona?

²⁴⁴ Cwale, lusweli kwa limapo, luswalelezi kwa litaba za kale za batu, mi luswalelezi kwa libaka. Mi kacenu batu ba nanuha ni ku shetumuka, mwa munzi wa Jerusalema, mi—mi kaufela mwa libaka zeshutana fahalimu ni fafasi, ni kuswalelela kwa litaba za batu za kale. Zeo halina sa kueza ni zona, hakuna sika. Taba yateni i nyazizwe, kubola, ni kuzwelapili ona cwalo.

²⁴⁵ Ne ni ile kwa keleke mwa—mwa Rome. Kwani koo bona—bona, baprisita ba kaufela bene ba shwa, ba li cala mwa simu, mwatasi mwani, mi nama iwele kwa masapo. Mi—mi he ba zwisa masapo ni kueza zeñwi za liseli, ni kubeya fateni tutendele twabona. Mi batu inge bataha mwahali mwani, kipeto ba swala fa tutendele twani, kuli ba amuhele limbuyoti, kufitela tutendele tuba totusweu ni kuyebauha. Hamunze muya mwa muyaho wa Saint Peter’s Cathedraw kwani muyaho wa litapelo, liutu la Pitrosi, ba bulela kuli kwani, ki siswaniso, u tubetile, linako ze naini kamba lishumi ka ze shutana; una ni kubupa lihutu leliñwi ku ona. Bukuba bo bu cwalo! Kuakaleza, kona fela mo kuinezi, lituto za litumelo za lituto za ipangezi mutu.

²⁴⁶ Mulimu u lumile Moya o Kenile, Bupilo bwa Mulimu, kuba ku wena, isiñi mwa siswaniso. Ki wena mutangana yo Mulimu abata kupila ku yena; isiñi mwa siswaniso, kono ku wena. Batu ba biza kuli, “libupiwa ze kenile.” Hakuna libupiwa ze kenile. Wena u sibupiwa se si kenile sa Mulimu. Bibebe ibulezi ona cwalo. Yeo ki niti. “Mubili kona o Ni lukiselize.”

²⁴⁷ Cwale, mutangana nyana yo akala kusinya. Kubulaya sikamañi? Nziye ya kena mwa makwati. Mutalime sene i ezize. Ya kala kusinya makwati. Ki sikamañi sene i ezize? Ne i ezize keleke ya nama kwa Keleke ya moya. Eeni, sha. Ne si ngile za niti ni ku ufa za buhata. Cwale, muhupule. Litali. . .

²⁴⁸ Muselo, nziye ya ca. Litali, nziye ya ca. Cwale, likwati, sapalo, bulapeli, yona Tuto; Tuto, nziye ya icela.

²⁴⁹ Kana tuto yapili yani neizwa kai, kwanda Bibebe? Mina baituti ba kale, mwa ziba ko izwelezi. Kuzwa kwa Rome, ona cwalo fela kone i kalezi, ba kala kuamuhela lituto za litumelo.

²⁵⁰ Cwalo kona Irenaeus, Muhalalehi Martin, Polycarp, kaufela bona. . . kasamulaho wa lifu la Joani. Ka ku toloka Linzwi la Mulimu, nali kwande fa sooli sa Patmosi. Ne ba mu cisa ka mafula ka liholo ze twenti-foo, ba mu kutisa, mi na sa ñola Bibebe. Mulimu na itamile kuli Bibebe ye ika ñolwa. Leo kona Linzwi la Mulimu. Halukoni ku zusa ku Yona kamba ku ekeza ku Yona. Ki ku inelela fela ona mo Li inezi, lona Linzwi.

²⁵¹ Mulemuhe hane ba kutile, fani balumeli ba Mulimu bani hane balika kuswala Linzwi lani, Rome ya taha mwateni, ni kuamuhela lituto za litumelo, mwa sibaka sateni. Cwale ha lu

boneñi fela sa na ezize, zeñwi za lituto za hae za buhata, sa na ezize.

252 Kolobezo ya mezi. Kone ba lumilwe. . . Pitrosi naize, ka Lizazi la Pentekota, mwatasa susumezo ya Moya o Kenile, lona Linzwi la Mulimu, “Mubake, mutu ni mutu wa ku mina, mi mu kolobezwe ka Libizo la Jesu Kreste ka swalelo ya libi za mina.”

253 Ki sikamañi seneiezize Rome ka sona? Ba li fetaula, mi bali, “Mu kolobezwe ka libizo la ‘Ndate, Mwana, Moya o Kenile,’” ku i eza kuba tuto ya tumelo, isiñi Tuto ya Bibe. Ki sikamañi sa na ezize? Sani kona sishenyi, sa ca. “Kufafaleza,” mwa sibaka sa kunwelisa, “ka libizo la Ndate. . .”

254 “Ndate, Mwana, Moya o Kenile” ha ki libizo. Hakuna sika se si cwalo. “Ndate” ha ki libizo, “Mwana” ha ki libizo, ni “Moya o Kenile” ha ki libizo.

255 Fani Jesu hana ize, “Mu ba kolobezwe ka Libizo la Ndate, Mwana, Moya o Kenile,” ki, “yena Mulena Jesu Kreste.” Ona cwalo fela Pitrosi ni babañwi mo ne ba ezelize, ni bona kaufela, mañi ni mañi mwa Bibe, mo ne kuinezi. Nekusina mutu. . .

256 Ni swabisa kuli muti tiseze siemba silisiñwi sa Mañolo, kamba siemba silisiñwi sa litaba za kale, koo muti ufi kaufela akile a kolobezwa ka nzila isili kwanda Libizo la “Jesu Kreste,” kufitela keleke ya Katolika ya Roma. Mueze cwalo. Mi muhupule, tepu ye iya mwa lifasi kaufela. Uh-huh. Ni bulukile kopano ya bakutazi, ni mianda anda ya bona, ni mabishopu ni babañwi kaufela, muli, “Aku yeme, kamba utahe kwanu ni Bibe ya hao, kamba u kuze kuyakuile.” Ba kuza kufitela ba taha bukaufi ni wena, mi kipeto ba kala kuambola za hao; isiñi ona bundume luli bwa kuyema ni kutalima kwa sifateho sa hao, buiswalo bo bu zibahala bwa kuyema ni ku kubulelela a kutalimile kwa sifateho. Ba saba kueza cwalo. Ba ziba kuli ku fosahalile. Kono sani kona se ne ikalile kuca nziye yani, mwabona, kuca ona Nto yaluli yani.

257 Cwale, mu li, “Ha ki za butokwa. Eehe. Nzila ifi kaufela ye Ni kolobezwa ka yona ki yende.” Kana ku cwalo? [Kopano ili, “Batili.”—Mu.]

258 Paulusi naize, Likezo 19, fani, “Yena, Paulusi, na fitile mwa libaka ze lumbile za Efese.” Bibe ibulezi kuli, “U fumani balutiwa babañwi.” Bani ki balateleli. Apollos, mukutazi wa Baptist, mwatasa Joani Mukolobezwi, na ba luta Linzwi. Mi nebana ni tabo yetuna. Mi Paulusi naile fela ku yo ba bona, mi ki hali, “Kana mu amuhezi Moya o Kenile nako ye mu lumela?”

“Oh,” ba li, “Ni mulumeli.”

259 “Kono zeo ha ki zona ze Ni buza. Kana mu amuhezi Moya o Kenile nako ye mu lumela?”

Se bali, “Ha lu zibi kuli kuna ni Moya o Kenile kamba nee.”

260 Ki hali, “Cwale ne mu kolobelizwe ka ifi?” Mwabona? Ka linzwi lelinwi, “Ne mu kolobelizwe cwani?”

Se bali, “Lu kolobelizwe.”

Ali, “Cwani?”

261 Ki hali, “Mwatasa Joani,” ki hali, “yena muuna yaswana yana kolobelize Jesu. Kana zeo ne li si ke za ba hande?”

262 Paulusi ali, “Batili. Isini cwale. Batili.” Ali, “U lukela ku kolobezwa, sinca hape.” Mi Paulusi a ba kolobezwa, sinca hape, ka Libizo la Mulena Jesu Krete. Aba beya mazoho, mi Moya o Kenile wa taha ku bona.

263 Mi Paulusi ali, “Haiba Lingeloi lelizwa kwa Lihaliimu,” lu sa buleli mukutazi he; “haiba Lingeloi,” lu sa buleli yona nziye ye, uh-huh; “haiba Lingeloi lelizwa kwa Lihaliimu li kutaza nto isili fela kufita Ye, ku mina, yo abe anatema.” Yeo ki niti.

264 Kacwalo mwabona mo ne si bezi, ki nziye yene cile. Ne li cile kolobezo ya mezi ka Libizo la Jesu Krete.

265 Nto yetatama yene ba ezize ma nziye, ya zwise kolobezo ya Moya o Kenile. Kakuli, ibile fela ukaba ni Moya o Kenile wani, Uka monyeha fa Linzwi lani, ibile fela mu ka eza cwalo. Kacwalo nebana ni ku—ku li eza ka kushutana.

266 Cwale, munahane fela kuli ki ma Lutheran babakai, Baipanguli, ki Makatolika babakai, kakusasana cwana, bene ba pakilwe, mo ne ba li bizeza, kunga mulalelo wapili. Mi ba biza kuli “Silalu se si Kenile,” ili kutalusa kuli, ki linzwi la si Latin, “Moya o Kenile.” Kana mukile mwabona mu Katolika ha fita kwa keleke ni kukena kuyena ona *cwalo*? Kiini? “Ki Mulimu mwa keleke yani.” Mulimu ki sikamañi? “Siemba nyana sani sa sinkwa.” Siemba nyana sa sinkwa sani, se si likanelela, se si ezizwe inge mulimu wa lizazi yo ba lapela, kubeiwa fa katala foo lipeba ni mafele libapalela, busihu kaufela. Yani ha ki Mulimu wa ka, Ni ka mi bulelela cwale. “Mulalelo wa pili, kupakiwa kwa keleke.” Bukuba.

267 Kono sani kona sene ba ezize. Sani kona sene ba ezize ba nziye. Ne si lwezi Moya ni ku ba fa kaemba ka sinkwa, sinkwa sesiñwi seo muprisita yomuñwi na ezize, kamba musali wa milapelo yomuñwi, kamba sesiñwi. Sani kona sene ba ezize. Yani ki niti luli. Amuye, mubuze cwale. Mukute, mutalime kwa mulaho mwa litaba za kale, mi mubone haiba ha li si ka luka. Mi u lumeleza nto yeo kukena mwa mumizo wa hao? Isini fela Makatolika bani, kono mina Baipanguli, buñata bwa mina, nto yeswana. Ku lukile. Ki zeo ze ba ezize. Ku lukile.

268 Mi cwale Baipanguli, mwa sibaka sa kuba ni Moya o Kenile, mwa ziba se ba eza? Ba taha ku to ikopanya, ku to swalana mwa mazoho. Nekusina mutu ya na taha mwa mukwakwa ni ku to swalana mwa lizoho, Lizazi la Pentekota ha li taha. “Kono kwa zwa kwa Lihaliimu mulumo wa Moya omutuna wa linungwa, ono

ti lo tala ndu kaufela mo ne bainzi,” yeo ki niti, wataha mwa matali a likota ani, kuto suluhela kwa makwati. Yeo ki niti.

269 Cwale, cwale, mwa sibaka sa Kupepwa sinca kwa na bulezi Jesu kuli, mutu ulukela kupepwa sinca, ba añula kuikopanya kwa keleke ya bona, “Mutahe mu ikopanye.” Mwa sibaka sa Linzwi, nziye ya bafa tuto ya tumelo. Kana ha mu boni nji? Mutalime fa sa sweli kueza. U sweli kufa za nama ku za moya. Kana mwa libona nji?

270 Cwale amutalime. Cwale, luna, lu—lu fa mukoloko wa Katolika moo, kono kana mwa ziba kuli zeo litaha cwalo ni kwa Baipanguli hape? Ki kai ko lu na ni ponahazo ya Moya o Kenile mwa likeleke za Baipanguli kacenu? Ki kai ko lubezi ni likezo za Pentekota mwahala Baipanguli? Ha luna zona. Muna ni yona mwahala ma Lutheran? Haiba mueza cwalo, Ni bata kuya kwateni. Ni bata kuya kwani ku yo ca fela ni kuba ni nako yende. Presbyterian? Kikai—kikai kwani—kikai kwani? Mwabona? Mu ikungezi sika sa nama.

271 Ni libelezi kufunduka, mi mwa ziba cwalo. Mwabona? Musike mwa tuhela kuli zeo li zwe mwa pilu za mina.

272 Musike mwa nga za nama. Leo ki lifu. Mutu wa nama yo ki lifu. Sika kaufela se si ezahala, ki lifu. Ki tamehile kuba fa ni ku ya kwa lifu. “Ki Moya o tisa bupilo,” mwabona, ona Moya o fa Bupilo, kona ofa bupilo. Ki Moya.

273 Kacwalo, mwa bona, ne ba ngile. . . Mutalime sene ba ezize. Banga kolobezo ya mezi, ku zwa ku “Jesu Kreste,” kutaha ku “Ndate, Mwana, Moya o Kenile,” lilumbatina, ili mane hakuna Libizo ni lelikana.

274 Cwale, mu li, “Ki shutano mañi ye liteni?” Ku lukile. Cwale, haiba mu ka fa. . .

275 Kuna ni ya ka kufa tifo ya hao, la Pelekelo, ki—ki—ki muuna ya ku lifa. Kufita kuli abeye libizo la hae fateni, abulele fela kuli, “Kuzwa—kuzwa ku ‘Mulena hao.’” Kona cwalo. . . Pampili ya hao ya tifo, fela, “Ulifé John Doe, ki madollar a mwanda ni mashumi aketalizoho, kwa musebezi wa biki ye. Kuzwa ku, ‘Mulena hae.’” U ñolele cwalo, ku ba panga, mi ubone mo ba ka ihanela. Ehe. Eeh. Eni, sha. Luli ika haniwa. Kiniti.

276 Haiba ha si pangi shutano, ki kabakalañi Paulusi hana ba laezi Bakreste bani, ku lumba Mulimu ni kuba ni tabo yeñata, ni kuba ni lika zetuna ze ne ezahala kulo kwani, kiñi za na ba bulelezi, “Mu lukela kukuta mi mu kolobezwe, sinca hape, ka Libizo la Jesu Kreste”? Mwabona? Munge Linzwi, mubulele, muine fela ni Lona. Musike mwa bulela nto ye shutana. Mubulele fela se Li bulela. Mwabona? Sani kona se lu ka atulwa ka sona.

277 Cwale amutalime. Kona ze ne ba ezize. Mwa sibaka sa Kupepwa sinca, bana ni kuikopanya. Mwa sibaka sa kubulela Linzwi, bana ni tuto ya tumelo. Mu ni bonise mwa Bibe ko

ne ba bulezi kuli “Lumela Maria.” Amuni bonise mwa Bibebe koo mina Baipanguli mukile mwa peta Tumelo ya Baapositola. Mu ni bulelele Tuto ya Baapositola seo ili sona, mwa Bibebe, “Sebelezo ya bafu.” Ne ba li lwanisa. Mu ni bulelele mwa Bibebe ko bakile baba ni kolobezo ya “Ndate, Mwana, ni kolobezo ya Moya o Kenile” hamoho cwalo. Ha i yo shangwe. Kono ibo kona ze mutabela. Huh?

²⁷⁸ Cwale, cwale, mwa sibaka sa kopano ni sizwale mwahala mizwale, ba bafa mundandwe wa litulo, pope. Mi muna ni bishopu, ya mi bulelele se mukona kueza ni se mu sa koni kueza. Mi mina ba Pentekota muna ni mutoneli wa sikiliti ya mi bulelele wa kulumeleza mwahala mina. Kono Keleke ina ni Kreste. Mwabona?

²⁷⁹ Fani kona fo mutaha. Mwabona? Ba mifa lituto za litumelo zani ni lika za ipangezi mutu, mwa sibaka, ku Li zwisa. Kana nziye yani iezize sikamañi? I Li zwisize kwa Kota kaufela, ni ku mifa se. “Ni ka tulukisa sani kwa Kota, mi Ni ka kufa se, mwa sibaka sateni. Ni ka zwisa *Sani* kwateni, ni ku mifa se.” Mwabona fo mufitile?

Mu li, “Kulukile, Muzwale Branham!”

²⁸⁰ Kana ki kai koo mutu kaufela, kikai koo keleke ya Pentekota, neizwelezi? Katolika. Kona Sinulo 13, kamba Sinulo 17, ibulezi kuli uka eza cwalo. Ali, “Na li lihule, mi nali *mahé mahule*,” nto yeswana. Kacwalo musike. . . Poto haikoni kubiza ketele bunsu, mwa ziba, kacwalo musike. Seo fela. . . Musike mwa eza cwalo. Kacwalo, sani, yani ki niti.

²⁸¹ Sizwale; kuzwisa sizwale. Kanti, lu lukela kuba mizwale, yomuñwi ni yomuñwi. Ne li lu kauhanya ni ku lu shutanisa. Ku lukile.

²⁸² Cwale amutalime. Ki ye yende. Ni ka nga ye, mi Ni ka tuhela, ku zeñwi zee. Mutalime.

²⁸³ Bibebe ya lu bulelele, ha se lu ezize mafosisa, kuli lu tapise mioyo ya luna ka Moya o Kenile. Kubama, lumeleza Moya o Kenile u lu patululele kuli u fosize, ni kuinelela ona fani fapila Hae kufitela u shwa, inge musulula mioyo ya mina.

²⁸⁴ Cwale, ba sikuluhile, ni ku mifa sibaka sa limbo. Ha se u shwile, kipeto muprisita uba ni masheleñi amañata, kuli aku lapele kuzwa mwa limbo. Kiñi, ki bukuba! Kona se i ezize nziye. Luli. “Ku ku lapelele kuzwa mwa limbo. Kwa tokwahala madollar *amañata* hahulu fa kuzwisa moyo wo mwa sibaka sa limbo.” Ni bata kuli nihaiba kufumana “limbo” mwa Bibebe, sika kaufela se si cwalo. Hakuna sika se si cwalo mwa Bibebe. Batili, sha. Kono ba bafa limbo, mwabona, bona, ha se mu shwile. Oh, eeni, Na ziba.

²⁸⁵ Bona—bona—bona bali, “Luli!” Mwa ba utwa ha bali, “Kihande, Muhalalehi Boniface ubulezi sa *kuli-ni-kuli*.” Hanina

taba kamba Muhalalehi Boniface na bulezi sikamañi. “Kihande, hanili wa *Kuli-ni-kuli* ubulezi kuli yena, na lapelezi muuna hae, kezeli yomutuna yani, Muhalalehi wa *Kuli-ni-kuli*?” Hanina taba ka sa na ezize.

²⁸⁶ Ki linzwi le li utwahala kapelezo. Ki le li lwanisa baaPOSITOLA baba kapelezo. Mulimu na file ba aPOSITOLA bani, kuli ba lukise Keleke, mi I yahilwe fa Tuto ya baaPOSITOLA, isiñi ku Muhalalehi Boniface kamba muhalalehi yomuñwi cwalo. Za shutana ni Linzwi. Hanina taba kamba Muhalalehi Boniface na bulezi sikamañi, ni se ba kenile babañwi, ni baba kenile babañwi, ni Muhalalehi Susie, ni Muhalalehi Maria, bao kaufela ba baba bulezi. Bali ki bukuba. Zeo mane ha li fiti buhata bobuñwi. Haiba za shutana kwa Linzwi la Mulimu, ki buhata. Ha ni lumeli manzwi a niti.

²⁸⁷ Kona libaka ha Ni sa lumeli lituto za litumelo za Baipanguli ze ni lika zeñwi. Ki Katolika ku—ku ya feleza mukwazo. Ki lituto za litumelo. Ukona cwani kubiza Makatolika, ni kuba ni lisheha ka kuba ni lituto za bulapeli, kanti u tezi fela zona, wena kasibili? Ha ki zeñata hahulu fa, kono se siteni fa tepu, mwa utwisisa, mwabona, si ya mwa lifasi kaufela. Mulemuhe. Mukona ku ba biza cwani kuli ba fosahalile, kanti mina munga lituto za litumelo za batu ze lwanisana ni Bibe, lituto za litumelo, ka kuswana fela mo ne ba ezelize? Kiñi? U mwa kopano ya kuli mwana musizana wa lihule la kale. Lihule ki sikamañi? Musali ya pila ka ku sa sepahala ku muuna hae. Uipapata kuba keleke ya Bukreste, ni kufa tuto ye fosahalile, lika za hae fela, mwa sibaka sa kunga Linzwi le li Kenile la Mulimu.

²⁸⁸ Inge fela Eva mwa na ezelize, kuteeleza ku—ku diabulosi, ni kutisa lifu kaufela ni maswabi akile ahata fa lifasi. Kutaha ka Eva, kakuli na ezize buhule bwa moya ka kushutana ni Mulimu, ka ku sa lumela Linzwi la Hae.

²⁸⁹ Mi ona cwalo kona mo li ezeza likeleke kacenu, kueza buhule bwa moya kushutana ni Linzwi la Mulimu. Mi mane habana nihaiba kuba ni mina mwa keleke haiba ha mu lumelani ni tuto ya bona.

²⁹⁰ Kihande, ba ni nyatela mañolo, “Haiba mu ka lumela ku se, mi haiba mu ka bulela kuli se si lukile, mi mu ka . . .”

²⁹¹ Se nili, “Ha nina kutaha fela.” Batili, sha. Ni ka kutaza fela se ibulela Bibe ye, kamba batili kutokwa. Mwabona? Yeo ki niti.

²⁹² Muine fa Linzwi lani. Sani kona se lu lukela kueza, mizwale. Muine fela ona foo. Cwale se lu fita kwa mazazi a maungulo, mi lwa ziba cwalo. Hola i fitile.

²⁹³ Mo lukona kubulelela! Oh, ba bulela se, sani, ni sesiñwi. Kono sika kaufela se si sina niti, musike mwa si lumela. Hanina taba kamba ki mañi ya si bulezi. Haiba kuna ni mutu!

Fa, kezeli natile kuna, ha ki kale hahulu. Mi ali . . .

294 Ki—ki sikwata sesiñwi sa baana sene Ni kutalize ku sona, bakutazi, ka za kolobezo ka Libizo la Jesu Krete, koo mianda yemilalu ni nto yeñwi, bakutazi. . . Batu babañata bateni mo nebali mwa mukopano, koo katengo kaufela ka bakutazi ka kabizwa Chicago Ministerial Association ne ba ni katani. Mulena ani fa pono, a ni bulelela ko ne likabela ni sene si ka ezahala. Mi Na fetuha ona fani, ni kubulela. Luna ni tepu fa haiba mubata ku i teezeza. Mwabona? Mi Na. . . Mabishopu kaufela, ni madokota, ni baika ba za bulapeli, ni babañwi kaufela, baina fani.

295 Se nili, “Ufi wa mina kaufela yakona ku li nyaza, unge Bibe le ya hao mi utahe kwanu.” Se nili, “Ki sikamañi se mu kuzeza hahulu cwalo?” Mi nekusina mutu yana bulele sika. Mi kiñi? Mwabona, ba saba Linzwi lani. Na li, “Cwale, haiba hamukoni, kiñi ze mu ni bizeza? Mu kuze. Amuzwe, mueze nto isili. Mi haiba ha mu koni ku li yemela ka Linzwi, konakuli muine mukuzize.”

296 Kacwalo, he, ona sikwata sa baana sani sa luma kalibe kwani, ali, “Muzwale Branham, haiba Lingeloi la Mulena li ku bulelezi.” Lingeloi la Mulena, mwa ziba, siswaniso sa Hae—Hae siteni, mwa bona. “Haiba Lingeloi la Mulena li ku bulelezi Cwalo, kihande, lu ka Li lumela.”

297 Se nili, “Mutu kaufela, kuli sikwata sa bakutazi sani ne si ka fokola cwalo, ‘Haiba Lingeloi la Mulena ne li bulezi.’ Haiba Lingeloi lani li bulele nto ye shutana ni Linzwi le, halina kuba Lingeloi la Mulena.”

298 Lingeloi la Mulena li ka paka Linzwi. Sani kona sa Na ezize kamita mwahala lusika kaufela. U sa eza lika ze swana. U pila ni Linzwi. Mi mukutazi kaufela ya tozizwe ka Moya o Kenile uka ina ka Linzwi leliswana, kakuli Bibe le ibulezi kuli Bibe le kaufela ne i ñozwi ka Moya o Kenile.

299 Mi cwale ukona cwani kuba ni Moya o Kenile ni kulatula se ibulele Bibe le? Ona moyo oli ku mina, wa paka kuli ha u si ka luka. Mwabona? Nziye i sweli kuca, ku felile, uh—huh, kuca lika za niti za Mulimu. Eeni, sha. Ha ki linzwi la niti le li shutana kwa Tuto ya baapositola. Oh, mawi!

300 Ye ki Tuto ya baapositola. Ye ki Bibe le. Wo ki Moya o Kenile. Linzwi kaufela ku Yona ki niti. Mu lumele fela ni ku Li amuhela, mi musike mwa li amuhela, mi mutalime sepiso kaufela italelezwe, ponahazo ya Mulimu onafa cwale.

301 Haiba Ha yo sina Mulimu ka buñata cwale sina mwa Na inezi fani bana ba Isilaele hane ba silile Liwate Lelifubelu, Na si ke kuba Mulimu. Haiba ha ki Mulimu ya swana yana tulukile la Pentekota kuli Uteni mo, kacenu, Ha ki Mulimu ya swana. Kona kuli, nekusina zuho, haiba Na si cwalo, haiba Na. . . Oh, ki bunde mañi bo Mulimu wa kale aka ku ezeza, haiba Ha ki Mulimu ya swana kacenu? Mwabona? Ki bunde mañi bo bu liteni fa kuluma bakutazi kwa mikopano ya bulapeli, ni ku ba ndondola sina

likuhu ze futumala fela, ni kupotoloha cwalo, haiba hakuna sika se si cwalo sa kuli Mulimu?

302 Ki sikamañi se mueza, ha mu zwisa Linzwi la Mulimu? Kana bulena bwa mina bu kai? Mu li, “Ki keleke.” Keleke, kuna ni likopano ze naini handeleti ni sikisite naini ze shutana za zona. Ki ifi yazona ye lukile? Hakuna mutu ya kona kuziba sa kueza. Mu ka lyangana. Yeo ki niti. Kono Mulimu hana ku atula sicaba ka keleke.

303 Uka ba atula ka Kreste, mi Kreste ki Linzwi. Bibebe ibulezi kuli, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama, mi a to yaha ku luna.” U ka atula keleke ni sicaba ka Linzwi, yeo ki niti, ki le li pila, Linzwi le li zuhile.

304 Mi cwale haiba linzwi le li pila lani, linzwi le li zuhile li bulela nto ye shutana kwa Linzwi le *fa*, konakuli ha ki linzwi le li zuhile, linzwi le li zuhile. Kakuli, Se, Si ka ba ni bupaki bwa Niti ye. Hakoni kubulela nto yeñwi *fa*, ni nto isili fela *fa*.

305 Na kona kubulela nto yeñwi *fa*, ni nto yeñwi kulo *kwani*, kakuli Ni mutu. Mwa kona, ni mina. Mwakona kuba ni zibo yeñata ni kutwisiso.

306 Kono, isiñi Mulimu; Yena ha palelwi. Mwabona? Una ni. . . Keto yapili, taba ya Hae yapili Ya bulela, ina ni kuyema Kuyakuile. Ki nto yeswana. Hakoni kubulela nto iliñwi *fa*, ni nto yeñwi *fa*. Una ni kubulela nto yeswana ka nako kaufela, ili kuli abe Mulimu.

307 Kacwalo haiba Moya u ku wena, ki wa Mulimu, uka paka Linzwi *le* kuli ki la Niti, Linzwi kaufela la Yona. Mi Ki nto yeswana maabani, kacenu, ni kuyakuile. Sani kona se i bulela Bibebe. Eeni, sha. Ku lukile.

Cwale, ha lu akufeni ni kunga kalulo yetatama ya sikokwani sesimu.

308 Pili, nali nziye. Ki sikamañi sa na cile kwa Kota ya Mulimu? Muselo.

309 Kalulo yetatama ya na tile; na shwezi mwa kalulo yani, ni kutaha mwa kalulo yeñwi. Ki sikamañi sa na ezize cwale? Na tile mwa nako ye sina nziye. Na cile matali kaufela. Wani kona mukwa wa nziye.

310 Cwale, ki sikamañi se si tatama sa na ezize? Na kutile mwa sibaka sesiñwi, kakuba nziye, mi akena mwa makwati.

311 Cwale, ki seo sa taha sina si-. . . sina nziye, kalulo ya bune ya sona, cwale ki nziye. Ki nziye ye cwani? Ki ye puka mulo; i anya Bupilo, ona Moya, ona Bupilo. Kona sa ezanga, uya kuyopunya ni fafasi, kuswala mezi, ni kukala ku anya. Nziye, ki yeo *fa*. Lu ka mubiza kuli mañi? Kopano. Leo kona libizo la mucaha yani. Kiñi? Ki sisinyi; u anya Bupilo.

312 Nako kaufela yeo Mulimu aluma muzamao mwahala sicaba sa Hae, ka nako kaufela, mi ba ikongakonga, ona fani ba shwa. Ni bata mutu ya ziba litaba za kale za keleke, yakona kunyaza zeo. Mu ni bonise nako yeñwi fo kopano ikile ya ongaongiwa, kuli neisika shwela ona fani. Nziye ya swala ni kupukutisa, ya zwisa bulapeli bwayona kwateni. Mi cwale lituhela la shohela mi . . . sa anya Bupilo bone buli mwa kota mwani.

313 Neli Bupilo bwa mufuta mañi bone buli ku Lona? Moya o Kenile. Ne bu ezize sikamañi? Ne isike ya beya Moya o Kenile mwateni mi izwelepili kuba ni lituto za litumelo. Moya o Kenile no si ke wa li yemela. Kacwalo si lwala Kukena, Bupilo kuzwa mwa Kota, ni ku ifa tuto ya tumelo, kueza kopano. “Haluna taba ka se Si bulela. Kopano ya luna ibulela se.” Ki fo he cwale. Muhupule, kasamulaho limana ku ikongakonga, kamita za shwanga, mi halisana kuzuha hape.

314 Kopano yapili neli Katolika; ne i shwile ona fani. Kakuli, neli lituto za litumelo, ka kukala.

315 Kuzwa mwani kwa taha kuongaongiwa kwapili, neli Luther, yana ongaongilwe ni kushwa.

Ya tatama kwa taha Wesley; ya to ongaonga, ya shwa.

Se sitatama kwataha Pentekota; ya to ikongakonga mi ya shwa.

316 Presbyterian, Lutheran, ni babañwi bani kaufela, ni ba—ni ba Nazarene, Pilgrim Holiness, ni likopano ze kaufela ze ne latelela cwalo, yeñwi ni yeñwi ya shwa. Mu li talime. Kiñi? Ba ongaonga, ni ku ba bulaya. Ki sikamañi se ba ezize? Ba kenya mwateni lituto za litumelo ze.

317 Mina ba Nazarene, mu babande, keleke yetatama kwa—kwa kutaha kwa Pentekota. Neli sikamañi sani? Mwa lumela mwa kukeniswa, kono ha li fita fa limpo za Moya, kubulela ka malimi ni mata amatuna a Mulimu, mu Li biza kuli “mioya,” mi ki fo mushwezi foo. Yeo ki niti. U inezi kai kacenu? Ushwile. Oh, una ni mamembala babañata, kono ukai kana? Ki situpu.

318 Ne ni muboni, busihu bobuñwi, yeo ki niti, taba yatani kaufela. Mulisana wa bona, inza lobezi fahalimu, kutubeta situpu, na lobezi ni situpu ka butanya. Ali, “Habana nako ni yekana, nihakuli cwalo. Ze ki zona kufelile.” Kacwalo, Ni ka mifa yona, nako yeñwi, fa tepu. Mwabona? Ku lukile.

319 Mulimu na cezi Kota ya Hae, kuli ibe miselo ya moya, miselo ya Moya. Kana ku cwalo? Kono ki sikamañi sa na ezize mutu? Mutu kamita na lika ku Li panga kuba za buhata. Na ezize cwalo, kwa mulaho kwani; wa eza cwale. Cwale, se, ha lu ezeñi katata cwale, mi kapili. Mutu kamita u likile kunga Keleke ya moya ni ku i eza kuba fela za buhata.

320 Luther nana ni Keleke ya moya. Ki sikamañi sene si ezahalile? Ona fani fela Luther hana shwile, neba ipanga kuba mufuta, wa saluluti.

321 Ki sikamañi sa na ezize Wesley? John Wesley, muuna yomutuna wa Mulimu! Ki mañi yana ka bulela kuli John Wesley na si muuna wa Mulimu? Ki sikamañi sa na ezize? Ona fani fela yena ni Joani ni Charles ha ba shwa, ba ikongakonga. Ha na ezize cwalo, a shwa. Kiniti.

322 Ki nto yeswana mwahala lusika, nako kaufela, ku mañi ni mañi. Ba ipangela liapalo za kuikezeza, misebezi yeminde, kopano yetuna, batu babakwala hahulu. “Mubapali wa muleneñi ubata ku ikopanya ku luna.”

323 Ona zeo kona ze ezahalile ku mina sikwata sa Mapentekota hape. Luli kiniti. Mu—mu wiselize miambeso fafasi. Mu zwile mwa Moya. Ne mu bata miyaho yemituna, ni mikabo yeminde, ni lika kaufela ze cwalo, mi muna ni balisana baba zibahala. Mu eza sikamañi? Mina bahame ne muluma bashimani bamina kwa likolo za bibeze ze kwanu, kuli ba be balisana. Ki sikamañi se ne ba ilo ba luta? Lituto za bulapeli ni lika za ipangezi mutu. Mi li kai kacenu? Ba yo kuta, sikwata sa ma Ricky ni bo Elvis. Yeo luli ki niti. Ki sikamañi se munani kacenu? Sikwata sa zesina tuso, “Mufuta wa bulapeli.”

324 Bibeze ibulezi kuli, “Mwa mazazi a maungulo ba kaba ni mufuta wa bulapeli, kono ba ka latula se si eza Mata ateni, Bupilo bwatani.” Kiñi? Nziye i Bu anyize mwatani kaufela. Kiniti. Kopano i Bu ngile mwatani kaufela. Timotea Wapili 3, Paulusi naize, “Haoe uzibe kuli, mwa mazazi a maungulo, kuli linako ze sabisa li ka taha. Batu ikaba baitati, bainuneki, ni ku ikuhumusa, ikaba banyefuli, baba sa utwi bashemi ba bona, ba ba sina buitumelo, ikaba matanya, ba basina lilato la taho, babasina buiswalo, ba ba toya batu babande, baba sina kutwano, bainuneki, babana ni mubonahalelo wa bulapeli, kono ba ka latula se si eza Mata abona.” Nziye i anyize mwatani kaufela. Sishenyi si keni mwatani, kale kale. Lu ka mi tiseza Kota yani, kaufela yona, fa nako nyana fela, haiba Mulena alata.

325 “Sibaka se situna hahulu.” Oh, luli. “Kihande, mwa ziba, keleke yaluna ya ñohola ne ina ni babañata hahulu.” Oh, luli.

326 Ba Katolika ba ku natile ka limaili ze milioni. Luli ne ba ezize cwalo. Ne li izo ba hahulu mwa Russia kufitela ba limatisa ni kulibeya kwande, bakalisa za swalisano. Ne ba ezize nto yeswana mwa Mexico. Mi ba lukela kuezwa cwalo mwahala lifasi kaufela, ko bainzi. Yeo ki niti.

327 Musike mwa saba swalisano. Swalisano ki muzamao osina Mulimu. Kono mu utwa babañwi ba bakutazi baa, bayemi fa katala, ba nyaza, “Swalisano! Swalisano!” Ha ni lumeli ku zona mane. Kono musike. . . Mi mubulelele keleke ya bona, “Oh, kaufela luna lu ka miziwa. Lifasi kaufela li ka ba la swalisano.”

Sani luli sa shutana kwa Linzwi la Mulimu. Hakuna sibaka mwa Biblele se si bulela kuli kona mo ku ka bela.

³²⁸ Kono Biblele ibulela kuli Buroma, keleke ya Katolika, ika nyunga lifasi. Munge Daniele mi mu batisise. Toho ya gauda, Mulena Nebukadinezare, mubuso wa Babilona; Mamede ni Persia ba mu fumba; Nduna wa ma Grecian ba mu yola sani; mi Rome yaya kwa mafelelezo. Minwana yelishumi ya mahutu yani iteni mwa mubuso kaufela oli mwatasa lifasi. Musike mwa . . .

³²⁹ Kuna ni lisila la sipi. Kuna ni lisila la mataka. Kuna ni lisila la mubala wa pepo. Muzwale, wena, usike wa saba ni yomukana wa bona, kono talima lisila la mubala o wa bulena wa pepo wani.

³³⁰ U inzi ona fa lubona, kacenu, mwa naha ye. Muhupule, inge fela Akabe mwa na ezelize, ni Jezabele mwa mulaho wa hae. Zeo ki . . . Biblele i biza keleke ya Katolika kuli “Jezabele; lihule.” Mi Akabe na si mucaha ya maswe. Ha ni buleli kuli Bo. Kennedy ha ki baana babande. Hakuna se ni ziba ka yena. Ki muuna. Kona fela ze Ni ziba. Ki yena Mueteleli wa naha. Ni lumela kuli ukaba Mueteleli yomunde wa naha. Ha ki yena; ki mulao wani mwa mulaho wa hae. Mulibelele kufitela akenelwa ki mabuku mwa babusisi, ni kaufela ko akona kufita, kipeto mutalime ze ka ezahala. Mutalime se i ezize mwa linaha zeñwi. Mutalime mo ne si ezelize kamita.

³³¹ Mi kana Biblele haibuleli kuli, mwa Sinulo 13? Naha ye ki ya bu setini. Ina ni mubala wa bu setini ni linaleli ze setini mwa ndembela. Mibala ye setini i mwa ndembela. Setini, lika kaufela kuyona ki setini; litolopo ze setini, lika kaufela ze setini. Mi ifumaneha mwa kauhanyo ya 13 ya Sinulo.

³³² Mi Biblele ibulezi cwana, kuli, “Na tile sina ngunyana,” tukuluho ya bulapeli; “manaka amabeli amanyinyani,” a naha ni a bulapeli. Mi kasumulaho nyana, ba kopana, “Mi ba bulela inge drakoni mo ne iezelize, ni kueza lika kaufela ze ne iezize drakoni fa pila yona.” Mi Biblele ibulezi kuli, “Ba ezeza sibatana siswaniso,” tamahano ya keleke, kona fela ze ba kena mwatani cwale, mo mwa New York City. Mi ona ndu tuna yani kwani! Ni mina ba Methodist kaufela, ba Baptist, ni ba Pentekota, ni ufi wa mina kaufela, sifumu . . . sa batu ba swalisano kwanu, kulika kueza lika ze cwalo zani, ni kulekisa tukelo ya kupepwa kwa mina, kuli mukene mwa sikwata sa Babilona sani. Ki butata mañi bobuli ni mina? Luli. Ku lekisa litukelo za kupepwa kwa mina, sina Esau mwa na ezelize, bakeñisa busafa bwa palica. Kona fela ze mu ka fumana. Ku felile.

³³³ “U ezize siswaniso sa sibatana.” Luli. Musike mwa saba swalisano. Mu sabe Bukatolika. Oh, Na ize, “Ne li ka taha ni muikuhumuso, sina ngu. Kono,” ali, “amu si talime.” Kwa mulaho wa sona, ki sitongwani. Ki muyambaeli. Mu li talime. Eeni, sha. Kakuli, za shutana kwa Linzwi. Seo Linzwi li bulela sina ni ku ezahala.

334 Swalisano hakuna sa kueza kwanda kulilela fela mwa mazoho a Mulimu. Yeo ki niti. Mi kiñi bana ni kueza cwalo? Mulimu nana ni kulumeleza swalisano, ili kuli ikone kueza lika ze, Linzwi la Hae, li ezahale. Luli. Zeo ki. . . Kana mu lemuhile cwalo? Kana mukile mwa nahana zeo? Mulimu una ni kueza Linzwi la Hae kuli li ezahale.

335 Mutalime. Kone kuna ni baplofita baba mianda yemine bene bayemi kwani, sapili, kakuli Akabe ni Jehoshafati, zazi leliñwi. Jehoshafati, muuna ya lukile. Ki hali, “Kono, lu si ka ya kale kwa Ramoti-Gileadi,” ali, “kana ha lu lukeli kubuza Mulena luna?”

336 Akabe ali, “Eehe. Luli.” Mwabona? Jezabele kwa mulaho wa zona kaufela, mwa ziba. Ali, “Luka—luka. . . Nina ni baplofita baba mianda yemine kwanu. Lu ka ba tisa.”

337 Batu babande kaufela. Ba batisize. Kaufela bona ne ba polofitile, bali, “Zamaya ukambame. Mulena una ni wena.”

338 Sani ne si sika utwahala hande, ku muuna wa bumulumu yo. Mulena wa Isilaele, kamba mulena wa Isilaele kulo kwani. . . Ne li si ka utwahala hande ku yena. Ki hali, “Kana hakuna nihaiba alimuñwi fela?”

339 “Bakutazi baba mianda yemine, kale mwa buñwi, bali, ‘Zamaya ukambame. Mulena ubulezi kale ku luna mi uli, ‘Zamaya u kambame.’”

Ki hali, “Kono ku lukela kuba yomuñwi kokuñwi.”

340 Ki hali, “Nina ni alimuñwi, kono Ni mu toile.” Luli, kiniti. Eehe. Ali, “Yena kamita wa ni omanyanga. Yena kamita ubulelanga ze maswe ka na.” Na ka eza cwani sika sisili kaufela, kanti Linzwi la Mulimu ne li mu lwanisa?

341 Kacwalo ba luma ni kunga Mikaya. Mikaya ali, “Zamaya u kambame. Eeni. Yeo ki niti. Kono Ni boni Isilaele uhasani, inge lingu ze sina mulisana.”

342 Mi yena, kiñi, mukutazi yomutuna yani aya cwalo, bishopu, ni ku mu bakula fa mulomo. Ali, “Kana Moya wa Mulimu noile kai hane U zwile ku na?”

343 Mi ki hali, “Fela no li si yo ku wena, ka kukala.” Kacwalo he—kacwalo ki hali, “U ka ziba, leliñwi la mazazi aa.” Ki hali—ki hali—ki hali. . .

344 Akabe ali, “Mu mubeye mwa tolongo ya mwahali. Mu mufe buhobe bwa manyando ni—ni mezi a manyando.” Ali, “Ha Ni ta yo kuta ka kozo, Ni ka to bonana ni mutangana yoo.”

345 Ki hali, “Haiba u ka yo kuta ni hanyinyani, konakuli Linzwi la Mulimu ha li si ka bulela ku na.” Kiñi? Kiñi? Na yemi hande ni Linzwi, hande ka Linzwi.

346 Siplofita kaufela ha si pili ka Linzwi lani. . . Yani ki niti. Leo kona libaka ha Ni bulela kacenu; hakuna taba kamba si

bonahala cwani bunde, ki bakutazi babakai baba bulela *se, sani*, kamba *sesiñwi*, “Swalisano ika nga lifasi ni ku liyumbela fafasi.” Musike mwa lika kulwanisa za swalisano. Amu lwanise Buroma. Kakuli, sani kikuli SA BULELA MULENA KISONA. Mulena ali Buroma bu ka busa, isiñi swalisano. Ki sipupe fela.

³⁴⁷ Kono, mwa bona, nana ni kueza cwalo. Mulena abulelela Mikaya, “Ni lukela kuluma Akabe kwani. Kana bakutazi bani ba bulela cwalo, kuli ba luma Akabe kwande kwani, ili kuli manzwi a Elia ato talelezwa.”

³⁴⁸ Mulimu na tuhelezi swalisano kuli itahe. Ki sikamañi se baeza? Ba sebeza ona mwa mandu a litupu a hamoho, ni kubupa kutwana ya likeleke, ku ikopanya kwa lihalimu, kueza siswaniso sa sibatana, ona cwalo fela Linzwi la Hae ze ne li bulezi kuli lika ezahala. Musike mwa bilaela ka zona. Mutalime taba yateni ye i pangiwa mwatasa yona. Yeo ki niti. Hmm!

³⁴⁹ Ni...sepa Na mi katalisa, kono...[Kopano ili, “Batili.”—Mu.] Kono yeo ki niti. Ha ni zibi ha Ni kona kubulela ku mina hape. Hakulata hanikoni kueza cwalo. Ha lu zibi. Hakulata haluna ku kopana fateni hape, kono Ni bata kuli muzibe se sili Niti.

³⁵⁰ Mutalime Linzwi le. Ki yona Niti; isiñi na. Linzwi le, Se ki Sona. Haiba linzwi la ka la shutana ku *Se*, konakuli musike mwa ni lumela. Mwa lumela Sani. Mi, haiba mu bulela kuli, “Kihande, luna ni Sani, mi musweli kukutaza ka kushutana ni Sona,” konakuli ki musebezi wa mina kutaha ku na. Kiniti. Ki musebezi wa hao kutaha ku na. Mwabona? Taha fela, mi ha lu boneñi Linzwi, cwale.

³⁵¹ Cwale, kabakaleo, lu fumana kuli neli...ki swalisano ye kopani hamoho. Mulimu ali, “Gogi ni Magogi, kwani, ba ka kopana hamoho,” luli, “ili kutisa ndwa.” Yeo luli ki niti, kakuli li ka tisa mata ao hamoho. Lina ni kutaha. Bibebe ibulezi kuli lika taha.

Mulimu na cezi Kota ye, kuli ibeye miselo ya moya ya Hae.

³⁵² Mi mutu kamita ulikile kueza ka mufuta wa kuipangela, “Kuba ni mubonahalelo wa bulapeli.” Miyaho yemituna hahulu mwa muleneñi, luli, ki ma milioni a madollar! Mawi, bunde! Mi sicaba inge si kutaza Jesu wa taha, ni ku to sinya ma dollar aeza sikisi ni eiti milioni fa muyaho kokuñwi. Mi, babuleli ba linzwi, Ni ziba bahasanyi ba linzwi mwa simu, ba ba kutaza Evangeli, kusina makatulo kwa mahutu, inze ba buhobe habeli mwa sunda. Kana mwa bona libaka, muzwale, luna...Ki butata mañi bobuli ni batu? Na mane hani lumeli kuli ba lumela kuli Wa taha. Manzwi a—a—a—a hao a bulela...Kihande, bupilo bwa—bwa hao bu bulela ka kuhuwa kufita manzwi a hao. Mwa...Mwabona? Mi Yena ki... .

³⁵³ Bakutazi nyana bani, kone Ni tile mwa mukopano waka sina cwalo, kusina makatulo kwa mahutu; malukwe fela a kama

inza itamile ona sina *cwalo*; bapila kwande kwani ni linda, ni likokwani za makulano, ni liñanya, ni mifuta kaufela ya matuku, ni lika zeñwi kaufela kwande kwani; mazoho a manyinyani ao na cilwe, ni ku ca butuku bwa ameba ni lika zeñwi kaufela. Inza yemi fani, ali, “Ki wena Muzwale Branham?”

Ni li, “Eeni.”

Ali, “Oh, ami fuyole! Na mi lapelela kamita.”

³⁵⁴ Na hupula kuli, “O Mulimu, tuhela kuli muuna yo ani lapelele. Eeni. Yani ki yena mucaha. Yani ki yena.”

³⁵⁵ “Ni. . . Ni—Ni—Ni balile likalulo za hao, Muzwale Branham. Kaniti ubulela Niti. Lu inzi ni wena.” Oh, muzwale, yani—yani ki mushimani. Yani ki yena; ki mucaha ya zielehile.

Ha mu utwa mutu ya bulela kuli, “Wa ziba kuli ki mañi yani?”

“Oh,” muli, “ha ki wa kopano ya luna.”

“Kana ku cwalo? Ki yena mañi?”

“Kiñi, ha yo ni luna.”

“Kihande, ki yena mañi?”

“Oh, ki—ki mutu ya icemezi.”

“Oh, ki yena? Uh-huh. Kihande, ki sikamañi sa eza?”

“Oh, una ni musebezi nyana kwani. Ha—ha na kuikopanya ni luna.”

“Kihande, Ni bata ku mu ziba.”

³⁵⁶ Mwa ziba, hane Ni sali mushimani yomunyinyani, ne ni sweli kubata ma apule mwa litema la litolwana, Ne ni fumani kota kuli neina ni tutengo kaufela mwatasa yona, mwa ziba. Kuba mwa mipanda handende ka kutala ni ka tata, kwani kona konekuna ni ma apule amande.

Ba li, “Kihande, ki mupikuluhi fela ya kenile.”

³⁵⁷ Mwa ziba, kamita mubeyanga sisusa fo kuna ni kota yende. Diabulosi ueza nto yeswana niyena, ku kusabisa fela Kwateni. U si ke wa bilaela. Aku zamaye fela mwa mulaho wa sisusa seo.

³⁵⁸ Ne ni sweli kutalimela ngeti zazi leliñwi, inge ica manawa o ne Ni sweli kucala. Nako kaufela ha ne Ni cala mulaili wa manawa, kipeto ya pumbuka, ni ku a ca kaufela. Na hupula kuli, “Ni ka i sabisa luli.” Kaewalo se Ni nga saka. Mi luli Ni muswanisi wa maswaniso; mu lukela ku ni bona. Na comeka mwa mubu sene ni pangile inge siswaniso se sisabisa. Oh, ne si sabisa, luli, hane Ni ka si swanisa. Mi se Ni si paheka fa saka, ni kubeya fateni manawa amañwi, ni ku si comeka kwa kota. Mi cwale moya ha no fuka, ne si njanja *cwalo*.

³⁵⁹ Kuzwa mwa musima kwataha ngeti yani, mwa ziba. Mi kipeto ya mata kusaba, neisweli kuca manawa, kipeto ya matela kwa saka ye. Ya kuta mwa mulaho. Ya talima fateni, ya talima

sina *cwalo*. Mi ki ha i ya, “whew,” yatulela fateni, mi, oh, saka ya yema. Ya talima hape, mwa ziba, ni ku i talima sinca hape, hape. Ya talima kwa mulaho ni kubona manawa ani azwezipili mwa mulaili. Mi neli manawa amane, mwa ziba. Kacwalo ya talima, sisusa sani sa sabisa mwa nzila ya yona. Ki ha isutelela kutaha fakaufi, sina *cwalo*, kulika ku si sabisa, mi ne si sa shenyi. Usike wa bilaela; si shwile. Kona mo li inezi lisusa zani. Kacwalo yena—kacwalo yena fela . . .

³⁶⁰ Sa ne i ezize, ya hata liutu la yona ni ku nata fa saka yani, ni kukala lilata, lilata. Ya tulela kwa mulaho ni ku si talima, ona *cwalo*. Ya si nata hape, lilata, lilata. Kona fela mo siinezi, ki lilata fela. Inge sikuluñuñu sa muuna wa mu Irish, kaufela ki kukakana ni mafufa, kanti hakuna sikuluñuñu, mwa ziba. Kacwalo ku si nata fela *cwalo*, ni ku si nyunya linako zene kamba zeketalizoho sina *cwalo*. Mwa ziba ze ne i ezize? Yaya fela kwa mulaho wa saka ni kukala kuca manawa ani. Ne i ziba hande kufita zana, neli yetalifile ku Ni fita. Mwabona? Neli sikamañi sani? Mwa bona, ne i sa tuheleli sisusa ku i tuhelisa. Kuna ni nto yeñwi yende mwa mulaho wa sisusa.

³⁶¹ Ha ba bulela kuli, “Oh, ki bapikuluhi ba bakenile,” muzwelepili fela ona *cwalo* mwa mulaho wa sisusa ni muzwelapili. Mwabona? Muzwelepili mu li lumele. Mwabona? Kwakona kuba Moya o Kenile mwateni, hape, mwa bona. Hamukoni kubulela. Mwabona? Ku lukile.

³⁶² Oh, musima wani. . . ha lu talimeñi fa kalulo ya kopano ye fa musebezi. Keleke ya nama; Keleke ya moya. Amutalime nziye ye *cwale*, mo i li hatelela. Una ni kale likwati le li cilwe, mi miselo se i cile ku lona, mi, oh, muzwale, kaufela li icongile. Limpo za Moya kaufela lifelile; hakuna foliso ya Bumulumu, hakuna kubulela ka malimi, hakuna bupolofita, hakuna sika kaufela, musike mwa lumela mwa—mwa lumela mwa bapolofita. Ha ba lumeli mwa lika ze. Ha ba zibi. Kaufela, za ipangezi mutu! Lika kaufela ze ba nani ki za ipangezi mutu, za kuikankabeka fela. Mwabona? Ku lukile. Keleke ya nama, ki yeo keleke ya nama. Yani ki yena ya bupilwe ki mutu. Keleke ya moya . . .

³⁶³ Mwa ziba, Bible ibulela *cwalo*? Eeni, sha. Keleke ya nama; ni Keleke ya moya. Mi Bible ibulela kuli, “Mu lelekele musali wa muzike ni mwana hae:” (Hagare) “kakuli haana kuca sanda hamoho ni musali ya lukuluhile ni mwana hae.” Mwabona?

³⁶⁴ Kacwalo, keleke ya nama, ye ka yola (Sikamañi?) kutamiwa kwa makunka, kutamiwa kwa mañata, kuli a cisiwe. “Mi haana kuca sanda, abe muca sanda, ni musali ya lukuluhile.” Haiba musali wa muzike uinzi mwa butanga ni bana ba hae ba likopano, haana kuca sanda hamoho ni musali wa muzike, kakuli bana ba musali ya lukuluhile ba ka ya mwa Kuungelwa. Mi bana ba musali wa muzike ba ka yo yema mwa Katulo, mwabona, ku lelekiwa. Eehe. Za moya li lukuluhile. Eeni, sha.

³⁶⁵ Nziye, bo Esau ba likopano. Cwale, Esau. Ki yani Esau ni Jakobo, bubeli bwa bona neli mambile, sibeli sa bona ba bulapeli. Esau nali mutu wa nama. Nali muuna yomunde. Na si ka bulela kuli, kihande, cwale. . . Na si ka ya ku yo uzwa, kunwa, kamba sika kaufela kwani. Na li muuna wa bulapeli. Kono a hupula kuli, “Kihande, haibile fela Ni wa bulapeli, ki shutano mañi ye liteni?”

³⁶⁶ Kono, Jakobo kwateni yomunyinyani, na sina taba mwa na ka ikungela, tukelo ya sipepo yani kona ya na bata. Hakuna taba ka mwa na ka ikungela zona, neli kuli aikungele zona! Haiba nana ni kuya kwa katala, ni kuhuwa ni kulila, ni boo-hoo katata minyula ngo ya hae. Mu ni swalele. Kamba, mwa ziba, kubeya mezi mwa liito la hae. Ne ni sa talusi kubulela cwalo. Mi kacwalo. . . Mu ni swalele. Kacwalo, kutala kwa katala ni kufitela a fita fateni, kiñi, na ikungezi zona. Mwabona? Na sa tokomeli mone ifitezi bukaufi, neli fela kuli ifite.

³⁶⁷ Babañwi ba bona bali, “Ni. . . Muzwale Branham, sicaba sani kwani, baba kona hahulu kuhuwa boo-hoo kwa katala kwani, ni kulila, ni kubokolola. Ha ni li lati ka nzila yeo.” Kihande, hamuna ku li fiwa.

³⁶⁸ Muuna muhulu yomunsu, muzwale yomunsu, kwa Mboela, nako yeñwi, na tabile kamita. Mi yena, nduna wa hae ali, “Ki—ki sikamañi se si ku tabisa hahulu ka nako kaufela, mushimani?”

Ki hali, “Ni bile ni bulapeli bo bu tatafalile pilu.”

Ali, “Hakuna sika se si cwalo.”

³⁶⁹ Ki hali, “U ezize mafosisa alimañwi. ‘Kuya ka mo zibela, hakuna sika se si cwalo.’” Na ziba shutano. Ali, “Kuya ka mo zibela.’ No lukela kubulela ka nzila yeo.”

Zazi leliñwi, ki hali, “Ni bata kunga yeñwi ya bulapeli bo bu utwahalela kwa pilu bwani.”

Ki hali, “U bu bata lili?”

Ali, “Cwale.”

Ali, “Kihande, ha luyeni lu yo inga.”

³⁷⁰ Ba zwela fande. Ki hali, “Ki ye fa libunda la bucwani. Ki nto yende.” Mi ali, “Eehe, musala ka hana ku ni utwa, ni sika kaufela kwanu,” ali. Cwalo kona mo ba batela, mwa ziba; ku ba tambeka bona, ka nzila yebunolo. Ali, “Lu ka kubama fafasi fa.”

Muzwale wa kale ali, “Ha u una ku bu amuhelela fa.”

³⁷¹ Kihande, sha, aya kwa sakana. Mi ali, “Kana lu ka bungela kwanu nji?”

Ali, “Batili.”

Ki hali, “Lu ka ya kwa sishete sa mbonyi.”

Ali, “Batili.”

Ali, “U bu fumani kai?”

372 Ali, “Ni latelele.” A puta bulukwe kwa mautu a hae, akena mwa mulaka wa likulube, ka tata mwa na konela kaufela, mwa sileze, ali, “Aku tahe kwanu. Kwanu kona ko mu bu amuhela.”

Ki hali, “Ha ni lati ku kena kulo moo.”

Ki hali, “Ha u sa tabeli kueza cwalo, muñaka. Kanti ha u lati he.”

373 Mwa ziba, Naamani na hupula cwalo, ni yena. Naamani, Naamani naize, “Cwale, Ni bata kufoliswa kwa mbingwa yaka.”

374 Elia ali, “U ye kwa Jordani ya sileze yani, ko i sululela mwa Mediterranean kwani.” Mi ki hali, “Kuna ni sileze sesiñata luli. Kucimbama mwani ha sebene.”

375 “Oh,” Naamani ali, “mawi, bunde! Kana mezi ha ki amande, kwabuse bwa Damaseka mi kwahalimu kwani? Oooh, kuna ni amande mi akenile kafani.” Mawi, lu bona kwanu busihu bobuñwi, fa filimu, fa, mwa ziba. Ali, “Oh,” ali, “kiñi, kiñi, ha lu lati kuya kwani. Hanikoni kuya kwateni kwani. Mi wa ziba yo Nili yena? Kina kapitao wa musebezi. Kina nduna wa nyangela.”

376 “Kihande, haiba ubata kufoliswa kwa mbingwa ya hao, zamaya uzwele kwani. Kono haiba ubata kuibuluka, akuzwelepili kwani. A bulela ali, ‘Chimbama.’”

377 Mi Na mubona inza zamaya mwa mezi. Munahane fela? Oh, sani sa holofaza siyemo sa hae. Na mubona, mwa ziba, inge asweli kuhatela kwa minwana sina *cwana*; inge apyatile kwa ngo, mwa ziba.

378 Cwalo kona mo ba likela batu babañwi kutaha ku Kreste, “Ni tabela kufoliswa, Ni tabela kuli, mwa ziba, kuya kwa Lihalimu, kono, oh mawi, hani zibi haiba babañwi ba ka ni talima?” Uh-huh. Wena muipi. Hauna ku li amuhela, nihakuli cwalo. Yeo ki niti. Mwabona? Ha una ku li amuhela, nihakuli cwalo. Musike mwa bilaela. Ha u li tabeli hahulu. Yeo ki niti. Ha u li tabeli hahulu. Yeo ki niti. Ha u itukisize ku li amuhela, u ka li fiwa, ku lukile. Mulimu uka kufa zona ha u itukisize. Ku lukile.

379 Cwale, kaufela, likwenda za likopano, li cile lika kaufela. Mulemuhe kalulo ifi ni ifi, ifi ni ifi ya likokwani zee, ha ne i sebeza fa Kota, ne i lukisize nzila kuli yoñwi i to latelela. Oh, ki mucaha ya butali. Eeni, sha. Mwabona? Na ngile miselo, mwabona, ona Moya, kacwalo (Sikamañi?) na ngile kopano kaufela, mwabona, matali.

380 Kacwalo neku leliñwi la taha mi a ipilisa ili yena, atubula matali. Kiñi ha na ezize cwalo? A zwisa kwateni matali kuli kusike kwabatelwa ni bunca, ili kuli batu babañwi ba bone, kuli akone kukena mwa makwati. Mwabona?

381 Na kena mwa makwati, ni kupunya mwa kota, ni kuzwisa Tuto ku bona, mwabona, yona taba luli ye tusa Bupilo.

382 Mi he, aiyo punya fela misima mwahali mwani, yaba cwalo, kalulo ye tatama, sekutaha nziye yeanya mulo, zeo kona ze ngile kopano, ni ku i anya kuhamula ni ku i ongaonga kuli musike mwa I amuhela.

383 Mi ki sikamañi se ne bu ezize Bupilo? Bwa kena mwa mibisi. Yeo luli ki niti. U Li latelele mwa mibisi. Ku lukile.

384 Cwale, ki kokwani yeswana yene punyize kufita kwa pilu, kufita iyo punya kwa Bupilo. Ne izwezipili kutaha kwa muselo, kutaha kwa matali, kutaha kwa makwati, konji haifita fa pilu, yona Puluso. Ku lukile.

385 Cwale ha lu talimeñi ku musinyi hasweli kubeleka. Pili ki . . . Ni lukela kutula zeñwi fa, Na lumela; batili, Ha ni na kuli fitelela. Ki—ki nto yapili yana ezize mulikani yo, ha na sa keni fela mwa pilu ya Kota . . . Halu mu talimeñi, kwa mulaho wa siyemo sa hae sa pili, asika kala kale hande. Halu mu talimeñi. Cwale ha lu mu talimeñi mwa musebezi. Nto yapili ya na nyazize, neli kusinya Kota ya luli, yende yana nani Mulimu mwa lifasi.

386 Cwale, haiba mwakona ku itiisa ni na fa mizuzu nyana fela. Ni bata kuli mu—Ni bata kuli mu utwisise se cwale. Musike . . . Le kona Liñusa la Paseka ya mina, ona fa cwale. Uh-huh, uh-huh, uh-huh.

387 Nto yapili ya na ezize, na sinyize Kota yapili ya miselo ya Mulimu yapili, Kreste. Na li yena Kota yani kuzwa mwa simu ya Edeni. Yeo ki niti. Kota yapili ya miselo, a I sinyi. Yapili ya na cezi Mulimu fa lifasi fa, neli Kreste. Na sinyize Kota yani yene beya miselo ya Hae. Cwale, nebana ni likopano za mifuta kaufela, mi nana ni fela zeo mwa mazoho a hae. Kono cwale ha taha kwa Kota kona kwa na punyelize peu tenyene, yona kokwani ya Siroma yakena mwateni Mwani, mwabona, ya sinyi Kota.

388 Kota? Eeni. Jesu naize, “Haiba Ni eza . . .” Ku Muhalalehi Joani, “Ha Ni sa ezi misebezi Ya Ndate, kamba ha ni sina miselo ya Ndate, musike mwa Ni lumela.” Na beya muselo wa Mulimu. Ki muselo wa mufuta mañi wa Na beile? Ki muselo wa mufuta mañi?

389 Halu Mu talimeñi fa mizuzu yelikani. Lu fitile ku zona fa nako yetelele. Halungeni fela iliñwi ya makalelo, kwa sicaba se si inzi mo, si libelezi fa muzuzu, ku to lapelelwa.

390 Neli nto mañi yapili yene ba ziba, kuli na ka eza cwalo, ha ba Mu lemuha kuba Mesia? Pitrosi ha taha pili ku Yena, mi Andreasi a mu tisa, mi A talima Pitrosi mi ali, “Libizo la hao ki wena Simoni, mi u mwana Jonasi.” Na zibile ona fani, kuya ka Mañolo, kuli yani neli yena Mesia. Ne kubile ni . . .

391 Kana mwa ziba kuli nekuna ni babañata babakile ba taha fapila hae, kuya ka litaba za kale, mi ne ba ipiza kuli ki Mesia? Kono hakuna ni yomukana wa bona yana kona kueza se. Uh-

huh. Kakuli, “Mesia,” Mushe naize (Linzwi la Mulimu, le li sa palelwi, ne li bulezwi ki Mushe.), ki hali, “Mesia wa mina ukaba Mupolofita yaswana ni na.”

³⁹² Mi kacwalo muenyi yo hana tile fapila Jesu, mi Jesu ali, “Bona, libizo la hao ki wena Simoni, mi u mwana Jonasi,” Pitrosi na zibile ona fani kuli Nali Yena. Na zibile kuli yani neli Yena.

³⁹³ Fani Natanaele hana ilo biza Filipi, kamba . . . Filipi naile, ayo biza Natanaele, nitaluse, ni ku mutisa kwani. Mi Natanaele, muuna yomutuna, mwabona, muuna yomutuna, muuna wa bulapeli. Mi—mi Filipi amu bulelela ka zona, mwa musipili wa kuya, sa Na ezize ku Simoni. Mi cwale Natanaele hana taha Fapila Jesu, ki sikamañi sana bulezi Jesu? Ki hali, “Amubone mu Isilaele, ya sina kaiñole.”

Ki hali, “Muluti, U ni zibile lili?”

³⁹⁴ Ki hali, “Mane Filipi a si ka kubiza kale, ha no sa li mwatasa kota, Ni kuboni.”

³⁹⁵ Ki hali, “Muluti! Muluti, Wena u Mwana Mulimu; Wena u Mulena wa Isilaele.” Mwabona?

³⁹⁶ Kiñi? Wani kona muselo. “Ha Ni sa ezi misebezi Ya Ndate . . .” Na ziba milelo luli yeneli mwa lipilu za bona.

³⁹⁷ Musali na sweli sapalo sa Hae, nako yeñwi, mi aya ku yo ina mwa kopano. Jesu atalima kafa ni kafa mi ali, “Ki mañi ya Ni sweli?” Kaufela bona ba latula. A talima kafa ni kafa, mi a mu bona. Nana ni butata bwa mweya. Ki hali, “Tumelo ya hao iku pilisize.” Oh, mawi!

Musali nyana wa mu Samaria . . .

³⁹⁸ Cwale muhupule, Na si ka ya ku Bamacaba, sina cwalo. Batili, sha. Na bulelezi balutiwa ba Hae kuli basike baya ku bona. Yani ki luna. Le ki lizazi la luna. Na ile mwa mufuta wa Moya o Kenile, ku luna, sina ha Na bulezi kuli Ukaba cwalo.

³⁹⁹ Kono cwale ha Na ile ku bona, ki sikamañi sene si ezahalile? Ha Na ile ku musali wa Musamaria, musali ali . . . Ali ku yena, “Aku Ni fe kwa mezi.”

⁴⁰⁰ Mi ki hali, “Ha ki swanelo ku Wena, kakuba Mujuda, kuli ani kupe, na nili Musamaria.”

⁴⁰¹ Nebana ni ketululo ka mibala ya bona ni zeñwi cwalo. Na ba lumelilize kuziba ona fani, nekusina shutano, kaufela ba zwa kwa kota yeswana. Luna kaufela lu bana ba bashimani ni basizana ba Mulimu. Luna kaufela, mwabona. Mi ki Hali . . .

⁴⁰² Musali ali, “Kihande, lwa lapela. Ndata luna, Jakobo . . .” Mwabona, mi yani neli ndatahe Majuda, hape. Mwabona? “Ndata luna, Jakobo, kiyena ya katile lisima le, mi U bulela kuli Wena u yomutuna kufita yena?”

⁴⁰³ Mi ki Hali, “Mezi o Ni kufa ki Bupilo bobusafeli.” Mwabona? Ki hali . . .

“Luna, kihande, lu lapela mwa lilundu le, mi Wena mwa Jerusalema.”

Ki hali, “Zamaya u yo biza muuna hao mi mutahe kwanu. Se si ka kondisa lika.”

Musali ali, “Hanina muuna nihaiba alimuñwi.”

⁴⁰⁴ Ali, “U bulezi niti.” Ali, “U bile ni ba ketalizoho; mi yena yo nani cwale ha ki muuna hao.”

⁴⁰⁵ Musali ali, “Muñaka, Wa ziba, seli myaha ye mianda yemine kuzwa fo lubezi ni mupolofita, kono Wena u lukela kuba mupolofita. Kana U zibile cwani kuli Ni bile ni baana ba ketalizoho?” Musali ali, “Cwale, lu ziba kuli. . . Seli nako ya Mesia kuba mo, ya bizwa kuli, ‘yena Kreste.’ Mi cwale Ha taha, U ka lu bulelela lika ze cwana.” Oh, ki yeo miselo ya Hae foo.

Mi ali, “Ki Na luli.”

⁴⁰⁶ A siya poto, ndondo ya kale ya mezi ya kopano. Akena mwa munzi. Hakuna taba kamba Jakobo nana ni masima amande cwani, na fumani Liweluwelu le linca. Akena mwa munzi, ali, “Amutahe, mutobona Muuna Ya ni bulelezi ze Ni ezize: kana Yo ha ki yena Mesia nji? Kana Ye ha ki muselo nji? Kana Bo ha ki bona bupaki bwa kuli Yani ki yena Mesia?”

⁴⁰⁷ Majuda ne ba si ka Li utwisisa. Se bali, “Ki mulauli, Baalezebubi.”

⁴⁰⁸ Jesu naize, “Na mi swalela, mina. Kono, fokuñwi, Moya o Kenile utaha ku to eza nto yeswana; mi, ha u bulele kulwanisa Sani, halina ku swalelwa.” Mwabona?

⁴⁰⁹ Cwale, “Ha Ni sa ezi misebezi Ya Ndate, mulumele. . . musike mwa Ni lumela.” Kono kota ya miselo yani ne isweli kubeya miselo.

⁴¹⁰ Cwale sikamañi? Ki sikamañi sa Na bulezi? Mi cwale ki—ki Keleke ya mufuta mañi ya Na itomile? Cwale, mina ba Katolika baba bata kubulela kuli Jesu na tomile keleke, ki Keleke ya mufuta mañi ya Na tomile?

⁴¹¹ Kana Akile abulela kuli kopano, tuto ya tumelo? [Kopano ili, “Batili.”—Mu.] Na nza li lwanisa kamita. Ali, “Mina mamota a masweu. Mina masapo a batu baba shwile.” A ba biza lika kaufela za Na kona ku ba biza. Yeo ki niti. Na li lwanisa. Wani neli muselo wa Mulimu. Cwale, mwakona kueza zepeli ni zepeli, zene, haiba mwa lata. Ku lukile. Na lwanisa taba yatani, kopano, kulwanisa lituto za bona. Aba biza kuli, “Baipi, linoha mwa bucwani,” mi ali nebali “mioya ye lunya.” Ki hali, “Muzwa ku ndata mina diabulosi, ni misebezi ya hae mu ka ieza. Ki ufi wa bo ndata mina ya si ka nyandisa bapolofita be Ni lumile fapila Ka?” Mwabona? Ali, “Konakuli muyaha mabita a bona.” Ali, “Ki mina baba ba beile mwatani.” Oh, muzwale, Na si ka keshebisa nihaiba hanyinyani. Yeo ki niti.

412 Wani neli muselo wa Mulimu. Neli sikamañi sani? Mupile ni Linzwi la Mulimu, mueze Linzwi la Mulimu kuli libonahale.

413 Na ize, ka manzwi amañwi, “Ki sikamañi sa bulezi Mañolo kuli Na Mesia ni ka eza ha Ni taha? Cwale, haiba ha Ni beyi muselo wa Linzwi lani, konakuli ha Ni Mesia. Kono haiba Ni beya muselo wa Linzwi lani leo Mesia na lukela kueza, konakuli Kina Yena.” Amen. “Cwale, ki mañi wa mina yakona ku Ni nyaza ka sibi?” Ki hali. Ki fo he cwale. “Ki ifi ya likopano za mina ye eza nto yeswana ye?” Ki fo he cwale. “Mesia na lukela kueza se. Mesia u lukela kuba mupolofita. Cwale ha lu boneñi babañwi ba mina kaufela,” Na ize, “ka mihupulo ya mina yemituna kaufela, ha lu mi boneñi ha mu eza cwalo.” Cwale, ne ba kuzize. Ku lukile. Neli sikamañi sani? Na lwezi muselo wa Mulimu. Moya o Kenile noli ku Yena. Na lwezi muselo wa Mulimu. Nali sikamañi Yena? Yena . . .

414 Cwale muteeleze ka tokomelo. Ni ka akufa kapili mo Ni konela, kuli Ni sike na mi liyehisa kuzwa kwa mulalelo wa mina wa Paseka. Mutalime. Kono, mulalelo wa—wa mina wa Paseka ulukela kuba zuho. Mwabona?

415 Kono sikamañi? Na li Kota ye petehile ya Mupolofita, yona Kota ya mutala, yona Kota ya Munyali. Amen. Kanya! Ni ka bulela nto yeñwi ka swanelo: Haiba ki Yena Kota ya Munyali (Kana mwa lumela cwalo? Kuzwa mwa simu ya Edeni?), konakuli Kota ya Munyali, kusina Musali, haikoni ku beya miselo, kacwalo Una ni kuba ni Kota ya Munyaliwa. Una ni kupepwa ka libyana ze swana, Linzwi le li ezizwe nama mwa Kota. Ni sepa mwa utwa kana. Ki Bupilo bo bu swana mwa Kota ya musali ye, yena Munyali, sina mo Kuinezi ku Munyaliwa. “Misebezi ye Ni eza mu ka i eza ni mina.” Kana ku cwalo? Na li yena Munyali, muhupule.

416 Mu li, “Zeo ha ki za Mañolo.” Oh, ku cwalo. Ni lemuhile seo cwale. Mwabona? Lu libelezi kuba ni mukopano wa foliso fa muzuzu fela. Ni fumani cwalo. Na li cwalo.

417 Mu bata bupaki bwa yona? Na ize, “Kina Kota luli, mina mu mitai.” Muhalalehi Joani na bulezi kuli: “Kina Kota luli, mina mu mitai; mu beya muselo.” Mwabona? Mi kota ya muuna ni kota ya musali itisa mununo, yeñwi ku yeñwi, itisa muselo. Mi mutai ni mutai baeza lika zeswana. Mwabona? Yeo luli ki niti.

418 Kacwalo ki Hali, cwale, Kota yapili ye neli Kota ya Mupolofita, Kota ye petehile, yena Mulimu wa bapolofita. Nali yena Kota yetuna. Nali yena Kota ye petehile ya Mupolofita wa Mulimu. Kiñi? Nali yena Linzwi. Cwale, babañwi neli bapolofita ba banyinyani. “Linzwi nelitile kwa bapolofita.” Kono Nali yena Linzwi, Kasibili, mwa mufuta wa Mupolofita. Amen.

419 Cwale luya kwa sibaka sesiñwi. Cwale muteeleze hande ka tokomelo. Mi musike mwa mbwinja se cwale. Neli nto yende luli, Ni iñozu fela kulo fa. Uh-hum. Amen.

420 [Lunaka lwa mota lwa utwahala—Mu.] Yomuñwi ha huwa, u huwsize ni lunaka lwa mota ya hae, fande. Uh-huh, fela, oh, Ni sepa muna ni nako yende kwande kwani. Lwa ikona ni luna, mwahali mo. Ku lukile.

421 Cwale, Na li Kota ya Mupolofita wa Mulimu. Kiñi? Na kutalize Linzwi le li petehile la Mulimu, kakuli Nali yena Linzwi la Mulimu le li bonahalile. Nali yena Kota ye petehile ya Mupolofita yene kutaza Linzwi la Mupolofita, yana tisize muselo wa Mupolofita ka Linzwi le li petehile la Mulimu. Oh, muzwale, mubulele ka za Kota! Kota, Nali yena Kota ya Bupilo yani yene li bulukile Lingeloi ku Eva ni Adama kwahule ni bona, ni Likerubimi ze sileleza, nebali kwahule ni Kota yani. Cwale Likerubimi ze swana li lika ku li libisa ku Lona, kakuli kuna ni nzila ye li bupezwi. Mwabona? Cwale basweli ba ikaba; oh, batu. Hmm!

Cwale, kukutaza Linzwi kaufela, Na si ka lemaka *fa* kamba *fani*.

422 Fani Satani hana tile ku Yena, munituti yomutuna yani wa za bulapeli, mi ali, “Ku ñozwi . . .”

Jesu ali, “Eeni, mi hape ku ñozwi . . .” Uh-huh.

“Kono ku ñozwi . . .”

Mi ki Hali, “Mi hape ku ñozwi . . .”

423 Kota yepetehile ya Mupolofita inge i kutaza Linzwi la Mupolofita leli petehile, ka lisupo ze petehile za Mupolofita, linepo ze petehile za Mupolofita, miselo ye petehile ya Moya.

424 Mi ka lisheha . . . Ni—Ni ka fita mwa taba ye kapili cwale. Kakuli, ka lisheha, ne ba Mu pahekile fa . . . Na li yena Linzwi, mwa ziba. Ne ba Mu pahekile, ili Kota ya Linzwi; Kota ya Linzwi, ba Mu pahekela fa kota ya Maroma yaipangezi mutu. Hum! Muzwale, Ni sepa kuli seo sa utwahala. Yena, ka kuba Kota ye petehile ya moya wa Mulimu, ne ba Mu pahekile fa kota ya mutu wa Roma. Amen.

425 Kinto yeswana ni cwale. Balika kunga Kota ye petehile ya Mulimu, lona Linzwi, ni ku Li zwakanisa, ni ku Li paheka fahalimu a tuto yeñwi ya tumelo. Lifu ni Bupilo halina ku kopana. Jesu na si ka taha kwa sebelezo ya maswabi; Na ka zusa bafu. Kiñi? Lifu ni Bupilo halikoni kuina hamoho. Za shutana, yeñwi ku yeñwi ni yeñwi. Na si ka kutaza fa maswabi. Na ba zusa fela. Amen. Eeni. Kiñi? Bupilo; ni lifu.

426 Cwale mutalime. Ne ba Mu pahekile fa kota. Kana ku cwalo? “U kutilwe ya nyendaela fa kota.” Kana ku cwalo? Bibebe ibulezi kuli, “U kutilwe ya nyendaela fa kota ya ipangezi mutu kaufela.”

427 Kacwalo haiba, kacenu, ulika kuyendamena fa kota yeñwi ya ipangezi mutu, zwa ku yona. Mi musike mwa tuhela kuli zeo libe fani, mane. Kakuli, sani ki sibaka sa baba shwile, Luther yomuñwi na bupile, Baptist, Presbyterian, kopano ya Pentekota,

yeo ki niti, kota yeñwi yaipangezi mutu. Usike wa inelela ona foo. Usike wa tuhela kuli i ku pahekele foo, mane. Ba ka ku paheka foo haiba bakona, kufitela Bupilo kaufela buzwile ku wena, kufitela mu lemuha tuto ya bona. Yeo ki niti.

428 Kono kwani kona ko ne ba pahekezi ona Kota ye petehile ye. Kota ye petehile ya Mulimu ne i nyendaela fa kota ya ipangezi mutu. Kona cwalo. Neli sikuto fa kota ya ipangezi mutu. Ki sikamañi seo? Ku Mu zwisa mwa meto a bona, kasamulaho Amano lwezi miselo kaufela.

429 Mwa mulaho wa Maria Magdalena, kubulela ka litaba za kale, amatela fapila bona mi ali, “U ezize sikamañi? Ki bumaswe mañi bo A ezize?” A yemisa batu, ali, “Ki sikamañi sa Na ezize neli se si maswe? Kana hakuna sa Na ezize kwanda ku kutaza Evangeli kwa babotana? Kana hakuna Sa ezize kwanda kufolisa bakuli, kuzusa bafu? Mi ona lisupo luli za Mulimu yapila li ku Yena. Mukona ku Mu nyaza cwani?”

430 Mi ba mu bakula fa mulomo, mi bali, “Kikuli uka teezeza ku musali wa libubo leli maswe yani mwa sibaka sa muprisita wa hao,” ki fo he cwale, “bishopu wa hao?” Uh-huh. Ki fo he cwale. Ki nto yeswana ni kacenu. Yeo ki niti. Uh-huh. Eeni.

431 Cwale, ha Na ezize ze kaufela, ni kuiponahaza ili Yena, sa Na li sona, ni ku li ñola ku bona ni kubulela kuli, “Haiba ha ki Na yena, konakuli ki wena mañi?” Uh-hum, uh-hum. “Haiba mukona ku Ni nyaza ka sibi, haiba Ni fosa kaufela mwa Linzwi, mu Ni bonise. Cwale Ni mi bonise fo mu fosa.” Mwabona? *Sibi* ki “kusalumela.” Lwa ziba cwalo.

432 Cwale, ku Mu bulaya fapila bona! Ne ba Mu toile hahulu, kakuli Na pazuzi likopano za bona kaufela. Ku Mu bulaya kuzwa mwa meto a bona, ba Mu pumbeka. Ni ku pikuluseza licwe lelituna la kopano fa sikwalo, kuli Apalelwe ku zuha hande hape. Mwabona? Oh, mawi!

433 Munahane ka Kota ye petehile yani! Davida atalima kwa mulaho mi a I bona. Ki hali, “I calilwe bukaufi ni linuka za Mezi. I tubula matali a Yona mwa mwaha wa Yona, mwa muselo wa Yona; haana ku lelekiwa, haina—haina ku letuka. Kaufela Sa eza si ka konda.” Na li Mwana wa bufumu.

434 Josefa nali mufuta wa Hae. Nali mufuta wa Mufuta usili wa Josefa. Kai ni kai kwa na ile Josefa, ne li konda.

435 Ki nto yeswana ni Jesu, Linzwi la Hae. “Linzwi la Ka li ka konda, mi Halina kukuta ku Na mukungulu. Li ka peta se Ni Li lumezi.” Mwabona? Nali yena Linzwi. Linzwi ne li lumezwi mwa lifasi, ka Mulimu, mi Li ka peta handende za na Li lumezi Mulimu.

436 Cwale, muteeleze ka tokomelo cwale. Se si fumile, ni mafula fahalimwa sona. Cwale mulemuhe.

437 Ki Yo wa taha, cwale, mi bona . . . kwa misebezi luli ya Mulimu yani, ha Na yemi ni ku ba buza. Ki hali, “Ha Ni sa ezi misebezi yana bulezi Mulimu kuli Ni lukela kueza, konakuli ha Ni Yena; musike mwa Ni lumela. Kono haiba Ni eza cwalo, kipeto mu ka lumela misebezi. Haiba ha mu Ni lumeli, kakuba Mutu ya eza se, konakuli mulumele misebezi ye Ni eza. Ya paka za Ka. Ya bulela ka kuhuwa kufita linzwi la Ka mo likona kubulelela.” Yeo ki niti.

Mi nto yeswana ika zamaelela ka nako kaufela. Eeni, sha. Luli ika zamaelela.

438 Cwale mulemuhe. “Ha Ni sa ezi misebezi Ya Ndate, konakuli musike . . . mwa Ni lumela, musike mwa Ni lumela. Mi, haiba Ni eza misebezi, mu Ni lumele.”

439 Mi ki sikamañi sene ba ezize? Ba nga Kota yende yani, ku I lema fafasi, ba I paheka fa kota ya ipangezi mutu. Yeo ki niti, ku pumela Bupilo ku Yona, ni ku paheka fa kota ya ipangezi mutu, ka lisheha.

440 Mi, ne ba si ka tabela cwalo. Batu babañata hahulu ne ba yemi fani, inge ba lila ka Zona, kacwalo ba Mu zusa. Se bali, “Lu ka eza kopano yaluna ili yeswalani hahulu kuli batokwe kukenya mwateni bapikuluhi babakenile bani mwahali mo.” Kacwalo ba Mu nataka mwa musima wa Josefa wa Arimatea, mi ba pikulusa licwe lelituna. Baisa sikwata sa baana mwanda ku lipikuluseza fani.

441 Kana mukile mwabona—mwabona, busihu bobuñwi, mwa siswaniso, nzila yetuna yene ba pikulusa licwe ku yona? Bukiti bwa matani.

442 Ba pikulusa kopano yabona yetuna fahalimu fani, kuli Asike a zuha. Kono kana sani ne si Mu sweli nji? Batili.

443 “Kono Ni ka kutiseza, kubulela Mulena.” Ha lu ngeni tuto yeo cwale, ni ku i zamaisa. “Ni ka kutiseza, kubulela Mulena. Ni ka Mu kutiseza mwa mazazi a malalu. Ni ka Mu zusa hape.” Ne ba si ka Mu pata mwa licwe lani. Ne ba si ka Mu pata kuzwa mwa meto abona. Ne ba si ka Mu zusa mwa lizoho. “Ni ka Mu kutiseza, kubulela Mulena.” Mi mwa mazazi amalalu A zuha, ni ku mu kutiseza.

444 Kasamulaho wa Zuho, kuzuha kwa Hae, Mi ali, “Zamaya mwa lifasi kaufela, mi Ni ka zamaya ni wena. Sina Ndate ya pila ha Ni lumile, mi U inzi ku Na, kacwalo Na mi luma mi ni kaba ku mina. Ni inzi ni mina, kuisa kwa mafelelezo a lifasi. Misebezi, nto yeswana ye Ni ezize, ku bonisa kuli Ne nili cwalo, mu ka eza lika zeswana kupaka kuli mu cwalo.” Na lata cwalo.

445 “Lisupo ze li ka latelela babali bao bona balumeli,” isiñi balumeli ba kuikeza, kono balumeli. Mwabona? “Lika ze Ni eza ze, mu ka li eza ni kupaka kuli mu balumeli. Ka kuswana fela sina misebezi ye Ni ezize, kakuli Ndate yapila upila ku

Na. Ha ki Na ya eza musebezi; ki Ndate. Mi haina kuba kuli mueza misebezi; ikaba Na ku mina, kueza misebezi.” Mwabona? “Cwale, muye mwa lifasi kaufela.”

⁴⁴⁶ Kusicwalo, “Mu ka bupa se si zibilwe, ku Na, kakuba Munyaliwa.” Mwabona? Ku lukile. “Ni ka ya ni mina. Mi Na. . . Mu kaba siemba sa Ka. Mu kaba Munyaliwa wa Ka. Bupilo bwa Ka bu kaba mwa Mubili wa hao. Kuswana fela inge muuna ni musala hae mo ba inezi mutu alimuñwi, wena ni Na lu kaba Alimuñwi. Ka lizazi lani mu ka ziba kuli Ni inzi ku Ndate, mi Ndate u ku Na, mi Na ku mina, ni mina ku Na.” Hmm! Na lata fela cwalo. Satani u filikananga fela hahulu. Mwabona ba Buñwi bwa Mulimu? Kaufela za nali zona Mulimu, U li sululezi ku Kreste; mi kaufela za nali zona Kreste, U li sululezi mwa Keleke. Ki fo he cwale. Li baeza kuba Alimuñwi.

⁴⁴⁷ Cwale amutalime. Cwale, Munyaliwa ki Kota iliñwi ya Bupilo. Ka manzwi amañwi, sina muuna ni musala hae habali alimuñwi, Kreste ni Munyaliwa wa Hae ki nto Iliñwi: nto yeswana, Moya o swana, misebezi ye swana, lisupo ze swana, lika zeñwi kaufela. “Kakuli misebezi ye Ni eza muka i eza ni mina.” Kukanga nako yekuma kai? “Lifasi kaufela.” Kufita kai? “Kwa sibupiya kaufela.” Kana ku cwalo?

Oh, muteeleze ka tokomelo cwale, ku yo tukisa mulilo.

⁴⁴⁸ Mulibeleli wa Muroma akala kuca kwa Kota ya Munyaliwa yani kufitela i Ingunyuta kufita fa mibisi. Yona kota yeswana ya Siroma yani. . . Ki kota ya mufuta mañi yene le bulaile Kreste? [Kopano ili, “Roma.”—Mu.] Ki kota ya mufuta mañi ye ne bulaile Munyaliwa wa Kreste? [“Maroma.”] Cwani? Ka kuyolisa nto isili kwanda Linzwi. Kacwalo, mwa bona, keleke ya Baipanguli ye sa amuheli Linzwi la Mulimu ki mwana musizana kwa keleke ya Roma. Mulimu ali kuba, ka nako ifi kaufela, a ongaonge keleke. Keleke ya Katolika ya Roma neli kopano yapili. Mi yeñwi ni yeñwi ya zona ki bana ba basizana, ku yena, baba ongaongilwe.

⁴⁴⁹ Ba shwa ni yena. Biblele ibulezi, kuli, “Uka cisa bana ba hae ka mulilo.” Ki babakai baba ziba cwalo? Biblele ibulezi ona cwalo. Kihande, Biblele ibulezi kuli buloto ni mufuka lika hula hamoho kufitela lizazi la mafelelezo, kona kuli Uka tama mufuka (yeo ki niti?), pili, ni ku u cisa. Mi buloto buya mwa sishete. Kana ku cwalo? Mufuka usweli kutamahana hamoho mwa katengo, Tamahano ya Likeleke, kwa kutuka kwa atomic. Luli ki niti. Kono Keleke i itukisa kukena mwa sishete, ka niti fela sina lifasi, mwa Kuungelwa, kakuli musali ya lukuluhile haana kuca sanda hamoho ni musali wa muzike. Oooh, Muzwale Anthony!

Oh, lu libelela kutaha kwa lizazi la tabo ya Mileniamu,
 Foo Mulena luna ya fuyozwi ha ka taha ku to
 ngela Munyaliwa wa Hae ya libelela;

Oh! Moyo waka utezi kuungelwa kuya hanze
 Ni ikataza, kutona ni kulapela,
 Kakuli Mulena luna wa taha mwa lifasi hape.

450 Haleluya! Eeni, sha. Oh, U ka cisa mufuka. Mi buloto, Uka bu isa mwa sishete.

451 Mulibeleli wa Muroma akala kuca kwa Kota yani, mwa mazazi a Paulusi. Ki hali, “Ni hapelelizwe,” Liñolo fa, “kuli, kasumulaho wa kuya kwa ka, batu ba ka taha mwahala mina, mizwale, inge matalo a lingu bali kuikapesa, sitongwa si mwahali, mi ba ka kelusa babañata kuli baba latelele. Kakuli moya wa antikreste, o no utwile kuli wani no lukela kutaha mwa lifasi, u mwa lifasi kale cwale, kubeleka mwa bana ba” (sikamañi?) “baika.” Ku sa utwela (sikamañi?) kwa Linzwi. Ki fo he cwale. Kopano ya kalisa.

452 Mwa bona se Ni talusa, balikani? Kaufela baba bona cwalo, muli, “Amen.” [Kopano ili, “Amen.”—Mu.]

453 Sa kala kuca! Kiñi ze ne si ezize? Nziye ya kale yani ya kalisa kuca, ona sishenyi sani. Sona . . . Joel na si boni.

Muteeleze cwale. Lu taha kwa mafelelezo.

454 Joele na li boni. Mi ki hali, “Se si siilwe ki nziye, si cilwe ki nziye; sesi cilwe ki sishenyi, konakuli nziye i si cile; se si siilwe ki nziye, kupalañi, sishenyi si cile.” Sani kona sa na bulezi. Mi yani ki niti. Yani kona Kota ya Mulimu. Yona Kota, na I bulaezi fafasi, yani ki nziye. Ku lukile.

455 Mulibeleli wa Muroma akala kuca kwa Kota ya Munyaliwa yani ni ku I isa kwa mibisi. Ku I sebulula kaufela kwa mulaho, lika kaufela! Kupumaka Kota kwateni, sina mwa na ezelize ku Kreste Jesu, yena Munyali. Kupumaka Munyaliwa ku shetumuka, ni kukalisa mwa lituto za litumelo ni likopano. Ki kokwani ya kale yeswana! Kono sikamañi? Oh, kanya! Kono mwa mibisi ya Yona nekuna ni Peu yene lelilwe pili, yona Peu ya Silena ya Abrahama. Haikoni kushwa. Linzwi nelili mwa mibisi ni sepiso, “Ni ka kutiseza, kubulela Mulena.” Sikamañi? “Myaha kaufela ye cilwe ki nziye, kaufela ze cilwe ki nziye, kaufela ze cilwe ki likokwani zeñwi kaufela, Ni ka I kutiseza, kubulela Mulena.”

456 Cwale mubapise se ni la Sunda yefelile, ni Sunda yefelile yaale, ona Mañusa aa cwale. Muteeleze hande cwale, hamunze mutaha kwa kukwala. Mutalime.

457 “Ni ka kutiseza, kubulela Mulena, kaufela ze cilwe ki likokwani. Ni ka tisa siemba sa Zona kaufela mwateni hape.”

458 Cwale muine ka kukuza haiba mwakona, ka mizuzu yelikani, mi muteeleze ka tokomelo. Amu itukise. Mi mulapele ka lipilu za mina kaufela, kuli Mulimu ali patulule ku mina.

459 Kacwalo, sepiso ya Mulimu ya kala kukutisa, kakuli Mulimu naize Uka I kutiseza. Ka kuswana fela sina mwa Na zuselize

Kota ya Munyaliwa yani . . . Kota ya Munyali, U ka zusa Kota ya Munyaliwa, kakuli ku kaba Alimuñwi kwani, luli sina lifasi. Ki sikamañi cwale? Ku lukile. Kacwalo sepiso ya Mulimu ya kala, “Ni ka kutiseza, kubulela Mulena, kaufela ze cilwe ki nziye, sishenyi.”

Sina ka nako yapili, ha Na yahile Keleke yapili yani.

⁴⁶⁰ Ni ka fita kwa Lituto zeñwi cwale. Haiba hamulati ku Li lumela, ku lukile. Kono fela mueze . . . Kihande mu Li batisise, pili. Mwabona? Mulemuhe.

Na melisize cwani Kota yani, ka kukala? Oh, mawi!

⁴⁶¹ Se si ni utwisa hande. Ni ziba kuli ha Ni utwahali sina mukutazi, ya yemi fa sina cwana, kono Na—Na—Na—Na lata se Ni bulela ka sona. Mwabona se Ni talusa?

⁴⁶² Mi cwale amulemuhe. Sina nako yapili, ha Na kalile Keleke yapili yani ya na cile Maroma, ni nziye, ni zeñwi cwalo, Na kalile ka kuluka ka tumelo. Joani Mukolobezi.

⁴⁶³ Ku Muñoli Joani, yabu 13, kamba, kauhanyo yabu 17, timana yabu 17, Jesu naize, “Ba kenise, Ndate, ka Niti: Linzwi la Hao kona Niti.” Musebezi wa bubeli neli kukeniswa, kwa Keleke. Kasamulaho wa kubeiwa ya lukile kwa tatama kukeniswa.

⁴⁶⁴ Mi ha se ba kenisizwe, A ba kupa kuli ba libelele mwa munzi wa Jerusalema, Luka 24:49, kufitela ba tala mata a zwa kwa Lihalimu. Mi kwani A pepa Kota, ili Moya o Kenile, Pentekota; kutapiswa, kukeniswa, kolobezo ya Moya o Kenile.

⁴⁶⁵ Mi cwale Kreste ataha ku to pila ku Lona, kuli atise miselo. Amen. Kana ku cwalo?

Joani na kotalize za kuluka.

⁴⁶⁶ Cwale amutalime. Mwa . . . Zeo kona ze fumaneha mwa kupepwa kwa nama. Musali ha pepa mwana (Muteeleze ku se.), ki sikamañi sa pili se si ezahalanga ku musali, ki sikamañi se si zwanga? Kikuli, pili, ki mezi. “Mubake, mi mu kolobezwe ka Libizo la Jesu Kreste,” kuluka. Ki sikamañi se si ezahala ku musali? Mali. Ki niti yeo? Mali; kukeniswa. Konakuli ki sikamañi se si tatama? Bupilo. Mezi, mali, moya.

⁴⁶⁷ Muñoli Joani, kamba, Joani Wapili 5:7, 7:5, nitaluse, Na lumela ki yona, ya bulela:

. . . kuna ni zetaalu ze pakelana mwa lihalimu, ki Ndate, ki Linzwi (Yali yena Mwana.), ni Moya o Kenile: . . . zetaalu ze ki nto iliñwi.

Mi kuna ni zetalu ze pakelana mwa lifasi, ki mezi, ki mali, ni Moya; mi ha ki nto iliñwi, kono li lumelelana mwa nto iliñwi.

⁴⁶⁸ Haukoni kuba ni Ndate kusina kuba ni Mwana; haukoni kuba ni Mwana kusina kuba ni Moya o Kenile. Kono wakona

kubeiwa ya lukile kusina kuba ya kenisizwe; wakona kukeniswa kusina kuba ni Moya o Kenile.

469 Ku cwani ka seo, muzwale wa Nazarene? Ne ba kenisizwe ka Jesu Kreste, silimo ni likweli ze silezi Moya o Kenile u si ka taha kale. Kana ku cwalo? Ne ba kenisizwe ki Jesu Kreste.

470 Cwale, sina ha Na tisize Kota yapili ya Munyaliwa yeo nziye ni sishenyi li cile, U sweli ku kutisa Kota ya bubeli, ku I tisa kuzwa kwa mibisi yene lelilwe kale yani haikoni kushwa. Li yemi bukaufi ni linuka. Za pila mwa mezi a. Halikoni ku iponahaza ili Lona, kono Liteni, niteni.

471 Cwale ki kukalisa, lilata, kokwani yeswana; sina A kutiseza nto yeswana ka mukwa oswana.

472 Sa pili, Kota yani hane ikalile kuzwa mwa Bukatolika, neli Martin Luther, yana kutalize za kuluka. Lingeloi la bubeli neli John Wesley, yana kutalize za kukeniswa. Luther na kutalize za kuluka, “Ba ka pila fela ka tumelo.” Wesley na kutalize kukeniswa, musebezi wa bubeli wa sishemo. Mi cwale kwa taha Moya o Kenile. Inge fela mwa Na yahezi Kota mwahalimu, nako yapili, fa Usweli wa kutiseza hape, mwa mukwa o swana, ka nako ya bubeli. Mwabona seo?

473 Mulemuhe. Yona kokwani yeswana yani, ona nto yenyinyani yani, yona tamahano yeswana yene kalile kubulaya Kota kwa simuluho, ya kala hape fa mitai ya ma Lutheran yani, kono (sikamañi?) haikoni ku I bulaya. Haikoni ku I bulaya, kakuli Mulimu ubulezi kale kuli, “Ni ka kutiseza.” Kokwani yani ne ikalile ku Luther, kuli ibulaye mitai ya ba Lutheran kaufela. Ya taha ku Wesley, ni kubulaya mitai ya Wesley kaufela. Kono kalulo yetuna luli ya Kota ikala kutaha.

474 Cwale mulemuhe. Mwa nako ya kale, Kota ha ne ibulaiwa, Ne i bulaiwa, ku ya kwa mibisi ha i Li i bulaya kwa mulaho kwani. Kono nako ye, kakuli Linzwi li lemuhilwe kale, hakuna se si ka Li paleliswa. Mulimu ali, “Ni ka kutiseza. Hakuna taba kamba ba ongaonga cwani, kamba ba eza cwani *se, sani*, kamba *sesiñwi*, Ni ka Si kutiseza.” Ao kona mafelelezo. Kuseha kaufela, kueza lisheha, kuseha, kubiza “bapikuluhi ba bakenile, bukuba,” lika kaufela ze mubata. Mulimu u sa bulela kuli, “Ni ka kutiseza, kubulela Mulena.” Ona cwalo fela sina mwa Na zuselize Jesu mwa libita, mwatasa mazazi a malalu, mwatasa likalulo zetalu, kamba likalulo zetalu, U ka zusa Keleke kwa mutalelela wa Yona ni mata hape. “Ni ka kutiseza, kubulela Mulena.”

475 Ki sikamañi sene si ezahalile? Siungu sani sa kala kuca ni kuba ni mata aswana ana ezize ni yena, kono (ki sikamañi sa na ezize?) na ngile fela mitai ya ba Lutheran. Na sina Moya kwa mulaho kwani, wa na nani Luther, kakuli No pila ona fani. Mi, kwa taha Wesley. Mi kasumulaho wa kushwa kwa Wesley, yena mupolofita yomutuna yani, kasumulaho wa kushwa kwa Wesley

(ki sikamañi sene ba ezize?), ba ikongakonga, mi mitai kaufela ya shwa, kono (ki sikamañi sa Na ezize?) Keleke ya pila kuzwelapili cwalo, kutaha cwalo mwa Pentekota. Hane ba ikongakongile (kiñi sene si ezahalile?), mitai ya shwa, kono (sikamañi?) Keleke ya zwelapili ona cwalo.

⁴⁷⁶ Sikamañi? Nto yeswana yene i ezize Pentekota, ona makilikicani aswana, tuto ya kopano yene Li ngile ka nako yapili, ku sinya Kota mwa—mwa Kota ya Munyaliwa, ka kukala, ki makilikicani aswana ao diabolosi akile aeza fa Kota ya bubeli ye, kono (sikamañi?) Mulimu na Li lemuhile kale. U lukela kuzwelapili, kupale kumane. Haiba kaufela zona. . . Kambe ne ku si cwalo, fani Luther ha na ongaongile, sani ne si ka inelela ona fani; kaufela zona za kutela kwa mulaho sina nto isili; ne ikaba keleke ya bubeli ya Katolika, keleke ya Roma ya Katolika. Mwabona?

⁴⁷⁷ Kono, Mulimu na itamile kueza. U bulezi kale Linzwi la Hae. Mulao wa Hae uka bona kuli Li to ezahala. Hakuna taba kamba Li ka fita kai, Li ka pila, kupale kumane. Lwa kona kuba ni mioya ye bata ni shutano ya likopano, ni lika kaufela, kono Kota yani ika pila haibile fela kuna ni Mulimu yapila wa ku I konisa kupila. Eeni, sha. Ki hali, “Ni ka kutiseza.”

⁴⁷⁸ Ni ziba kuli luna ni nako ya maliha, nako ya mafelelezo ya kutaha kwa Paseka. “Mulena wa liyeha Kutaha kwa Hae,” ba bulela, ni lika kaufela ona cwalo. Mi moya o bata wa bulaya mitai yemiñata ya likopano, kono haukoni kubulaya Bupilo bo bu lemuhilwe kale.

⁴⁷⁹ “Lihalimu ni lifasi li ka fela, kono Linzwi la Ka halina kufela.” “Kaufela Ba zibile kale, U ba bizize: bona Ba bizize, U ba beile baba lukile: bona be A beile baba lukile, U ba file kale kanya.” Haleluya! Ku ñozwi mwa Buka, Buka ya Ngunyana ya Bupilo, mi haikoni kushwa.

⁴⁸⁰ Kaufela za—kaufela likokwani zeo lihele likona kutamulula ku Yona halina ku I tuhelisa. Hakuna swalisano, Bukatolika, hakuna sika sisili se si ka Li paleliswa. “Ni ka kutiseza, kubulela Mulena.” Likota za ipangezi mutu za Siroma halina ku Li pahekela fani. Mabita kaufela haana ku Li beya mwateni. Macwe kaufela a likopano zetuna abeilwe fa munyako haana ku I paleliswa kuibeya mwatasi mwani. “Ni ka kutiseza, kubulela Mulena. Ku kaba Zuho. Ni ka tisa ona Keleke yeswana yani mwa mata a Yona. Ni ka tisa Munyaliwa yani inge fela mwa Na inezi kwa mulaho kwani, ka lisupo zeswana, muselo o swana, nto yeswana yene ba ezize. Ni ka Mu kutisa hape. Ni ka kutiseza, kubulela Mulena,” (sikamañi?) “ku kutiseza kaufela ze cilwe ki likopano, ku kutisa likopano kaufela ze cilwe kwateni. Ni ka kutiseza, kubulela Mulena, kaufela zona.”

⁴⁸¹ Cwale, mu li, “Ku cwani he ka lika ze ne zwile zani, mwa kopano?”

482 Mulimu ki Muña simu yomunde. Wa kokolela Kota, ao ki mafelelezo, wa puma kwateni mitai kaufela ye shwile. Ki sikamañi Sa ka eza? Ku i cisa, kwahalimu kwani. Luli. Mulimu ki yena Muñi wa—wa Kota ye. Wa Li tokomela. U tokomela buswa bwa Hae. Yena . . . Buswa bwa Hae ki sikamañi? Linzwi la Hae Tota. U tokomela Linzwi la Hae, kuli a Li pake; ku Li bona; kubona kwa Na ka Li fumana. U ka kutiseza. Kacwalo likeleke ze ha likala ku ongaonga, ni lika ze cwalo, Wa li kokola felakwateni, mi Keleke ya zwelapili.

483 Fani ba—fani ba Lutheran hane baize, “Lu ka ba katengo. Lu kaba ba batuna sina ba Katolika.” Ku lukile. A kokolela fela mutai. Mi Wesley a U pamula kuya kwapili, a zusa mupolofita yomuñwi. Mi, Wesley amano eza cwalo . . . Kihande, Wesley a shwa, mupolofita yomutuna. Ki sikamañi sene ba ezize? Ba ikongakonga. Mi kwataha Pentekota. Isa zo shwa fela, A ikokolela. Isweli ya hula hape. Mwabona? Uka i kutisa.

484 Kana muselo umela kai pili? Ha u kalisi fafasi fa. U kalela fahalimu. Kana lizazi li nata kai Kota pili? Ah, kanya! Mwa Liseli la manzibwana, fahalimwa Kota. Amen. Isiñi kwa mitai ya kwatasi, kono ki kwahalimu a Kota kona ko kuna ni miselo yebuzwize.

Amen!

Kana mwa Mu lata? Amen!

Kikuli uka Mu sebeleza? Amen!

Kana mwa Mu lumela? Amen!

Na luli na Mu lumela, ka pilu yaka kaufela.

485 Cwale, ki sikamañi seo? U ka kokola kwateni mitai ya kale ye se iomile hainze Ihula cwalo, mitai ya likopano zani kaufela, kufitela Ayo fita fahalimwa Kota. Fani kona fa Ka beya muselo wa Hae. Cwale mulemuhe. Mulimu wa Mu kokolela. Ku lukile. Ba shwile, mi habana kutaha fa—fa Pila Mulimu, habana kutaha mwa zuho yapili. Kono mube ni . . . Muselo wa Kota ya luli wa ku ongaonga- . . . Kota ya Mulimu. Ba ka kena mwa sikwata sa kopano, kono habana kutaha ni muselo wa Kota.

486 Cwale amutalime. Mulimu na si ka leleka kopano. Keleke ico meka mwateni mitai ya buhata, ya kopano, mi kipeto Mulimu wa i puma kwateni, wa puma kwateni bupilo bwayona. I beya muselo wa kopano.

487 Kono haiba Mutai wani ubeya mutai o zwelela kwa Mutai wani, U ka beya zeswana inge Zeneliteni sapili. Kacwalo, mwa bona, wa pili neli yena. Mi Rome aluma tumbombo twa yona kwani ni ku I ca, kono Mulimu uka cala Iliñwi Yepahami hahulu kuli haikoni ku I swala. Li ka taha fahalimu. Amen. Na . . . Ha lu yeni. Kota izwa mwa sibaka silisiñwi kutaha ku sesiñwi, kuzwa mwa lusika loluñwi kutaha kwa lusika loluñwi. Kuzwa ku Luther, Ya ya ku Wesley; kuzwa ku Wesley, kuya kwa Pentekota; kuzwa kwa Pentekota, I ya kwa Linzwi.

488 Ki Zuho hape kwa balumeli ba niti ba Linzwi la Hae le li sa palelwi. Ki Zuho. Ki zuho. Mulimu una ni sicaba kai ni kai. Ki Zuho ku bona. Kiñi? Ba zuhile, amen, ba zuhile kwa lituto za litumelo zani ni kopano. Ba tile mwahala zona. Ki Zuho hape. Peu ya Silena i patilwe mwa mibisi, lona Linzwi, li patilwe kwa mulaho kwanu mwa Linzwi le, mwahala myaha, ni myaha, ni myaha, mi cwale akala fela kupatululwa. Ki nako ya Zuho. Ku lemuhiwa kuzwa kwa simuluho ya lifasi, Keleke ye se ikalile ku yema. Mulemuhe ka mo Mulimu na lelele pili, kwa simuluho. Ni nani. . .

Kihande, Ni ka bulela cwalo, nihakuli cwalo. Ku lukile.

489 Mulemuhe fa, kuli, ku kutisa Kota ye petehile mwa mazazi a malalu kasamulaho wa lifu la Yona. Kasamulaho wa lifu la pili la Kota, A li kutiseza mwa mazazi a malalu. Kana ku cwalo? A li kutiseza! Cwale Kota ya Munyaliwa ika kutiswa hape mwa masika amalalu, likalulo zetalu, nitaluse. Likalulo zetalu, kona mo Li ka kutisezwa. Cwale amutalime. Sikamañi? Kuluka, kukeniswa, kolobezo ya Moya o Kenile; iliñwi, zepeli, zetalu.

490 Cwale mulemuhe. Kasamulaho wa mazazi amalalu, Kota yapili ye kutisizwe sina kwa simuluho, kuba ni lisupo zeswana, limakazo zeswana. Jesu akuta, yena Jesu yaswana, inza eza lika zeswana. Kwa mafelelezo a lizazi la bulalu, lisupo za bonahala, isiñi mafelelezo a lizazi la pili. Oh, muzwale! Ni sepa mwa utwa. Ka lizazi la bulalu kona fo ku bonahezi ponahazo ya niti ya Kreste, kwa *mafelelezo* a lizazi la bulalu. Mwabona? Mulemuhe. Kana mwa utwa nji? [Puteho ili, “Amen.”—Mu.]

491 Isiñi ka lizazi la pili, buino bo bu shwile; zazi la bubeli, nekuna ni mabulatwi, mwabona, kamba, zazi la bubeli, ne li sa shwile; Luther, Wesley. Kwa simuluho ya lizazi la bulalu, nekuna ni mabulatwi. Hakuna sika ka lizazi la pili, Luther; hakuna sika ka lizazi la bubeli. Mi mwa lizazi la bulalu, kalulo ya Moya o Kenile, nekuna ni mabulatwi mwahali, kuti, “Na swana maabani, kacenu, ni kuyakuile.”

492 Kono kwa *mafelelezo* a lizazi la bulalu, kwani kona kwa Na itibahalisize Iliyena, ataha mwahala bona, ataha mwahala sicaba sa Hae mi ali, “Amu Ni talime. Ni ya swana.”

493 Mifuta yeshwile yazwelapili kufitela ba yo punya kwa Pentekota, mi ni kukala kuzibahalisa, kuli, “Nali teni.”

494 Cwale, mo mwa lizazi la mafelelezo, ki Yo fa uinzi ni luna, uzamaya mwahala luna. Kwa *mafelelezo* a lizazi la bulalu, A bonahala ni kubonisa sisupo sa zuho ya Hae kaufela, kuli Na pila, ya swana maabani, kacenu, ni kuyakuile, miselo yepila ya Kubateni kwa Hae. Miselo yepila ya Kubateni kwa Hae! Kana mwa utwa nji? [Kopano ili, “Amen.”—Mu.] Ne i bonahalile kwa mafelelezo luli a lizazi, fani ha Na bonahalile ku bona kaufela, Keleke ya Hae. Amen. Kiñi? Kaufela bona ba taha hamoho, oh, amen, kwa mafelelezo a lizazi la bulalu.

495 “Maseli a manzibwana,” Bibeले ibulezi kuli, “aka benya mwa mazazi a maungulo.” Liseli la manzibwana ki Liseli le li swana kwa Wiko, lani neli Liseli le li swana lene lili kwa Upa. Mi ona Liseli le li swana lene li monyeha kwa Upa, lene li tisize Keleke yapili yeo Maroma neba bulaile ka—ka milapelo ya buhedeni ni zeñwi cwalo, mwa Liseli la manzibwana ki Liseli le li swana. Cwale mulemuhe, ki Liseli le li swana!

496 Mi Liseli la manzibwana ki sikamañi se li tezi? Liseli la manzibwana ki la sikamañi? Ku kutiseza. Whew! Mwa utwa kana? [Kopano ili, “Amen.”—Mu.] Liseli la manzibwana ki ka mulelo o swana sina Liseli la kakusasana, ku kutiseza sene si lemilwe mwa Masika a Lififi, mwahala Rome. Mulimu uka kutiseza, ka kumonyeha Liseli la manzibwana (sikamañi?), ku kutisa Linzwi la Mulimu kaufela hape, ponahazo yetezi ya Kreste mwa Keleke ya Hae. Lika kaufela za Na ezize, ona cwalo fela mwa Na ezelize, ne likaba hape mwa Liseli la manzibwana. Mwabona se Ni talusa? Oh, ha ki nto yende yeo nji? [“Amen.”] Mi ka kuziba kuli lupila ona fa kuli lu Li bone cwale, Liseli la manzibwana, handende kuya ka sipolofita. Liseli la manzibwana la taha ku to kutisa sikamañi? Ku to kutiseza se ne li cile likokwani.

497 Ne i kalile kuhula, mi cwale ki sikamañi sene i ezize? Za to ikopanya, kacwalo Mulimu a ba kokolela, ku ba tama, ni kuba beya kwa mulaho, aba lukulula kuli bazwelepili ni kuikopanya ona cwalo. Mi yetatama ya taha; A ba tama, a ba kasheza kafoo. Kota yazwelapili kuhula. Mi ki Ha ba tama, ku ba lobaza, ali, “Cwale, leliñwi la mazazi aa ba ka ciswa.” Ba tama mwa kopano ya bona.

498 Kono cwale ki sikamañi? Fahalimwa Kota kona ko ku buzwisa muselo pili, yeo ki niti, fahalimwa Kota. Kacwalo ki fahalimwa Kota, fa, ye bona Liseli la manzibwana.

499 Cwale, Nuwe nana ni libaka zetalu mwa areka ya hae. Muzubu ulimuñwi neli wa lika ze ne taha. Mwabona? Sibaka sa bubeli neli sa linyunywani. Kono ndu ya fahalimu neli kone kuna ni liseli. Liseli lene li monyehile, pili, ne li si ka taha fa mubu wapili, mubu wabuleli, kono neli fa mubu wafahalimu.

500 Kota haibeyi miselo ya yona pili kwatasi, sa bubeli, sina cwalo. Kaufela ne i kokoliwa kwateni, mwa kopano.

501 Kono ki mwa siemba sa fahalimu, koo, “Ni ka kutiseza, kubulela Mulena. Ni ka luma Liseli la manzibwana. Li ka tisa, kutisa Linzwi, ku Li bonahalisa. Ni ka kutiseza kaufela ze Ni sepisize. Kaufela ze Ni sepisize, Moya o Kenile o swana uka tisa, kulwala lisupo zeswana. Ni kaba ni Paseka, zuho ya Munyaliwa, ka kuswana fela sina mo Ni bezi ku Munyali.” Mwabona? Maseli a manzibwana ataha ku to monyeha, kuswana sina kakusasana, lisupo zeswana, lika zeswana. Lona Liseli le li swana li ka tisa muselo o swana o ne banani kwani, haiba U monyeha fa Kota

yeswana. Amen. Kubonisa Linzwi la Hae cwale kuli li talelezwe, “Ni ka kutiseza, kubulela Mulena.”

⁵⁰² Cwale muteeleze ka tokomelo. Cwale, nekuna ni... Muteeleze cwale. Musike mwa mbwinja Se cwale. Nekuna ni balumiwa babane ba lifu.

⁵⁰³ Kamba, kikuli mu tabela fela kuli lu kwale? Kana mu tabela kuli lu—lu zamaye fela ka kuitahanela? [Kopano ili, “Batili.”—Mu.]

⁵⁰⁴ Muteeleze hande ka tokomelo cwale. Mutalime. Nekuna ni zene. Balumiwa babane ba lifu be ne ba bulaya Kota yani. Ki niti kana? Neli sikamañi sani? Nziye, sishenyi, nziye yekima, nziye yefubelu. Kana ku cwalo? Balumiwa babane ba mioya yemaswe ya Maroma, lituto za litumelo, ba bulaya Kota yani. Alimuñwi anga muselo wa Yona; alimuñwi anga makwati ayona, kamba, anga matali a Yona; yomuñwi anga makwati a Yona; yomuñwi anga Bupilo. Kana ku cwalo? Balumiwa babane ba lituto za litumelo ba bulaya Kota, kaufela yona kwanda mibisi.

⁵⁰⁵ Mi haiba balumiwa babane ba lifu ne ba bulaya Kota, balumiwa babane ba Bupilo ba kutiseza Kota. Kana mwa utwa nji? [Kopano ili, “Amen.”—Mu.] Amen. Kakuli Mulimu naize, “Ni ka I kutiseza.” U ka I kutiseza. Cwani? Kakuli balumiwa babane ba lifu, ne ba I bulaile, mi cwale balumiwa babane ba Bupilo ba ka I kutiseza. Sapili neli sikamañi? Martin Luther, kuluka. Neli ifi ya bubeli? John Wesley, ka kukeniswa. Ya bulalu neli sikamañi? Pentekota, ni kukutisezwa kwa limpo, za Moya o Kenile, kolobezo ya Moya o Kenile. Neli ifi ya bune? Ki Linzwi. Sikamañi? Ki Linzwi. Nekuna ni baplofita babane babatuna.

⁵⁰⁶ Alimuñwi wa bona, Martin Luther, akala ku monyeha Liseli. Nekuna ni Liseli nyana, neli fela mata alikani, a kuluka.

Mwa mulaho kwataha Wesley, ya tiile, kukeniswa.

⁵⁰⁷ Kasamulaho wa Wesley, kwa taha ya tiile kufita yena, Pentekota, kolobezo ya Moya o Kenile, ku muplofita yomuñwi yomutuna. Mwabona?

⁵⁰⁸ Kono mwa mazazi a maungulo, a Malaki 4, Elia una ni kutaha ni Linzwi luli. “Linzwi la Mulena litahanga ku muplofita.” Mwa Liseli la manzibwana, lina ni kutaha, ku to kutisa ni ku to kondisa. Sikamañi? “Ku fetula lipilu za bana kukutela kwa Tumelo ya Mulimu.” Liseli la bune!

⁵⁰⁹ Ba bulai babane ba I nga. Balumiwa babane ba I sinya. Balumiwa babane ba lifu ba I pamula, mwa lituto za litumelo.

Balumiwa babane ba kuluka ba Mu kutisa hape.

⁵¹⁰ “Polofita, mwana mutu. Kana masapo a akona kupila nji?” Kambe luna ni nako. Ni iñezi fa, kono Ni na ni ku mbwinja seo. “Kuplofita. Kana masapo aa akapila nji?” Ki likalulo mañi zene za kutaha kwa Keleke yani? Ki likalulo mañi zene za masapo a Ezekiele ze ne taha? Kono Bupilo bona bwataha fela, isiñi ha

ne ku apesizwe litalo kuona, kono neli fani moya ha u to fukela kuona. Fani kona fo ne kutezi Liñusa la bune lani la Bupilo.

⁵¹¹ “Ni ka kutiseza, kubulela Mulena.” Haleluya! Kanya! Ku lumbwe Mulimu. Liseli la bune lina ni kutaha, le li ka tisa lisupo zeswana. Mutalime. Kuluka kwa tisa katala.

Kukeniswa kwa tisa makwati, tuto ya kukena.

⁵¹² Ki sikamañi sene si tisize litali? Mapentekota. Ki sikamañi seo? Mapentekota, ba zwa, ba kambela mazoho abona, tabo, kunyakalala, Pentekota.

⁵¹³ Sikamañi? Sa bune neli Linzwi, Kasibili. Linzwi le li ezizwe nama, miselo ya bupaki bwa sisupo sa zuho kuli Kreste kwa mafelelezo, kasamulaho wa kubeiwa baba lukile, kukeniswa ha se ku cezwi, kolobezo ya Moya o Kenile. Likopano za shwa. Mi Kreste hape uitamile Iliyena sina kuwani ya piramidi yani. Mukoloko wapili, kuluka; kukeniswa; kolobezo ya Moya o Kenile; mi kutaha kwa Kuwani.

⁵¹⁴ Ki sikamañi seo? Sikwata sa Moya o Kenile sani ha si hohiwa kuli iswane ni mufuta oswana wa bulumiwa bwa Na bile ni bona nako Ya na fundukile, kuli, Ha ka yo kuta, li ka swala taba yateni kaufela mwa Kuungelwa, koo ba balukile, ba kenisizwe, ni kolobezo ya Moya o Kenile. Piramidi yani ika yema hape. Ndu ya Mulimu ika pila hape. Kota ya Bupilo ya hula hape.

Linaha za ikaba, Isilaele wa zuha,
Lisupo zene ba bulezi kale bapolofita;
Mazazi a bamacaba a balilwe, ni misima ye
mituna ikatilwe;
“Mukutele, haenu O mina muhasani, muye
haenu.”

Lizazi la kuliululwa li fakaufi,
Lipilu za batu za ikalelwa ka sabo;
Mutale ka Moya, malambi a mina a tuke mi
amonyehe,
Mutalime mwahalimu! Kuliululwa kwa mina
ku sutelezi.

Bapolofita ba buhata ba puma, Niti ya Mulimu
ba i latula,
Kuli Jesu Kreste ki Mulimu wa luna; (Amen.)
Kono luna luka zamaya mo ku zamaile ba
apositola.

Kakuli lizazi la kuliululwa li fakaufi,
Lipilu za batu za ikalelwa ka sabo;
(Lindalamiti ni lika zeñwi kaufela.)
Kono mutale ka Moya, malambi a mina a tuke
mi amonyehe,
Mutalime mwahalimu! Kuliululwa kwa mina
ku sutelezi.

515 Amen. Kukutiseza lisupo kaufela! Sisupo sa Lota kwa nako ya maungulo. Lu fitile ku zona zeo. Kuli mane Lota . . . Lingeloi le, la Jehova le li ezizwe nama mwahala sicaba, aina ni mukokoto wa Hae ufulalezi kwa tende mi ali, “Ukai Sarah musala hao?”

“Mwa tende kwa mulaho wa Hao.”

516 Ki hali, “Ni ka ku potela.” Mi Sarah a seha. Mi ali, “Kiñi Sarah ha sehile?” Yena mwa tende. Amen.

517 Jesu naize ikaba nto yeswana ni fa Kutaha. Oh, mi cwale Liseli la manzibwana, la Malaki 4, litaha inge li benya mwa lififi, amen, kutisa Liseli la manzibwana fa Linzwi le li lemuhilwe kale. Haleluya! Liñusa la bune lani ki lifi? Mulumiwa wa bune yani ki ufi? Kuli a benyise Liseli fa Linzwi. Linzwi li lemuhilwe kale. Lina ni kutaha. Sesiñwi sina ni kueza cwalo, kakuli Mulimu naize, “Ni ka kutiseza, kubulela Mulena. Ni ka kutiseza.” Kiniti. Maseli a manzibwana ataha inza monyeha, fa Linzwi leli lemuhilwe lani. Eeni, sha.

Oh, ku kaba Liseli mwa nako ya manzibwana,
Nzila yeisa kwa Kanya mu ka ifumana kaniti;
Mwa nzila ya mezi, kuna ni Liseli kacenu,
Kupumbekwa mwa Libizo lelinde la Jesu.
Banana ni babahulu, mubakele libi za mina
kaufela,
Moya o Kenile uka kena mwateni luli;
Kakuli Maseli a manzibwana a tile,
Ki niti kuli Mulimu ni Kreste ki Alimuñwi.

518 Ki Bani fani, Alimuñwi, hamoho; Alimuñwi, ku luna. Lisupo ze swana zeo batu habakoni kueza, ki ku iponahaza ili zona, kutaha kwande, ki Linzwi, kuli litise Linzwi la Mulimu le li lemuhilwe, kuzwa mwa mibisi ya Kota kwa mulaho kwani, kuli likopano kaufela ze ne hana, ni kuhana, ni kuhana. Kono ku ka taha Liseli. Ku ka taha Liseli, le li ka taha.

519 Libaka lifi, mwa Jerusalema? Batili, sha. Maseli a manzibwana haana kuzuha mwa Jerusalema. Maseli a manzibwana aya (kai?) kwa Wiko. Neba nani lizazi la bona ni ku Li hana.

520 Kono Liseli la manzibwana lika pazulela kwa Wiko (kwa sikamañi?), ku to benya fa Linzwi (sikamañi?), kuli libuzwise muselo, kutisa Kota ya Munyaliwa ka lisupo zeswana, ze komokisa, ni miselo yene ba nani kwa simuluho. “Ku kaba Liseli mwa nako ya manzibwana.” Luli. Oh! Linzwi li ka tisa muselo wa Lona mwa mwaha wa Lona. “Halina ku letuka, kono Li ka beya muselo wa Lona,” Davida ali, “mwa mwaha wa Lona,” amen, ki muselo o swana o Ne banani kwa simuluho.

521 Cwale ni Linzwi la Hae mwa siyemo sa Hae se si lemuhilwe kale sina Mwa bezi ni Lona cwale, mi lubona Manzwi aa kaufela inza iponahaza. Ki sikamañi seo? Ki bupaki bo bu petehile kuli Kutaha kwa Mulena ku sutelezi, ni nako ya Na bulezi kuli, “Ni

ka kutiseza, kubulela Mulena, kaufela ze cilwe ki nziye, ni ze ba siile ba Methodist, kaufela se si cilwe ki sishenyi, kaufela se si ezahalile fa, kufitela ba Li tubula kaufela. Kono Ni ka kutiseza, mwa nako ya manzibwana.” Oh, mawi! Whew!

Ni lumela kuli Ni batile ku kukutaza cwale, ka kusepahala.

Oh, mo Ni latela Jesu,
Oh, mo Ni latela Jesu,
Oh, mo Ni latela Jesu,
Kakuli U ni latile pili.

Ha nina ku Mu hana,
Ha nina ku Mu hana,
Ha nina ku Mu hana,
Kakuli U ni latile pili.

522 Amen. Kana ha mu Mu lati nji? Na Mu lata fela ka pilu yaka kaufela. Kana lu be ni mukoloko wa ku lapelela? [Kopano ili, “Amen.”—Mu.]

523 Mulimu Ndate, mwa mazoho a Hao Ni—Ni beya Liñusa le. Ni ha Li lemakilwe fela, ka nzila yeñwi Ni lapela kuli Moya o Kenile u zamaye ni Ona fa matepu aa, ni mwahala linaha. Mi haiba Ni ka zwiswa mwa lifasi, Se ha si pile, Mulena. Ki Linzwi la Hao. Tuhela kuli Liseli la manzibwana li benye, Mulena, tisa Munyaliwa ya kanya yoo wa Kreste. Aku Li fuyole, Mulena. Lisike la kutela ku Wena mukungulu fela. Ha Li pete se Li lumezwi. Lumeleza cwalo, Ndate. Milumbeko kaufela i ka ba ya Hao.

524 Cwale, lwa ziba, Ndate, hakuna taba ka se lu ka bulela, Isali Linzwi mi lwa Li lumela. Kono lu lakaza Wena, Mulena, ka kakusasana wa Zuho cwana, kuli U bonise kopano ye, mwendi babañwi mo ka nako yapili, kuli U sa li Jesu, kuli Ha u ya shwile, kuli U Mulimu yapila, Mulimu ya zuhile, kuli U pila mwahala luna kacenu. Lumeleza cwalo, Ndate, mi lu ka Ku lumba, ka Libizo la Jesu. Amen.

525 Ki babakai mwahali mo baba kula? Halu boneni mazoho a mina. Mu nanule fela mazoho a mina. Oh, kana . . .

526 Kana Billy Paul. . . Kana u ngile. . . Ni lumela kuli ufile makadi a litapelo. Nji cwani? [Muzwale uli, “Eeni.”—Mu.] Nebali sikamañi? [“E, wani kuisa fa mwanda.”] E, wani kuisa fa mwanda. Halukoni ku inga kaufela zona, kono ha lu ngeni zelikani za zona. Muyeme fela ona fa, haiba mwa kona.

527 Ki mañi yana ni nombolo yapili? Halu boneñi nombolo yapili. E, nombolo yapili, nanula lizoho la hao. Kadi ya tapelo; talima fa kadi ya hao. Haiba wakona kuyema, ku lukile. Nombolo yapili.

528 Kihande, kana una ni yeswanela? Ku lukile. Ku lukile. Ha luyeni, lu kale kokuñwi. [Muzwale Neville uli, “Ki yona yeinzi

foo.”—Mu.] Oh, kihande, kihande. Haiba muna ni yona, luka kalela ona foo, kanti. Kihona.

529 Nombolo yapili, lukisa nzila ya hao ona fa, haiba wakona kuzamaya. Haiba ha u koni, kihande, lu ka i lwala. Mwabona? Ku lukile. Nombolo yapili.

530 Nombolo yabubeli. Nanula lizoho la hao, kapili cwale. Nombolo yabubeli, taha kwanu.

Nombolo ya bulalu. Ona fa, sha.

Nombolo yabune, nombolo yabune.

531 Nombolo yabu ketalizoho. Cwale, mañi ni mañi muine fela ka mizuzu yelikani. Nombolo yabu ketalizoho.

532 Nombolo ya bu silezi. Nanula lizoho la hao kapili. Nombolo ya bu silezi. Silezi, silezi, halubone ni bone, shangwe. Kuna ni ya supa lizoho la hae. Ha ni . . . Oh, kuzwa . . . U kutezi mwa muzuzu mwani. Ku lukile. Nombolo ya bu silezi. Ku lukile. Fa nako nyana fela cwale.

Sebene, sebene. Ku lukile, kalibe kwa mulaho kwani. Eiti.

533 Cwale, haiba mañi ni mañi muine fela mwa . . . Shangwe, fa nako nyana fela cwale. Mukuze fela cwale. Cwale, ye ikaba ponahazo. Bo kona bupaki.

534 Silezi, supile. Iliñwi, zepeli, zetalu, zene, zeketalizoho, silezi, supile. I nanuhile kwani. Ku lukile. Sebene. Ku lukile, sha, oho kihande.

535 Eiti. [Muzwale Neville uli, “Kalibe yo kiyena wabu eiti.”—Mu.] Eiti, eiti. Ku lukile, muzwale. Eiti, naini, lishumi. Lishumi, ilebene, twelufu.

536 Kihande, u bonahala kuli u tuhezi kutaha. Kihande, lu ka kalisa foo. Zeo li lukile. Mwendu mwa mizuzu yelikani. . . Ku lukile.

Halu lapelañi cwale.

537 Mulimu Ndate, Linzwi fela lelizwa ku Wena li ka talusa zetuna hahulu. Tuhela—tuhela—tuhela sicaba sibone, Mulena. Ni—Ni likile kuba ya sepahala, kulika ku ba bulelela Linzwi la Hao. Mulena, swalela mafosisa a mutanga Hao. Na—Na fela, Ni—Ni banga fela yafosa hahulu ka zona, Mulena. Ni—Ni lapela kuli Usike wa talima fa mafosisa a mutanga Hao, kono Uka talime fa Linzwi la Hao, le Ni lika ku kutaza. Mulena, Na itumela ku Wena ka Lona. Ni tabile, ka pilu yaka kaufela. Mulena, Ki nto yetuna kufita bupilo, ku na. Ni fa bupilo bwaka, ka nako kaufela, ka Yona. Na—Na ziba kuli Ki niti. Ki Linzwi la Hao.

538 Mi shangwe ni swalele linzila zaka za bukuba, Mulena. Linako zeñata zeo Na—Na shenaunanga ni kueza lisheha, kuli ha Ni lukeli kueza. Na i kutwa kuswaba ka zeo, Mulena. Kona ni zwa fela kwa lubasi lwa mufuta o cwalo. U si ke wa si lemuha fela, shangwe, Ndate, haiba U lata. U li apese ka Mali a Hao. Seo

kona se Ni Ku kupa kuli ueze. Fela, Na si bulela. Ha ukoni ku i toboha zona, kono U kona ku ni swalela ha Ni si bulela.

539 Cwale, Ni ipulezi libi zaka. Ni bakela libi za sicaba se. Na lapela, Mulimu, kuli U ba swalele, mañi ni mañi.

540 Mi sicaba, ha ba lemuhe kuli ha lu liki fela kueza kezo yeñwi cwalo. Ki Moya o Kenile mwa mazazi a maungulo, o pakelana ni Linzwi la Hae, sina ha Ni sa zo I bulela fela. Kono, Ndate, hakuna taba, Na ni mutu fela. Mi haiba Ni kona ku Li bulela, ba li, “Yani kona toloko ya hae. Sani kona sa nahana ka Sona.” Kono, Ndate, haiba U ka bulela fela ni kubonisa kuli Ku lukile, kona kuli bana ni kuba cwalo, bana ni kusila Wena, kuli ba be ka Zona, kanti, Mulena. Konakuli Haina kuba toloko yaka; ikaba ya Hao. Lumeleza cwalo, Mulena. Mi haiba Ni mutanga Hao, mi—mi—mi libi zaka li swalezwi, mi U ni bizelize musebezi woo, kona kuli bulela ku ona, Mulena. Ni lapela kuli U lumeleze cwalo. Folisa bakuli ni baba zielehile kai ni kai, ka Libizo la Jesu, Na lapela.

541 Mi haiba Uka itibahaza fela ili Wena ku luna cwale, inge fela mo No ezelize kwa siliba kwani, ni musali yani, ha No ambola ni yena. Wa mu bulelela nto ye fosahalile ku yena. Nana ni baana ba ketalizoho. Cwale, No sepisize kueza cwalo mwa nako ya manzibwana. U sepisize kueza cwalo mwa mazazi a maungulo. No ize, “Mi ku cwalo, kona mo ku kabelani fa Kutaha kwa Mwana mutu. Sina mo ne kuinezi mwa mazazi a Lota, kona mo ku ka bela,” Mulimu upila mwa mubili wa butu, unzo zamaya mwahala luna, mwa mufuta wa Keleke ya Hae, mwa Moya o Kenile, inza eza lisupo zeswana. Lumeleza cwalo, Mulena, kacenu fela. Kana Hauna kueza cwalo, Ndate? Mi, Ni lapela kuli U lumeleze sicaba ku si bona, mi mañi ni mañi a foliswe ni kupiliswa, kwa kanya ya Mulimu. Amen.

542 Cwale, Ni ka tokwa kutwisiso cwale, haiba mukaba fela ka likute fa mizuzu yelikani. Cwale, mañi ni mañi, mu kutumane fela mo mu lukela kubela cwale.

543 Kana mwa ziba hande kuli mwa lemuha sibaka se Ni keni ku sona cwale? Ni kotalize Linzwi kwanu, lona Linzwi la Mulimu. Ne ni bulezi kuli kaufela Ki za niti. Jesu naize, kuli, “Ya lumela ku Na, misebezi ye Ni eza uka ienza ni yena.”

544 Cwale, Ni bata ku mi buza puzo. Mu tokomele haiba mu—mu bulela kuli “amen” kamba nee, cwale. Jesu, Kasibili, na si ka ipapata kufolisa mutu ufi kaufela. Yeo ki niti. Na ize, “Ha ki Na ya eza misebezi. Ki Ndate ya pila ku Na.” Kana ku cwalo? Mi Jesu ali, ku Muñoli Joani 5:19, “Kaniti, niti, kamaniti, Ni li ku mina, Mwana Hae luli . . .” Kakuba Mutu, Nali fela Tabernakele mo Mulimu na pila. Mwabona? Na ize, “Mwana hakuna sa kona kueza ka yena Anosi; kono konji Sa bona Ndate a si eza, kona sa ka eza ni Mwana ona cwalo.” Ka manzwi amañwi, “Ndate u Ni bonisa pono, sa kueza, mi Ni eza fela Mwa ni bulelela.”

545 Cwale, zazi leliñwi lu fumana kuli nekuna ni, kuli, musali nyana na palelwa kukena mwa mukoloko wa litapelo. Nana ni butata bwa mweya, mi nana ni bona hala lilimo zeñata. Kacwalo aswala fela sapalo sa Hae, inza bulela mwahali ku yena . . . Na sa ikoneli; neli fela ya shebile, yomunyinyani, musali ya supezi, ya na sina masheleni cwalo. Mi na palezwi kufita fahalimu fani ni baprisita bani ni babañwi kaufela inge bayemi fani, yana bile ni liswanelo za kuyema ni lika kaufela. Kacwalo apalelwa kuyema fani, mi ki ha hohoba fela kufitela afita fani ni kuswala mungundo wa sapalo sa Hae. Musali ali, “Ni lumela kuli Yena uteni fela ona cwalo. Yena, U lutiseza Niti, ili Bupilo. Ni lumela kuli ki Yena Linzwi la Mulimu. Mi haiba Ni kona fela ku Mu swala, Nika—Nika foliswa.”

546 Kana mwa lumela? Kikuli ne mu ka lumela nto yeswana yana lumezi musali yani, kuli ki Yena Linzwi la Mulimu? [Kopano ili, “Amen.”—Mu.] Cwale, Bibebe ibulela cwana, kacenu, kuli, “Ki yena Muprisita Yomutuna, Muprisita wa luna Yomutuna ona fa cwale.” Kana mwa lumela cwalo? “Kasamulaho wa zuho ya Hae ni kukambama kwa Hae, A kambamela kwa Lihalimu ni kufa limpo kwa batu. Mi cwale U inzi kwa lizoho la bulyo la Mulimu, Yamata kwa Lihalimu, ni kuli alu lapelele se lu bulela.” Kana ku cwalo? “Mi ki Muprisita Yomutuna yakona kuba . . .” Sikamañi? [“Kuswaliwa.”] “Ku swaliwa ka . . .” Sikamañi? “Maikuto a matuku aluna.” Cwale, haiba U cwalo . . . Mwa lumela kuli Wa swana?

547 Cwale mutalime, haiba mutaha kwanu, mi mu ni swale fela, musihali kaufela, hakuna shutano ni yekana. Haiba u sweli muzwale yomuñwi kaufela, kezeli, hakuna shutano ni yekana; ka mukwa fela wa kubeya mazoho, ku felile. Kono haiba u Mu swala fela, kona fela zo lukela kueza.

548 Mi mutalime, haiba mu Mu swala ka . . . ni mufuta wa sizo cwalo sina mo ne ba ezelize. Se bali, “Oh, lu lumela Muluti yomutuna yoo. Yo ki Mupolofita.” Kihande, Na si ka bulela sika.

549 Kono musali nyana yani nana ni nto yeñwi yene Mu sweli: tumelo ya hae. A swala sapalo sa Hae, mi ki Hali, “Ki mañi ya Ni sweli?”

550 Kana ha mu lumeli kuli Bibebe ibulela kuli Yena ki Muprisita Yomutuna ya swana kacenu Na liteni ka nako yani, Yena, mi wakona ku swaliwa ka maikuto a matuku aluna? Mwakona ku Mu swala kwande kafoo, kamba muinzi mwa mukoloko wa litapelo wo kamba nee. Haiba wa kula, kamba haiba una ni mulatiwa ya kula, haiba una ni sesiñwi mwa pilu ya hao, mutahe fela ka likute fapila Mulimu ni kubulela kuli, “Mulimu, Ha ni zibi ka muuna yani ya yemi fani. Ki muuna wa sitenda. Yena, ha ki sesiñwi, kono Ni lumela kuli sa na kutalize ki sa Niti. Mi Ni lumela kuli na bulezi nto ye lukile, kuli ki Wena Muprisita Yomutuna. Cwale Ni bata ku Ku swala. Mi haiba u ni bulelezi

Niti, kona kuli U itusise milomo ya hae kubulela, sina mo No ezelize ku musali kwa mulaho kwani.” Mubone haiba Wa swana maabani ni kuyakuile. Mueze cwalo. Zeo ha ki ku Mu eza fela kuba ya swana maabani, kacenu, ni kuyakuile? Nji cwani?

Ku lukile, mañi ni mañi muine mwa libaka za mina ni kulapela ka likute.

⁵⁵¹ Uli cwani? [Muzwale uli, “Nina ni makadi a litapelo.”—Mu.] Huh? [“Ufile a twenti-faifi.”] Nina ni baba lishumi kwa mulaho kwani cwale? [“Fotini.”]

⁵⁵² Lishumi, ilebene, twelufu, setini, foutini, fifitini; kana makadi a litapelo lishumi, ilebene, twelufu, setini, foutini, fifitini, sikisitini, sebentini, eitini, naintini, twenti, twenti wani, twenti tu, twenti sili, twenti fo, twenti faifi: zeo li lukela kueza mukoloko omunde. Haiba lu... Ni sepa kuli haluna ku mi buluka mo nako yetelele. Kono cwale. . .

⁵⁵³ [Yomuñwi u ambola ni Muzwale Branham—Mu.] (. . .? . . . Kana ki wena mulizi wa piano? Yeo ki niti. Mutuhele fela . . . Zeo li lukile.)

Ha lu i ñuneñi cwale, kaufela hamoho, habanze ba fita ku zona. *Lumela Feela*.

Lumela feela, lumela feela,
Kaufela za konahala, lumela fela;
Lumela feela, feela . . .

Mulumele sikamañi? Linzwi la Hae ni sepiso. Kwa sikamañi?

Lika kaufela za konahala, kulumela fela.

⁵⁵⁴ Kutuluka fa lilundu, nekuyemi balutiwa fani. Ne ba komisizwe ka taba ya kanono yani. Ndatahe na yemi fani, inza talima mwana hae, inza lila. Balutiwa ne ba sweli kufita mwa butali bwa bona, kono ne li si ka beleka. Jesu ataha inza zamaya cwalo. Babañwi ba bona bali, “Ki Yani fani.” Yomuñwi na ba supeza ku Jesu; kwahule ni baituti ba za bulapeli, ku Jesu. Foo kona fo Ni bata kusupeza sicaba; isiñi kuna, kamba keleke yeñwi, kono ku Jesu. Ali, “Wa kona.”

⁵⁵⁵ Kacwalo bo ndatahe ba mata, ba wela kwa mautu a Hae, mi bali, “Mulena, uni utwele butuku mwana ka. U katazaha hahulu ki moya omaswe. Wa wanga. Wa zwanga ni lufulo kwa mulomo. U kenanga mwa kunyakaula,” kanono. Mi ki hali, “Mi Ni mu isize kai ni kai. Mi mane nihaiba balutiwa ba Hao ne ba si ka mu ezeza sika.”

⁵⁵⁶ Jesu naize, “Na kona, haiba u ka lumela, kakuli lika kaufela za konahala ku ya lumela.”

Ki Fela . . .

Ya swana maabani, kacenu, ni kuyakuile! Kaufela zona liteni cwale. Amu kuze mañi ni mañi.

. . . lumela,
 Lika kaufela ki . . . (Ki nako ye cwani!)
 Kulumela fela, ku lumela fela,
 Lika kaufela za konahala, kulumela fela.

557 O Mulena, Linzwi liteni ona mo kaufela cwale. Tuhela kuli Liseli la manzibwana li benye, Mulena, u Li eze kuba le lipila. Kuya ka Libizo la Jesu Kreste, Na lapela. Amen.

558 Cwale, ka Libizo la Mulena Jesu Kreste, Ni beya moya kaufela oli mwahali mo mwatasa zamaiso yaka, kwa kanya ya Hae.

559 Ni talima mwa mukoloko wa tapelo wo. Hakuna nihaiba mutu alimuñwi mwa mukoloko wa tapelo wo yo Ni ziba. Yena, mañi ni mañi, baenyi ku na. Kaufela mina mwa mukoloko wa tapelo woo, babali baenyi kuna, mi hakuna se Ni ziba ka wena, matata a hao kamba hakuna, amu nanule mazoho a mina, mañi ni mañi mwa mukoloko wa tapelo.

560 Ki babakai mwahala sicaba babali baenyi kuna, mi hakuna se Ni ziba ka wena? Muna ni mata aswana kwande kafoo, sina ba mo ba ezeza kwanu. Fela, Ni sweli kuopela mutu alimuñwi ka nako.

561 Fa, haluboneñi ni nge se fa, fa muzuzu fela. [Muzwale Branham u zamaisa maikulofoni—Mu.] Kana mwa utwa cwale ka se? [Kopano ili, “Eeni.”]

562 Kalibe yo fa. Ki yo muuna ni musali, bakopana hape. Ha ni mu zibi, nali kuba ni mubone fateni. Ki muenyi kuna, kono ki muenyi fela.

563 Ni eza fela kuya ka mayemo a Linzwi lani. Linzwi lani liize, “Misebezi ye Ni eza muka i eza ni mina, haiba mu lumela ku Na.”

564 Kakusasana omuñwi, fani pono yani hane itile hape, kasamulaho wa likiti kiti za zona, mi ali, “Pata ye sa palelwi ya Jesu Kreste inzi ni mina kaufela ko muya.” Na lumela cwalo, ka kufelelela, ka pilu yaka kaufela. Haiba ha Ni mi boni hape, mu lumela kuli yeo ki Niti? Yeo ki niti.

565 Ki yo fa musali ye Ni si ka bona kale fateni mwa bupilo bwaka. Ki musali fela ya amuhezi kadi ya tapelo.

566 Mushimani mwa ezezanga hañata zeo, utahanga kwanu, unga makadi a litapelo ni ku a kopanya, hamoho, fapila mina sicaba. Mufe mutu ufi kaufela kadi ya tapelo ya bata iliñwi, kaufela ko ifumaneha. Hakuna ya ziba ko ku ka kalela mukoloko, kamba hakuna sika ka zona. Kabakaleo, mushimani na si ka bulela kuli, “Oh, cwale *fa*, haiba u ka ni fa zeñata *hahulu*, Ni ka ku beya kwa pata, mi ube ya ziba hande kuli uteni.” Ha izibi. Uh-huh. Hakuna ya ziba.

567 Lu kala fela. Kaufela ko ku bulela Moya o Kenile kuli “kubiza,” lu biza kuzwa ona fani. Mi Ni sepa kuli fokuñwi Ni nga

mutu, ha Ni li kwanu, sihulu, kuli yomuñwi ha si ka . . . baenyi, mwabona, bao Ni sa zibi.

568 Cwale, haiba musali yo ya yemi fa, haiba ki . . . Kuna ni se si fosahalile. Wa kona ku kula. Wa kona kuba ni yomuñwi, wa kula. Hakulata—hakulata—hakulata ukona fela kuyema fani, mwendi u tinile fela inge ya kula. Mi mwendi uyemi fela fani, inza lika ku swabisa sesiñwi. Haiba u cwalo, mutalime fela se si ka ezahala. Mwabona? U bile ni zona, u boni sani ha si likile, ni wena. Nji cwani? Eeni, sha. Mu ba bone ha ba mu nanula mwa munyako, inge ba shwile. Mwabona? Uh-huh. Kacwalo he muka—muka lemuha fela, mubone haiba ki niti kamba nee. Mwabona? Mulike cwalo, mwabona.

569 Cwale, ha lu bapali keleke, balikani. Lu kwa nako ya maungulo. Muselo u fahalimu a kota, wa buzwa. Yeo ki niti. Mulena wa taha.

570 Ha ni mu zibi. Mulimu wa mu ziba. Na mu zibile. Ku si kaba kale lifasi, Na mu zibile. Na ziba kuli na ka yema ona fani. Na ziba kuli Ne ni ka yema ona fa. Kakuli, Yena hafeli. Kana ku cwalo? Cwale, haiba Yena ha feli mi na li zibile, kona kuli Wa ziba libaka la yemezi musali yo foo. Mi, yena Mulimu yaswana yoo luli . . .

571 Jesu, ha Na li fa lifasi fa, ni Mulimu ku Yena, yana ambola ni musali fa lisima, ni ku mu bulelela nto ye fosahalile ni yena. Kaufela lwa ziba seo nesili sona. Nji cwani? Mi musali ali, “Muñaka, U lukela kuba mupolofita.” Yani neli Yona ponahazo ya hae ya pili. “Cwale, lu ziba kuli seli nako ya Mesia kuba mo, ya bizwa Kreste. Mi cwale Ha taha, yani ikaba yona taba Ya eza.”

572 Cwale, haiba Yena ki “ya swana maabani, kacenu, ni kuyakuile,” mi usepimize ka Linzwi le lona le Ni sa zo kutaza, kuli mwa nako ya manzibwana Na kaba mo ni kuezwa nto yeswana, konakuli lu i libelezi. Nji cwani? Nji cwani? Lu libelezi zuho ya Keleke yani. Cwale, haiba Uka eza ku musali yo ka kuswana sina mwa Na ezelize kwa mulaho kwani, sani si paka Linzwi, kuli Ki niti.

573 Cwale, kalibe yani na nanuzi fela lizoho la hae, mi na hape, kuli lu baenyi, ku yomuñwi ni yomuñwi. Ha ni mu zibi. Nali kuba ni mubone fateni. Ki muenyi fela, ya yemi fa. Kona mo muinezi, kwande koo, buñata bwa mina.

574 Ni ziba kuli babañwi ba sicaba se bateni mo. Mi ha Ni zibi babañata. Ni ziba musala Bo. Collins mo. Na ziba hande ka zeo. Kezeli, musala Muzwale Ben, mi Ni boni Muzwale ni Kezeli Dauch kwanu, fa nako nyana . . . Muzwale Wright; Muzwale, Kezeli Dauch; muzwale kwa mafelelezo kwani. Na ziba babañwi ba mina, mwahali mo. Kono Hani—Hani zibi buñata bwa mina, kakuli Hani bangi mo hahulu, kuli lu twaelane. Mi luna ni baenyi mwahali mo.

 Mi kacwalo mu lapele fela.

575 Haiba Ni muenyi ku wena, mi Ni bulela kuli Maseli a manzibwana atile. Mi Liseli la manzibwana likaba le liswana ni Liseli la kakusasana. Li ka patulula miselo yeswana ya likunutu za Mulimu, kubulela ka moya. Yeo ki niti. Cwale, Ni ambola fela ku wena sina mwa Na ezelize ku musali yani fa lisima. Mi ali, “Aku Ni fe kwa mezi.” Mwabona? Ni bulela nto yeswana. Yani ha ki na. Ki Yena. Kono haiba Uka patulula ku na so yemezi foo, mwabona, haiba Uka patulula ku na so bezi teñi, konakuli u ka ziba kuli Wa ziba mwa bupilo bwa hao kaufela. Haiba Uka ku bulelela nto yeñwi yebile teñi, wabona, wa ziba haiba yeo ki niti kamba nee. Mi haiba U ziba se sibiletteni, mi u kona ku ku bulelela sona, Wa kona . . . kaniti u ka Mu lumela ka nako yeo se si ka ezahala. Haiba Akona ku ku bulelela so ezize kwa mulaho kwanu, kaniti zeo likona kupatulula za kwapili zateni, kamba za kwa mulaho zateni, za kwapata, ni zeñwi kaufela, ku li kondisa hande.

576 Kana kopano ika lumela ku Yena, ka lipilu za mina kaufela, haiba Uka eza cwalo? Ni lumela kuli ne mu ka lumela, kamba Na ka eza cwalo kamba nee. Mu sa lumela cwalo, kono se si ka li bisa fafasi.

577 Cwale, Ni sweli fela kutalima musali yoo, mi usweli kuba ya tozizwe. Wa ziba, kakuba muenyi kuna.

578 Kono mutuhele fela ni mi bonise cwale. Buñata bwa mina mwa bona siswaniso sani ha si pahekilwe fahalimu fani. Cwale, Sani ha ki sona, fahalimu . . . Liseli lani, Sani ki sona luli Se si nyendaela mwahala ka ni musali yani ona fa cwale. Kana ha mu boni Sani? Ki mufuta wa—mufita wa kirimu, ya mubala wa yelo ni butala, inge emerodi ya Liseli, sina mo lu li bizeza, Li sweli kutaha fela hande . . . Zeo kona Ze eza kuli aikutwe . . .

579 Cwale, tuhela fela ni ku bonise nto yeñwi. U ikutwa bunde luli, maikuto a bunolo. Haiba yeo ki niti, kalibe, nanula lizoho la hao kuli sicaba sibone. Mwabona? Ki . . . Hakoni kuikambusa kwa ku sa Li utwa, Iteni ona foo. Mwabona?

580 Cwale, cwale, haiba Li mu kena ku yena, Ha ni zibi. Ku itingile. Zeo lina ni kuba Mulimu. Hanikoni kueza cwalo, na kasibili. Ki—ki Mulimu ya lukela kueza cwalo. Eeni.

581 Kalibe yo luli, kuya ka butu, uswanela ku yo pazuliwa. Una ni sesiñwi seo mualafi aka mu bulelela kuli, “Sani si lukela ku pazulwa,” kono ha swaneli kuya ku mualafi. Yeo ki niti. Mi musali—musali . . . Ki—ki sikoto se si melile. Mi sikoto sani siteni kwa neku la silyo, bukaufi ni moongola. Yani ki niti. Haiba yeo ki niti nanula lizoho la hao, ili kuli sicaba sibone. [Kezeli uli, “Yeo ki niti.”—Mu.]

582 Cwale mwa lumela? Cwale, ha mu li boni, (Mwabona? Mwabona?) kono u li lumele ka pilu ya hao kaufela cwale, kuli ki niti. Ku lukile. Ku lukile.

583 Cwale mu li, “Mwendi u nuhile seo, Muzwale Branham.” Ha u koni kunuha zeo, linako ze milioni, ka kupetahala.

584 Kihande, mu mutuhele fela ayema foo, fa muzuzu. Li zwile ku na, ona fa cwale. Cwale, fela, halu boneñi, fa nako nyana fela, mwabona. U bonahala kuba hande; Mukreste. Cwale ha lu boneñi. Cwale haiba Uka lu bulelela nto isili fela ye kaba. . . Eeni. Ki yo wa kuta hape. Eeni, sha. Ki wa—ki wa. . . Eeni. Ki—ki kasolondo, zeo kikuli, zeo ma dokota ba ka ka zwisa. Mi ki. . . Ne ka katisa butata. Kono uka sepa Kreste ka zona.

585 Mi ha ki seo fela. Ha zweleli kwanu. Mi una ni yomuñwi hamoho ni yena. Ki muuna hae. Mi wa kula, ni yena. Yeo ki niti. Kana wa lumela kuli Mulimu wakona ku ni bulelela, ha Ni sweli kotalima muuna yo fa, mwa pono ye, se si fosahalile ku yena? [Kezeli uli, “Eeni.”—Mu.] Kihande, u mu bulelele fela kuli ayo ca mulalelo wa hae. Butata bwa mba ya hae bu felile. U lumela kuli ki Kreste ya eza cwalo? Eeni? U zwa kwa Tennessee, Nashville. Yeo ki niti. Musala bo. Binkley. Ku lukile. Wa kona kukuta kwa hae cwale mi ube hande, wena ni muuna hao. Mulimu ami fuyole.

586 Wa lumela ku Mulena Jesu? Haiba nji yani ha ki Mulena Jesu ya swana yanali mwa mazazi a kwa mulaho, mwa Keleke ya manzibwana! Mubuze musali yoo, kubulela kuyena, mu mubuze haiba litaba zeo ze bulezwi ki za niti. Haiba mu ka lumela feela! Cwale kana mwa ikutwa kuli Yena ki Kreste ya swana? Cwale, mwa ziba kuli ha Ni koni kueza cwalo. Ni mutu. Ni muzwale wa mina. Kono Yena ki Mulimu.

587 Cwale ha lu boneñi. Kana yo ki yena mutu ya tatama? Ki mina bene bali mwa mukoloko wa tapelo? Ku lukile.

588 Cwale, kakuli, tozo yani, mwa lemuha, i ni fokolisa fela, inge mo Ni sa zibi. Cwale, Jesu, fani musali yomunyinyani yani hana sweli sapalo sa Hae, Na ize, “Ni lemuhile kuli mata azwile ku Na.” Kana ku cwalo? Seo si talusa “kutiya.” U fokozi. Mi haiba Yena. . . Haiba sani ne si ka ezahala kwa Linzwi, Kasibili, ne si ka eza sikamañi ku alimuñwi fela yoo Linzwi li tile ku yena? Ki sikamañi sene Si ka eza sani? Haiba ne si ezize sani ku Mwana Mulimu, ne si ka taha ku na, muezalibi na pilisizwe ka sishemo sa Hae? Mwabona? Za ni katalisanga fela ni kupikuluha. Mwabona?

589 Kono, niteni, Ni teni mo ku to Mu yemela. Ku yoli-. . . Ni muyemeli wa batu. Na—Na bakela libi zaka kaufela, kuli—kuli hamuna kotalima ku Se nili sona; kono mutalime Yo ali Yena, kuli mutalime ka nzila yani.

590 Cwale, Ni muenyi ku wena, kalibe. Ha ni mu zibi musali yo, mane. Lu baenyi ku yomuñwi ni yomuñwi. Yeo ki niti. Cwale, haiba Mulena Jesu (na ni sa ku zibi, mi ha u ni zibi), haiba Mulena Jesu uka patulula sesiñwi kuna, so tezi kwanu, sika so ezize, kamba sika so no sa lukeli kueza, kamba nto yeñwi ka nzila yeo,

wa ziba kuli yeo ikona ku ba yona, yeo ikona kuba makazo ye ipitezi. Sani ki sika se si sa koni ku tatulula. Makazo ki sika se si sakoni ku tatululwa. Mutu kaufela wa ziba cwalo. Mwabona? Yeo ikona kuba makazo ye ipitezi.

⁵⁹¹ Ikona kuba makazo yetuna kufita kambe nekuna ni—ni kalibe yainzi fa mwa sipula sa mawili, mi ubile ni kuopa mwa lingongo, ni kucisa luli. Ne ni ka mubiza kuli, “Nanuha u zamaye,” mi na ka zamaya kuzwa fani, mutu kaufela na ka huwa ka zeo. Kono, mwa bona, kaniti mata a—a tumelo ya hae a kulumela, ni kunanuha fela ni kuzamaya, wakona kueza cwalo.

⁵⁹² Kono kukuta kwa mulaho ni ku yo hoha bupilo kuzwa kokuñwi, zeo lilwala nto yetuna kufita foo. Seo si nga Mulimu fela anosi, fo mukona kubulela, mwabona, mwa ziba haiba li lukile.

⁵⁹³ Cwale, kuna ni se si ezahalile, kokuñwi fela. Cwale mulibelele. Li zwile fa. Li ile kwa . . . liile mwa sicaba, kokuñwi, kokuñwi. Se li ile cwale.

Fa muzuzu fela. Haluboneñi ni ambole ku musali hape.

⁵⁹⁴ Cwale, mube fela ka likute luli mi mubone cwale. Mulapele fela, mube mulapele kafoo. Ni bata kuli mulapele, “Mulena, haibe na.” Babañwi ba mina sicaba kwande kafo, babasike kuba mwa mukoloko wa litapelo, mulapele fela.

⁵⁹⁵ Hape Ni bulela ku wena, ku to leka- . . . kwa tumelo ya mina. Mwabona? Kambe ne li ka ezahala ku musali yomuñwi yani, nelika ezahala ku wena. Ki tumelo ya hao. Mwabona? Ki wena ya eza zeo. Ha ki na. Ki tumelo ya hao ku Mulimu. Mwabona?

⁵⁹⁶ Jesu na si ka bulela kuli, “Oh, Ne ni ziba kuli Ni ka kopana ni musali yani kwani.” Batili.

⁵⁹⁷ Kono cwale zuho ya Lazaro ha itaha, cwale, sani kona sa na Mu bonisize kueza Mulimu. Mwabona? Mulimu ali, “Aku ikele.” Mi A—A bonisa fela sa Nali sona. Aya kusili. Mi cwale Ha yo kuta, Ki hali, “Lazaro u lobezi.” Mi ki Ha kuta, mi a yo zusa Lazaro mwa libita. Abiza moyo wa hae, kasamulaho amano ya mazazi amane. Na si ka bulela kuli Na fokozi fani. Yani neli Mulimu yana itusisa mpo.

⁵⁹⁸ Kono, se, fani musali yani hana Mu sweli, neli musali yana itusisa mpo ya Mulimu.

Mi yeo ki nto yeswana ni mo. Ki wena ya eza cwalo.

⁵⁹⁹ Cwale, ku se, fa misipili ya kuzuma, koo li . . . Ni boni bere, ni koo lika ze shutana, ni lika ze shutana ze kaufela ze bulezwi kale fa, li bulezi libaka le li tilo ezahala, ki linzwi fela ka linzwi. Yani ki Mulimu. Sani ha si ni bilaezi.

⁶⁰⁰ Kono cwale sicaba ha si kala kuitusisa mpo ya Mulimu, mwabona, uba mutanga wa Mulimu kwa batu, kuli ukene fela mwa mukoloko. Mwabona?

Mi kipeto mu Mu swale ka sona, kipeto Wa bulela hape. Mwabona?

⁶⁰¹ Cwale, eeni, cwale musali wa taha mwa pono. Wa taha mwahali, kamba pono isweli kutaha mwateni. Ku bonahala kuli wakona kubona sani inge si mu potolohile. Musali wa kula. Yena luli wa kula. Wa kula, taba iliñwi, ka butata bwa mwa mba, bo bu maswe maswe luli. Nanula lizoho la hao haiba yeo ki niti. Mi una ni matata a lika. Yeo ki niti.

⁶⁰² Hape una ni yomuñwi hamoho ni wena. Ki muuna hao, mi wa kula. Haiba Mulimu uka ni patululela, ku muuna hao, se si fosahalile ku yena, kikuli uka ni lumela kuba mupolofita wa Hae? Muuna yo u katazwa ki meto a hae, ka lizebe za hae, mi u mwa buino bo bumaswe luli. Eeni, sha.

⁶⁰³ Kana wa lumela kuli Mulimu wa ku ziba? [Kezeli uli, “Eeni.”—Mu.] Kikuli uka ni lumela kuba mupolofita wa Hae, muboni wa Hae, haiba Ni ku bulelela yo uli yena? [“Eeni.”] Wa lumela cwalo? Musala. bo Robertson. Mi muzwa kwa Huntsville, kwani ki kwa Alabama. Aku kute, wena ni muuna hao, mi mube hande.

⁶⁰⁴ Wa lumela? “Lika kaufela za konahala ku baba lumela.” Haiba mukona fela ku lumela, haiba munga fela sibaka sa—kunga sibaka sa mina ni ku lumela kuli Mulimu wa si eza. Cwale, usike wa kakanya, kono ulumele fela ka pilu ya hao kaufela, kuli Mulimu alumele foliso ye ku wena, mi wakona kuba ni zo kupile kaufela.

⁶⁰⁵ Ku lukile, sha, aku tahe cwale. Ha lu boneñi. Kana ki wena mutu ya tatama mo? Ku lukile, sha. Ni sepa kuli lu baenyi, yomuñwi ku yomuñwi ni yomuñwi, sha. Haiba . . . Jesu na tile ku muuna yabizwa Simoni, amu bulelela ka buino bwa hae, mi za eza Simoni kuya ni kulumela, ka pilu ya hae kaufela. Kana li ka kuezwa nto yeswana? [Muzwale uli, “Eeni.”—Mu.] Li ka ezahala. Kihande, luna ka kuba baenyi.

⁶⁰⁶ Cwale, Mulimu ha shutani mwahala muuna kamba musali. Yena wa swana fela. Ki Mulimu. Mwabona?

⁶⁰⁷ Mi kana u lumela cwalo (maikuto ani ali bukaufi ni wena cwale), kuli Mulimu akone kupatulula ku wena, ka na, mutanga Hae, nto yotezi kwanu yeo, kuna ni se si fosahalile ku mina, kaufela seo sili sona? Kihande, u ka ziba kuli ki niti kamba nee. Ku lukile. Mi Ha li lumeleze.

⁶⁰⁸ Muuna yoo utaha mwa pono, kamba pono itaha ku mutu. Hayo mo bakeñisa makulano. Uteni mo ubata kolobezo ya Moya o Kenile. Sani kona sa bata. Yani ki niti, sha. Eeni, sha. Mi ha uzwi kwanu. U zwelela kwa mukwakwa kwanu, sibaka se si bizwa Seymour, Indiana. Kwani, kwani—kwani kona ko u zwelela. Ba ku biza kuli, “Bill.” Bill, kuta, amuhela Moya o Kenile, ka Libizo la Jesu Krete. Lumela.

609 Taha, kalibe. Kana wa ni lumela kuba mupolofita wa Hae? Kana wa lumela kuli Jesu Kreste, yena Mwana Mulimu, wa pila? Mi u lumela kuli ki Yena ya lumeleza se ku ezahala cwana? Wa lumela cwalo?

610 Ki babakai bo lubile ni bona? Sikamañi? Mwabona, Hani lati kuba ya fokola hahulu. Ku lukile.

611 Batili, ha ki sesiñwi; ha u yo kwanu unosi. U bezi kwanu bakeñisa mutu usili. Mi mutu yomuñwi yani ha yo mo. Haiba Ni mi bulelela butata bwa mutu yomuñwi yo, kikuli muka amuhela foliso, ni kunga ni ku lumela? Ki kansa. Kana wa lumela kuli ba ka foliswa? Konakuli zamaya, ka Libizo la Mulena Jesu, mi ulumele. Halu ezeni fela . . .

612 Kana mwa lumela, kaufela mina? Kana mwa lumela tozo ya Moya o Kenile yani? Kana ha Ki yomunde nji? Kana mwa lumela? Ku lukile.

613 Cwale, ki ba bakai bo lubile ni bona? Hañata bababeli, bababeli kamba babalalu, kona tiisezo. [Yomuñwi uli, “Babalalu.”—Mu.] Uli cwani? [Yomuñwi uli, “Foo ki foo fo he cwale.”] Wabune? [“Eeni.”] Kana yo ki yena wa buketalizoho ya yemi fa nji? Ku lukile.

614 Halu—halu lumeleñi ka lipilu zaluna kaufela, kuli Jesu Kreste Mwana Mulimu wa swana maabani, kacenu, ni kuyakuile.

615 Utile kwanu bakeñisa mbututu yani. Haiba Mulimu uka ni patululela se si fosahalile ku mbututu wa hao, kikuli uka lumela kuli Mulimu uka mu folisa? Mucaha yomunyinyani yani una ni butata bwa pilu. Yeo ki niti. Bab-. . .ha u cwalo, mbututu ha zweleli kwanu. U zwelela kwande a tolopo. U zwile mwa tolopo. U lumela kuli Mulimu wa kona ku ni bulelela ko ku zwelela mbututu? Kikuli uka lumela, ni kulumela kuli ku kaba hande kanti? Mu i kutise kwa Franklin, Kentucky. Eeni, ima, mi mulumele ka lipilu za mina kaufela. Haiba u ka lumela, kona fela zo lukela kueza.

616 Halu—halu . . .Taha kwanu fa muzuzu fela. Ni kalimela nto yemaswe yani. Ka Libizo la Jesu Kreste, lifu ha li zwe, mi bupilo bu tahe.

“Ba ka beya mazoho a bona fa bakuli, bao ba ka foliswa.”

U bata ku yo ca? U nahana kuli Uka ku eza hande? Muzwelepili cwalo. Li mi siile cwale. Amen.

617 Wa lumela kuli butata bwa sisali bu ka ku siya? Ku lukile. Zamaya kwa sipula sa hao mi uli, “Ni Itumezi, Mulena.”

U ikutwa cwani, sha? Oh, diabulosi yani, kufipelwa!

618 Fa nako nyana fela. Fa nako nyana fela cwale. Sesiñwi sa fosahala . . .Sesiñwi ne si si ka fosahala; sa ya hande. Cwale, kuna ni sesiñwi mwahali mo, se si swana, sene si sweli muuna

yani ka nako yani. Halu boneñi hape kuli neli sikamañi. Cwale aku ni talime fela. Usike wa bulela sika. Fa nako nyana fela.

619 Ki muuna yomunsu, yainezi kwa mulaho kwanu, yasweli ku ni talimela. Ki za hae. . . una—una ni mutu ya kula. Yeo ki niti. Una ni kufipelwa mwa sifuba ni mwa misinga ni libelenge. Yeo ki niti. U Mu sweli. Ha u zwi kwanu, sha. U zwelela kwa Upa, kwa neku la mutulo, neku *le*. Mu zwelela kwa New York. Eeni, sha. Yani ki niti. Mu Bo. Hunt. Mwa lumela cwale. Ku lukile, sha. Sani ki sesinde.

620 Yani ki mulikana hao yainzi bukaufi ni wena, wa lapela. Wa ni lumela, sha, kuba mupolofita wa Mulimu? [Muzwale uli, “Eeni.”—Mu.] U tile kwanu ni yena. Libizo la hao ki wena Coleman. Mi u—u lapelela bondataho. Bana ni luñañali. Seo kikuli SA BULELA MULENA KISONA. Ulumele. Zamaya, u lumele cwale, li ka ku siya.

621 Una ni ku fipelwa mwa mba, iku katalize luli. Nji ha ku cwalo? Zamaya, uce. Ka Libizo la Mulena Jesu.

Wa lumela kuli U ku folisize? Kuta fela mi ubulele kuli, “Ni Itumezi, Mulena Jesu.” U lumele ka pilu ya hao kaufela.

622 U katazwa ki butata bwa kuikalelwa, kufilikana kaufela, ni zeñwi cwalo. U lumele ka pilu ya hao kaufela. Kuta mi ube hande.

623 Kuikalelwa. U lumele fela ka pilu ya hao kaufela. U lumela kuli Mulimu uka ku folisa, mi Uka eza cwalo. Usike wa kakanya ni hanyinyani.

624 Kuikalelwa ni butuku bwa pilu. U lumele kuli Jesu Kreste uka ku folisa? Zamaya, ube hande, ka Libizo la Jesu.

625 Kuikalelwa, kubilaela, butata bwa mwamba bwa ku kataza ni butata bwa moya mwamba kona bo bu kutiseza lico ku lungalala. Zamaya, usike wa kakanya mwa pilu ya hao; mi ku ka ezahala kuli, hauna kuba ni zona ni kamuta.

626 Mukokoto wa hao ubile u ku kataza. U lumele ka pilu ya hao kaufela? Mi zamaya, mi Jesu Kreste wa ku folisa ku se.

627 Fa nako nyana fela. Amu kuze fela, fa nako nyana fela. Cwale sesiñwi se ezahalile. Musali yo fa u ipitezi. Liseli lani la mu monyeha, kapili luli, mi la ikela, ni kukuta hape. Sesiñwi sa ezahala. Fa nako nyana fela. Neli muuna yomunsu, Ni sepa kuli ne si muzwale yomunsu kwani, kakuli ne li tile. . . Fa muzuzu fela. Ki se fa. (Mukute kwa mulaho, Billy.) Ki se fa.

628 Ki muuna yo yainzi fa, muuna yomunsu. U katazwa ki butata bwa mukokoto, hape. Yeo ki niti. U muenyi kuna. Na ku wena. Kono kuna ni nto iliñwi yo tokwa bunde kufita butata bwa mukokoto, foo ki, pilu ya hao ku Kreste, ube Mukreste. Ha u. . . Kikuli uka Mu amuhela kuba Mupulusi wa hao? U zwa kwa Ohio. Yeo ki niti. Kuzwa kwa Ohio. Kuta kwa mulaho, ube hande. Jesu Kreste u swalela libi za hao, mi wakona kuya kwa ndu mi u

foliswe. Cwale ku felile. Cwale wakona kuya kwa hae. U lumele ka pilu ya hao kaufela.

629 Ku lukile, kezeli, taha. Matata, ni kuikalelwa, ni kukatala. U lumele ka pilu ya hao kaufela kuli Mulimu uka ku folisa? Zamaya kwa sipula sa hao, mi uli, “Ni Itumezi, Mulena Jesu, kwa lika kaufela Zo ni ezelize.”

630 U lumela kuli Mulimu Yamata kaufela uka ku folisa, ni kufolisa mukokoto wa hao, ni kuku folisa, ni ku folisa butata bwa lipiyo, kueza . . . ? Zamaya—ikele mwa musipili wa hao, unzo nyakalala, mi uli, “Ni Itumezi, Mulena Jesu.”

631 Wa lumela, mwanaka wa mucaha, Wa ku folisa? Uli, “Ni Itumezi, Mulimu yomunde.” Zamaya, unzo lumba Mulimu.

632 Cwale u lumele ka pilu ya hao kaufela, kezeli? Konakuli zamaya, ni Jesu Kreste wa ku folisa.

633 Fa nako nyana fela. Batili, ne si yena. Fa muzuzu fela. Ne si kalibe fani. Fa muzuzu fela cwale. Fa nako nyana fela.

634 Ni boni mezi a hasaka fa sika sesiñwi. Yomuñwi uteni mo ya sila liwate, kuzwa kokuñwi. Ki musali, mi u zwelela kwa Holland. U inezi kai? Ki yani fani. Ku lukile, kezeli. U tile musipili o mutelele wa foliso. U ni lumela kuba mupolofita wa Hae? [Kezeli uli, “Oh, eeni.”—Mu.] U katazwa ki kuopa mwa lingongo, ni kuopa mwa lingongo, kuomelela. U lumele ku Mulena Jesu Kreste, mi u ise Liñusa kwa sicaba sa hao. Mulimu aku fuyole. Li ka ku siya mi wa kona kuya ni ku foliswa. Amen.

Kana wa lumela?

635 Kwanu, kwa mulaho kwanu, ki musali ya inezi kwa mulaho kwanu. Mi ukatazwa ki butata bwa nyoko. Oh, uka latehelwa ki zona. Mulimu, ni tuse. U—u zwelela kwa Indianapolis. Libizo la hae ki Gilbert. Yema fo uinzi, kalibe. Ki fo he cwale. U foliswe, ka Libizo la Jesu Kreste.

636 Kana kaufela mwa lumela, ka lipilu za mina kaufela? [Puteho ili, “Amen.”—Mu.] Mubeye za mina . . . Kana Jesu u zuhile kwa bafu? [“Amen.”] Kana Wa swana maabani, kacenu, ni kuyakuile? [“Amen.”] Amu beye mazoho amina ku mañi ni mañi mi halu lapeleñi, hanze Ni lapelela Kezeli Kelly.

637 Mulena Jesu, lumeleza Mata a Hao a Kenile atahe mwa keleke cwale! Mi ha Li fiwe mwahali ni ku kezela luna mo kuli bu bukeleze bupilo bwa hae, Mulena. Mu mufe foliso tuna ye ya sweli ku ipapata yona, Mulena. Folisa sicaba sa Hao mo. Amuhela kanya ku Wena. Lumeleza cwalo, Mulena.

638 Mi cwale sicaba se mo se si kambekile mazoho abona ku yomuñwi ni yomuñwi.

639 Satani . . .

Lu taha cwale kwa litaulo ze; ka Libizo la Jesu Krete, mi mutu kaufela a foliswe. Mulena, paka Linzwi la Hao ka lisupo ze latelela.

⁶⁴⁰ Mi cwale, Satani, wena diabulosi ya maswe, u komilwe. Mulimu na bulezi kuli Uka kutiseza Mwana Mulimu, ku Yena ye mu betekile mwa lituto za litumelo za mina. Na sepisize ku kutiseza Keleke mwa buino bwa yona bwa kale, Maseli a manzibwana ha monyeha. Mi lupila ku Yona. Mi ka ku kutisezwa, luna ni tukelo, luna ni Muyemeli wa luna, luna ni Muyemeli wa luna wa Mulao, Muprisita wa luna Yomutuna, mi lu ka hapeleza teko yateni. U ba bulukile nako yetelele luli. Ha ukoni kueza cwalo ni hanyinyani. Lwa ku kalimela, ka Libizo la Jesu Krete, ka mata a zuho ya Hae ni Moya o Kenile oliteni cwale: Akuzwe mwa sicaba se!



KU KUTISEZWA KWA KOTA YA MUNYALIWA LOZ62-0422
(The Restoration Of The Bride Tree)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Lungu 22, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org